

FR. EUSTACHII

A. S. PAULO,

Ex Congregatione Fuliensi,

Ordinis Cisterciensis

ETHICA,

Sive

Cam. e. 657.2

Summa Moralis disciplinae,

in tres partes divisa.

Cum duplici Indice locupletissimo.

*Nunc demum, in gratiam studiosa juven-
tutis, seorsim edita, & quamplu-
rimis mendis repurgata.*




CANTABRIGIÆ:

Ex Academix celeberrimæ Typographeo,

Impensis Guilielmi Morden Bibliopolæ, apud quem
venales prostant. 1654.

7

24-245



Quæstiones proœmiales, *De Mo-
rali disciplina.*

Præfatio.

Qu. I. *Quid sit Moralis philosophia; &
An sit verè scientia.*

II. *Quodnam sit subjectum Moralis scientiæ.*

III. *Quenam sint præcipue partes Moralis philosophiæ.*

Prima pars Ethicæ; *De Beatitudine.*
Præfatio.

Præfatio.

Prior Tractatus hujus partis ; *De Bono & Fine.*

Prior Disputatio hujus Tractatûs; *De Bono.*

Quæst. I. Quid sit Bonum.

II. *Quonam pacto res ferantur in bonum.*

III. *Utrum omnis appetitio feratur in bonum.*

IV. *Quotuplex sit bonum.*

Posterior Disp. hujus Tract. *De Fine.*

Quæst. I. *An idem sit Finis & Bonum.*

II. *Utrum omnia agant propter finem.*

III. *Sitne aliquis ultimus finis humanarum actionum.*

Posterior Tract. hujus partis ; *De ipsa Felicitate.*

Prior Disp. hujus Tract. De beatitudine hominis Ob-
jectiva.

Quæst. I. Quid sit, & qualis esse debeat hæc beatitudo.

II. In quonam genere bonorum ponenda sit felicitas Obje-
ctiva.

Posterior Disp. hujus Tract. *De formali hominis Be-*
titudine.

Quæst. I. Quid sit, & in quo posita sit ejusmodi beati-
tudo.

Index.

- II. *Quenam sit supernaturalis felicitas tum hujus cum alterius vite.*

Secunda pars Ethicæ ; De Principiis humanarum actionum.

Prefatio.

Prior Tract. hujus partis ; De Principiis Internis humanarum actionum.

Prior Disp. hujus Tract. De Principiis internis humanarum actionum à natura Congenitis.

Quæst. I. *Quomodo Intellectus dicatur principium humanarum actionum ; Et, An moveat Voluntatem ; simulque à Voluntate moveatur.*

II. *Quomodo Voluntas moveat inferiores Potentias.*

III. *Utrum Appetitus sensitivus moveat voluntatem.*

IV. *Quomodo Voluntas liberum sit agendi principium : Ubi, de libero arbitrio.*

Posterior Disp. hujus Tract. De Principiis internis humanarum actionum Acquisitis, nempe Habitibus.

Qu. I. *Quid sit Habitus.*

II. *Quomodo acquirantur, deinde augeantur morales habitus.*

III. *Quomodo habitus concurrant cum facultatibus ad operandum.*

IV. *Quomodo corrumpantur habitus.*

Posterior Tract. hujus partis ; De Principiis Externis humanarum actionum.

Prior Disp. hujus Tract. De principio externo humanarum actionum efficaciter movente.

Qu. I. *Quomodo Deus dicatur principium externum humanarum actionum.*

II. *Quomodo Deus concurret cum voluntate ad actus humanos.*

III. *Quomodo Deus moveat voluntatem ad agendum.*

Posterior Disp. hujus Tract. De aliis principiis externis humanarum actionum.

Qu. I. *Utrum nihil præter Deum possit efficienter movere voluntatem.*

II. Quo-

Index.

- II. *Quomodo Angeli, sive boni sive mali, aliquid suadeant humane voluntati.*

Tertia pars Ethicæ : *De ipsis Actionibus humanis : Ubi, de Passionibus, deque Virtutibus ac Vitiis.*

Præfatio.

Primus Tract. hujus partis ; *De ipsis actionibus humanis.*

Prior Disp. hujus Tract. *De actionibus humanis generatim.*

Qu. I. *Quid sit Actio humana : Ubi, de Voluntario & Involuntario.*

II. *Quid sit Involuntarium, & quotuplex.*

III. *Quid & quotuplex sit Ignorantia ; & quenam sit involuntarii causa.*

IV. *Utrum nihil præter vim & ignorantiam pariat involuntarium.*

V. *De Bonitate & Malitia humanarum actionum in genere.*

VI. *De Circumstantiis humanarum actionum.*

Posterior Disp. hujus Tract. *De actionibus humanis speciatim.*

Qu. I. *Quenam sint præcipue species actionum humanarum.*

II. *De humanis actibus Elicitis circa finem ; præsertim de Volitione & intentione.*

III. *De humanis actibus circa media ; præsertimque de Electione.*

IV. *De Consilio seu Deliberatione electionem præcedente.*

V. *De actionibus humanis Imperatis.*

Secundus Tract. hujus partis ; *De Passionibus anime.*

Prior Disp. hujus Tract. *De passionibus anime generatim.*

Qu. I. *Quid & quotuplex sit, & in quam corporis parte resideat Appetitus sensitivus.*

II. *Quid sint Passiones, & unde nascantur.*

Index.

III. *An omnis passio sit vitiosa, & nunquam cadat in virum sapientem.*

IV. *An rectè assignetur passionum numerus.*

Posterior Disp. hujus Tract. De passionibus animæ speciatim.

Qu. I. De Amore & Odio.

II. De Desiderio & Fuga.

III. De Delectatione seu Voluptate, & Tristitia seu Dolo.

IV. De Spe & Desperatione.

V. De Melu & Audacia.

VI. De Ira.

Tertius Tract. hujus partis; De Virtutibus & Vitiis.

I. Disp. hujus Tract. De virtutibus generatim.

Quæst. I. *Quid sit Virtus moralis.*

II. *An virtutes in mediocritate consistant.*

III. *In quam animi parte sint virtutes.*

IV. *Quid, & quot sint virtutes quæ vulgò Cardinales appellantur.*

V. *Utrum virtutes morales sint inter se connexæ.*

II. Disp. hujus Tract. De virtutibus sigillatim, nempe, de quatuor Cardinalibus.

§ I. De Prudentia.

Quæst. I. *Quid sit Prudentia.*

II. *Quodnam sit subjectum circa quod versatur Prudentia.*

III. *An habitus prudentiæ in viro sapiente sit multiplex.*

IV. *Quinam sint actus seu officia prudentiæ.*

V. *Quenam sint partes integrantes prudentiæ.*

VI. *Quenam sint subjectæ partes prudentiæ.*

VII. *Quenam sint partes potentiales prudentiæ.*

§ II. De Justitia.

Quæst. I. *Quid sit Justitia.*

II. *Quenam sint partes integrantes Justitiæ.*

III. *Quenam sint partes subjectæ seu species Justitiæ.*

IV. *De justitia generali seu legali.*

V. *De justitia speciali.*

VI. *Quæ-*

Index.

VI. *Quenam sint partes potentiales justitie.*

VII. *De Lege.*

VIII. *De Jure.*

§. III. *De Fortitudine.*

Quæst. I. *Quid sit Fortitudo.*

II. *Quinam sint fortitudinis actus.*

III. *Quenam sint partes fortitudinis.*

§. IV. *De Temperantia.*

Quæst. I. *Quid sit Temperantia, & quodnam ejus ob-
jectum.*

II. *Quenam sint partes temperantie.*

III. *Disp. hujus Tract. De Vitijs & Peccatis.*

Quæst. I. *Quid sint Vitium & Peccatum.*

II. *Quenam sit vitiorum ac peccatorum origo.*

III. *An vitium sit contra naturam.*

IV. *Quenam sit propria peccati differentia.*

V. *Utrum habitus vitiosus possit fieri bonus; & è contrâ.*

VI. *An actus vitiosus sit pejor habitu.*

VII. *An vitium simul cum virtute esse possit.*

VIII. *Quenam sint vitiorum ac peccatorum species.*

Schema

**Schema generale, in quo series eorum omnium
quæ traduntur in hac Summa Moralis
disciplinæ ob oculos ponitur.**


Questiones proœmiales De Morali disciplina, Quæst. 3.

Exhibe, seu Moralis disciplinæ tres sunt partes:

<i>Prima, de Beatitudi- ne seu fine humanarū actiōum</i>	<i>Prior Tractatus de Bono & Fine: Posterior Tract. de ipsa Felicitate:</i>	<i>{</i>	<i>Prior Disputatio, de Bono,</i>	<i>4</i>	
			<i>Posterior Disp. de Fine,</i>	<i>3</i>	
			<i>Prior Disp. de beatitudine ho- minis Objectiva,</i>	<i>2</i>	
			<i>Posterior Disp. de Formali ho- minis beatitudine,</i>	<i>2</i>	
<i>Secunda de Principiis huma- narum actiōum:</i>	<i>Prior Tract. de principiis internis hu- manarum actiōum:</i>	<i>{</i>	<i>Prior Disp. de principiis internis humanarum actiōum à natura Congenitis,</i>	<i>4</i>	
			<i>Posterior Disp. de principiis inter- nis humanarum actiōum Acqui- sitis,</i>	<i>4</i>	
	<i>Posterior Tract. de principiis externis hu- manarum actiōum:</i>	<i>{</i>	<i>Prior Disp. de principio externo humanarum actiōum Efficaciter mouente,</i>	<i>3</i>	
			<i>Posterior Disp. de aliis principiis externis humanarum actiōum,</i>	<i>2</i>	
<i>Tertia, de ipsis actiō- ibus hu- manis: ubi de passio- nibus, de- que Virtu- tibus ac Vitiis:</i>	<i>I. Tract. de ipsis Actiōi- bus humanis:</i>	<i>{</i>	<i>Prior Disp. de Actiōibus humanis generatim,</i>		
			<i>Posterior Disp. de Actiōibus hu- manis specialim,</i>	<i>5</i>	
	<i>II. Tract. de Passionibus animæ.</i>	<i>{</i>	<i>Prior disp. de Passiōibus animæ generatim,</i>	<i>4</i>	
			<i>Posterior Disp. de Passiōibus ani- mæ sigillatim,</i>	<i>6</i>	
	<i>III. Tract. de Virtu- tibus & Vitiis.</i>	<i>{</i>	<i>1. Disp. de Virtutibus generatim,</i>	<i>5</i>	
			<i>2. Disp. de Vir- tutibus sigilla- tim, nempe de 4 cardinalibus.</i>	<i>1. §. de Prudentia,</i>	<i>7</i>
				<i>2. §. de Iustitia,</i>	<i>8</i>
				<i>3. §. de Fortitudine,</i>	<i>3</i>
				<i>4. §. de Temperantia,</i>	<i>2</i>
		<i>3. Disp. de Vitiis & Peccatis,</i>	<i>8</i>		

Secunda

Secunda



De rebus Moralibus.

Quæstiones præcæmiales,

De ipsa Morali disciplina.

Præfatio.



Uoniam universæ Philosophiæ finis est *Philosophiæ finis humana felicitas (cùm nulla res anti-* humana felicitas.
quos magis ad philosophandum impulserit, quàm ut cæteris hominibus beatiore essent;) quæ quidem felicitas partim in veritatis contemplatione, partim in actione virtuti consentanea posita est: ideo præter scientias contemplatrices, oportuit aliquam esse scientiam quæ recti honestique rationem contineret, & ad virtutem morumque probitatem erudiret: Quam Ethicam, h. e. moralem disciplinam seu morum scientiam, appellarunt, unamque è præcipuis Philosophiæ partibus esse censuerunt. De hac igitur priùs quàm de iis quæ ad ipsam pertinent nonnihil præfationis loco dicemus.

Quæstio I.

Quid sit Moralis Philosophiæ, & An sit verè scientia.

Moralis Philosophia vulgò appellatur hæc Philosophiæ pars, quòd tota in moribus rectè instituendis posita sit. *Mores autem dicuntur tum actiones humanæ, (i. e. actiones hominum liberæ, præsertim consuetæ* *Mores quid*

consuetæ ac sæpius iteratæ) cùm etiam habitus qui ex ejusmodi actionibus iteratis comparantur. Et quoniam de hac morum disciplina controversitur, an sit Ars, an verò Prudentia, an potiùs dicenda sit Scientia; totam hanc litem triplici conclusione dirimemus.

*1. Conclusio
probatæ.*

*Virgines non
tam externo
quàm inter-
no afflu mē-
surande
sunt.*

Qu. 1.

*2. Conclusio;
probatæ 1.*

2,

I. Conclusio; Moralis disciplina non est ars propriè dicta: Non enim primò & per se versatur circa actiones corporeas: licet enim pleræque actiones humanæ seu morales ad objecta quædam externa & corporea referantur, ut Liberalitas, Temperantia, &c. non tamen propterea actiones illæ sunt externæ aut corporeæ: Et quamvis actiones quædam corporeæ dicantur humanæ seu liberæ, atque ad Moralem philosophum pertineant, quatenus liberè imperantur à voluntate; non tamen circa illas primariò versatur Moralis philosophus, sed tantùm secundariò, quatenus sunt effectus actionum internarum seu elicitarum voluntatis, in quibus ratio virtutis aut vitii primò & per se reperitur. Nec enim tam Depositem reddere aut Debitum solvere, quàm Efficax & constans voluntas tribuendi unicuique jus suum, justitiæ munus est: itémque, non tam cursum accelerare amici tuendi causâ, quàm Summo studio velle amico opitulari, amicitie officium est. At verò, non tantùm opera, sed etiam actiones circa quas primò & per se versatur ars, externæ sunt & corporeæ. Repete ex Logicæ Prolegomenis ea quæ de arte propriè & impropiè dicta docuimus.

II. Conclusio; Moralis disciplina non est prudentia. Primùm, quia prudentia non nisi in probis hominibus reperitur; nam animi sagacitas morum probitate destituta, calliditas est & astutia magis quàm prudentia: at Moralis philosophia etiam in perditissimis hominibus inveniri potest. Deinde, prudentis officium istud potissimum est, ea quæ ad finem magis conducibilia sunt solerter eligere: at Moralis philosophus non tantùm ea quæ sunt ad finem, verùm etiam finem

etiam finem ipsum ex instituto contemplatur. Præterea, prudentia est tantum eorum quæ cadunt in deliberationem; at Moralis philosophia est rerum, quarum constans & indubitata veritas est: unde viri prudentis est, adhibito consilio maturè deliberare; Moralis verò philosophi, aliquid certò definire ac determinare. Denique, Moralis philosophiæ est, humanas actiones dirigendas in universum contemplari: prudentiæ verò munus est, singulas ejusmodi actiones pro circumstantiarum ratione sapienter moderari. *Coroll.* Licet igitur tum moralis disciplina cum etiam prudentia sint morales habitus qui in eadem intellectiva animæ parte resident, & circa easdem hominum actiones versantur: quia tamen non in eodem sunt ordine (cum prudentia morali disciplinæ tanquam inferior superiori subordinetur) nec eadem sunt utriusque officia, ut patet; ideo non formali ratione modò, sed etiam re ipsa distinguuntur; præsertim cum moralis disciplina nonnunquam sine prudentia, & è contrà prudentia absque morali disciplina esse possit.

III. Conclusio; Moralis disciplina est scientia propriè dicta. Cujus conclusionis veritas ex præcedentium conclusionum veritate satis elucescit; & confirmatur adhuc unicâ hâc validissimâ ratione, Ea censenda est propriè scientia, in qua aliquid certò & evidenter per vera principia cognoscitur. Atqui ejusmodi est Moralis philosophia, in qua multa traduntur de actionibus humanis certò & evidenter per vera principia; ut cum philosophus Moralis probat Tribuendum esse unicuique quod suum est, hâc demonstratione, *Id Occurritur*
semper agendum est quod recta ratio postulat: Sed recta ratio postulat ut unicuique reddatur quod suum est: Ergo unicuique jus suum tribuendum est. *ratione objectioni.* Et licet actiones humanæ in actu exercito (ut loquuntur) inconstantes sint, leves, & incertæ; & nonnullæ etiam naturâ suâ adiaphoræ sint seu indifferetes, ita ut modò bonæ modò malæ esse possint: nihilominus tamen de iis omnibus indubitatas ac perpetuæ veritatis propositiones habet Moralis philosophus. *Quæst.*

Quæstio. II.

*Quodnam sit subjectum Moralis scientiæ.**Afferio.**Obiectum
huius sci-
entiæ est
actio huma-
na.**N. ta.**Qu. 2. sub
finem.**Actio recta**rectificanda**rectificata.**Supradicta
probatæ
afferio.**Principia
huius dis-
ciplinæ.*

Cum constet apud omnes, Moralem philosophiam maximè dici practicam, necesse est ut ipsius obiectum sive subjectum circa quod versatur & à quo denominatur propriè practica, sit praxis maximè propriè dicta; quæ nihil aliud est quàm actio humana seu moralis. Itaque obiectum proprium totale & adæquatum huius scientiæ, est actio humana quatenus est dirigibilis ad bonum morale, seu ad finem rectæ rationi consentaneum. Ubi per *actionem humanam* intelligimus quamvis actionem hominis liberam, sive elicitam ab ipsa voluntate, sive ab eadem imperatam. Cui additur ipsa ratio formalis objecti, videlicet, *quatenus dirigibilis est ad bonum morale*. Quod ut intelligas, repetendum est quod in Dialecticæ Prolegomenis docuimus; In scientiis practicis aliud esse obiectum considerandum duntaxat, aliud verò obiectum considerandum simul & dirigendum. Sic enim in Morali disciplina actiones morales rectæ, ut rectæ, dici possunt obiectum considerandum duntaxat: actiones verò humanæ rectificandæ dici possunt subjectum Moralis philosophiæ considerandum simul ac dirigendum: Quod verò spectat ad actiones rectificatas, quæ à nonnullis dicuntur obiectum formatum; non tam scientiæ subjectum quàm ejusdem scientiæ finis remotior censendæ sunt.

Quòd igitur actiones humanæ seu morales rectificandæ in ordine ad bonum morale, sint verum & legitimum scientiæ Moralis subjectum, vel ex eo patet (ut cætera prætermittam) quòd omnia quæ in ejusmodi scientia traduntur, ad actiones eo modo spectatas referantur tanquam principia, partes aut proprietates. Et quidem principia humanarum actionum simplicia sunt, Intellectus, Voluntas, Liberum arbitrium, Ha-
bitus

bitus virtutum, Finis ultimus, & earum Objecta. Principia verò complexa, quæ dicuntur principia scientiæ permulta sunt; v. g. *Esse unum ultimum finem humane vitæ propositum; Media esse proportionata fini; Hominem esse libero arbitrio præditi; Virtutes assuetudine comparari, &c.* Partes præterea seu species actionum humanarum sunt actiones voluntatis elicitæ & imperatæ; item actiones ex natura sua Bonæ, Prævæ, vel Indifferentes. Earundem verò proprietates dici possunt Bonitas vel Malitia moralis, Meritum vel Demeritum, item Circumstantiæ nonnullæ quæ eas comitantur. Homo verò aptus purgari à vitiis & virtutibus instrui, est finis cui prodest Moralis philosophia. Finis verò Morali philosopho propositus, est primùm dirigere actiones hominis; deinde, ipsæ actiones directæ: tandem ipsa humanæ vitæ Felicitas non tantùm humanæ vitæ rectificationum actionum, sed etiam ipsius Moralis disciplinæ finis ultimus dici potest.

Partes;

Proprietates;

Finis.

Quæstio III.

Quenam sint præcipue partes Moralis philosophiæ.

Cum institutum Moralis philosophiæ sit, hominem probitate morum informare, cùmque ad felicem vitæ statum perducere; homo verò quatenus sic informari potest, triplici modo spectetur: primò, in se absque respectu ad multitudinem; secundò, ut pars est domesticæ societatis; tertio, ut est membrum totius reipublicæ: Hinc orta est celebris illa philosophiæ Moralis in tres partes divisio: nempe, in Ethicam, seu Monasticam, h. e. privatum; Oeconomicam, seu domesticam; & Politicam, seu civilem: Quarum prima mores hominis in se absolute considerati componit, pertinetque ad bonum privatæ cuiusque personæ; secunda mores hominis ut est pars familiæ informat, ordinaturque ad bonum societatis domesticæ;

Hominis beatificationi consideratio triplex.

Inde triplex philosophia Moralis; Ethica,

Oeconomica Politica.

tertia

tertia mores hominis quatenus est reipublicæ membrum, in ordine ad bonum totius civitatis ac reipublicæ, instituit. Itaque prima prodest privatæ cuiq; personæ; secunda, domui vel familiæ; tertia, civitati vel reipublicæ.

*Quis ordo
inter illas
tres disci-
plinæ.*

Ex quo intelligere est, Ethicam sive Monasticam tum naturæ cum doctrinæ ordine reliquas duas præire: tum quia rem simpliciozem, nempe privatum hominem, considerat, qui simplicius quiddam est quàm Familia, quæ ex singulis hominibus; quàmq; Civitas aut Respublica, quæ ex multis familiis coalescit: tum quia necesse est propriam vitam prius componere, quàm ad familiæ aut reipublicæ gubernaculum accedere. Ordine tamen dignitatis Politica reliquas duas antecedit, tum quia cæteras eminentiori quodam modo in sese continet, tum quia circa nobilius subjectum versatur: Adde, quòd regimen reipublicæ multò perfectius est quàm regimen suiipsius aut familiæ, quia nempe ad plura se extendit, & ad nobiliorem finem refertur: atqui, ut docet D. Thomas, Civilis seu Politica scientia juvat regimen reipublicæ; Oeconomica, familiæ; Ethica verò, uniuscujusque privatæ personæ.

2.2. qu. 50.
art. 1.

*Politica &
Oeconomica
partes duæ.*

Utriusque autem disciplinæ, tam Politicæ quàm Oeconomicæ, duæ sunt præcipuæ partes; quarum altera in instruendis iis qui præsunt, altera in instituendis iis qui subsunt posita est. Præest autem in œconomia seu familia is qui vulgò dicitur Paterfamiliâs, qui idem est Vir, Pater, & Dominus; Subsunt verò, Uxor, Liberi, & Servi: Unde Oeconomica triplici societate dicitur constare; Despoticâ seu herili, Gamicâ seu conjugali, & Patricâ seu paternâ. At verò in politia, aut unus, aut pauci, aut multi præsunt; cæteri verò subsunt: Ex quo orta est reipublicæ forma triplex: nempe, Monarchica, in qua unus; Oligarchica (ad quam spectat Aristocratica) in qua pauci, iique vel divites vel optimates; & Democratica, in qua multi (nempe populus) imperant. Licet autem naturæ lege Democratia Monarchiam

*Politie for-
ma triplex.*

narchiam & Oligarchiam sive Aristocratiam præcedat; quia omnes nascimur liberi, nec facile alterius imperio subjicimur: nihilominus tamen ordine dignitatis, & habitâ ratione optimæ gubernationis, cæteras antecedit Monarchia, Divino imperio quàm simillima; Quam sequitur Aristocratia: Ultimum verò locum tenet hoc ordine Democratia.

Porro prætermisissis iis quæ tum ad Politicam cùm ad Oeconomicam pertinent, quoniam ea non sunt nostri instituti, ea duntaxat explicabimus in hac secunda parte nostræ Summæ, quæ ad Ethicam sive Monasticam primò & per se spectare videbuntur: quæ tamen optima sunt tum Politicæ cùm etiam Oeconomicæ fundamenta. Et quoniam Ethicæ subiectum sunt actiones humanæ ad finem vitæ privatæ consentaneum dirigibiles, eo ordine progrediemur, ut primùm de ipso fine ultimo humanarum actionum, seu de Beatitudine privata, disseramus; ubi nonnulla de Bono & Fine in communi præmitteremus: deinde, in secunda parte agemus de earundem humanarum actionum Principiis tum internis cùm externis: denique, de ipsis humanis actionibus dicemus in tertia parte; ubi de Passionibus animi, tum de Virtutibus ac Vitiis pertractabimus:

Ethicæ tres

partes.

1.

2.

3.

Prima



Prima pars Ethicæ ;

De Beatitudine.

Præfatio.

*Hujus par-
tis tractatus
duplex.*



Ulm beatitudo sit finis humanarum acti-
onum ultimus, atque adeò omnis hu-
mana actio sit propter finem, finis au-
tem bonum quoddam sit; doctrinæ
ratio postulat, ut paulò post acturi
de Felicitate, priùs de Bono ac Fine
differamus: Sicque hujus primæ partis duo erunt tract-
atus: prior, de bono & fine; posterior verò, de ipsa fe-
licitate seu beatitudine humana.

Prior Tractatus hujus partis:

De Bono, & Fine.

Quia Finis species quædam est Boni, idcirco pri-
ùs de bono quam de fine agendum est: Quare
prior hujus tractatus disputatio de bono, posterior
verò de fine instituitur.

Prior Disputatio hujus Tractatûs :

De Bono.

Quæst. I.

Quid sit Bonum.

*Boni defi-
nitio.*

Bonum a veteribus rectè definitum fuisse, Id quod
omnia appetunt, scribit Aristoteles in ipso limine
lib.

lib. 1. Ethicorum ad Nicomachum. Quam boni definitionem vel potiùs descriptionem ut intelligas, notandum est hîc quod alibi fusiùs explicabitur, Bonum quâ bonum, ex sua ratione formali significare relationem convenientiæ; quandoquidem bonum est objectum appetitûs, & unumquodque eatenus appetitur quatenus conveniens est, aut saltem tale esse existimatur: quam quidem convenientiam sequitur appetibilitas uti propria boni affectio, sese habens ad bonum ut ad colorem visibilitas. Quare si bonum ex sua formali ratione spectetur, definiendum erit, id quod cuique conveniens est: si verò spectetur ratione præcipuæ proprietatis, quæ est appetibilitas, rectè describetur, Id quod omnia appetunt. Posset etiam ratione aliarum ipsius proprietatum aliter describi; ut si dicatur, id quod naturâ sui diffusivum est, &c. Et licet supradicta boni descriptio singulis bonis primò non competat; quia non omnia quodvis particulare bonum appetunt, bono tamen in communi proculdubio convenit; hoc enim expetunt omnia, cum in singulis bonis, quæ res quæque optant, includatur: deinde etiam secundariò bonis particularibus simul collectivè sumptis competit, quatenus unaquæq; res appetit suum bonum, & bonum cuiusque est id quod unumquodque appetit. Adde etiam, eandem descriptionem adaptari posse Summo bono: Cùm enim omnibus rebus congenita sit proclivitas in bonum, & omne bonum quædam sit summi boni participatio, necesse est ut omnia saltè virtute & implicite in summum bonum tendant; quare ipsum optime definiri poterit, Quod omnia appetunt.

Alia Boni definitio.

D. Dionys. c. 4. De Div. nom.

Quomodo omnia summum bonum appetant.

Quæstio II.

Quonam pacto res servantur in bonum.

Ferri in bonum nihil aliud est quàm appetere bonum: Unde facile est intelligere, omnia appetitu aliquo in bonum tendere, cum bonum sit quod omnia appetunt. Jam verò quonam appetitu unumquodque

*Appetitus
Innatus.*

Elicitus.

*Appetitus
innatus
triplex:
Naturalis.*

Animalis.

Rationalis.

*Solvitur
quaestio
proposita.*

Nota 1.

Nota 2.

in illud feratur quaestio est. Cui ut satisfiat, notandum est primò, appetitum aut esse Innatum aut Elicitum. Innatus est propensio unicuique rei à natura congenita, quā unumquodque ad id quod sibi conveniens est inclinatur: Elicitus est ipse appetendi actus, praesertim is qui in animantibus praeeunte aliquā cognitione contingit. Secundò notandum est, appetitum innatum triplicem esse; nempe, Naturalem, Animalem seu sensitivum, & Rationalem seu intellectivum. Naturalis dicitur, quo unaquæque res absq; ulla notitia inclinatur ad id quod sibi conveniens est, qualis reperitur etiam in rebus inanimatis & sensus expertibus, v. g. in lapide inferiorem locum tanquam naturæ suæ congruentem, appetente. Animalis seu sensitivus est ille quo res inclinatur in id quod sibi conveniens est, praeeunte notitiâ sensûs: qui in solis animantibus reperitur; distribuiturque in Irascibilem & Concupiscibilem (de quibus in progressu dicemus) quo genere appetitus equus urgente fame pastum expetit. Denique, Rationalis seu Intellectivus ille est quo res appetit bonum sibi conveniens, præviâ notitiâ intellectûs; qui appetitus est ipsa voluntas, nec ulli animantium generi præterquam homini competit: Hoc genere appetitus homo in id quod rectum honestumq; est inclinatur.

Quibus positis, ad quaestionem propositam respondetur, Ea quæ cognitione carent, solo naturali appetitu in bonum ferri; bruta verò, quæ cognitione sensuum prædita sunt; non tantum naturali sed etiam animali seu sensitivo appetitu duci in bonum; deniq; homines, qui intellectivâ cognitione dotati sunt, non tantum naturali & sensitivo sed præterea rationali seu intellectivo appetitu bonum appetere. Quo loco nota, naturalem appetitum improprie dici appetitum; sed potius appellari naturæ propensionem & naturalem potentiam; sicut etiam in brutis, ipse etiam animalis appetitus sæpenumero naturalis instinctus solet appellari. Nota etiam, in homine rationalem appetitum posse

posse ferri in objectum appetitûs sensitivi, nempe in bonum jucundum & utile, licet appetitus sensitivus non possit ferri in bonum honestum, quod est objectum peculiare rationalis appetitûs: Cujus rei ratio est, quod rationalis appetitus eminenter contineat tum sensitivum cum naturalem appetitum, quemadmodum anima ipsa rationalis tum sensitivam cum vegetantem eminenti quadam ratione continet. Ex his intelligere est, omnem appetitum esse inclinationem quandam in bonum. Objicies, Appetitum sensitivum in homine semper in malum propendere, juxta illud, *Prone sunt sensus hominis in malum ab adolescentia sua.* Unde & concupiscentia ipsa interdum ab Apostolo peccatum dicitur, quia & à peccato est & ad peccatum inclinatur; ideòq; vulgo à Theologis *sones peccati* dici consuevit. Sed occurro, ac dico, ideò appetitum sensitivum dici inclinari ad malum, quia cum feratur in bonum jucundum, sæpe accidit ut tale bonum recte rationi ac Divinæ legi adversetur, sicq; eâ ratione dicatur malum. Licet igitur appetitus sensitivus in ejusmodi malum inclinet, ideòque *peccatum & sones peccati* vocetur; non propterea definit ferri in bonum sibi conveniens, nempe in bonum jucundum ac delectabile.

Object. 1.
Gen. 8. 21.

Sol. 1.

Questio III.

Utrum omnis appetitio feratur in bonum.

Sensus propositæ quæstionis est, An id omne quod actu appetitur sit bonum, ita ut malum quod malum nunquam possit appeti. Et quidam difficultas non est de appetitu naturali, nec de sensitivo; sunt enim hæc appetituum genera ab Autore naturæ ad bonum determinata: Verum tota difficultas est de appetitu rationali, seu de voluntate; Utrum omnis ejus appetitio feratur in bonum, ita ut non possit voluntas pro sua libertate malum etiam ut malum appetere. Dico *malum ut malum*, seu *sub ratione mal;* neque enim dubium est eandem ferri posse in malum, quatenus

Quæstionis
propositæ
sensus a-
ppetitur.

men alicujus boni speciem præ se fert: sic enim voluntas ferri potest in malum inhonestum seu turpe, quatenus illud idem bonum est jucundum seu delectabile, vel quatenus illud idem quod verè inhonestum est, speciem quandam habet apparentis honestatis.

*Sententia
de proposita
quæst. tenenda pro-
batur, 1.*

Licet igitur non desint qui asserant, posse voluntatem appetere malum ut malum est, & è contrà repudiare bonum etiam quia bonum est, nihilominus tamen perstandum est in opposita eaq; communi sententiâ; quæ proculdubio est Aristotelis 8. Ethic. c. 2. & 1. Polit. cap. 1- & alibi: quam amplectitur ac probat D. Thomas 1. 2æ. qu. 8. art. 1. Ratio D. Thomæ est,

2.

Quod appetitio nihil aliud sit quàm rei appetentis ad aliquid inclinatio, nihil autem inclinatur nisi ad aliquid sibi simile & conveniens: quod est bonum. Deinde, si voluntas ferri posset ad malum sub ratione mali, malum

ut malum esset actu appetibile: quod planè repugnet; cum ipsa malitiæ ratio tollat convenientiam, quâ sublatâ tollitur appetibilitas, quæ ex convenientia seu ex congruentia boni nascitur. Quod si malum ut sic non est appetibile, non potest intelligi quomodo possit appeti à voluntate quatenus tale. Si objicias, Vo-

Obj. 1.

luntatem esse liberam circa bonum & malum, ac proinde non tantum posse appetere bonum ut bonum, sed etiam malum ut malum: respondeo, Libertatem voluntatis circa bonum & malum non esse libertatem

*Solut.
Libertas
Contrarietatis.*

Contrarietatis; quasi possit positivè ferri appetendo in ipsa contraria, nempe in bonum & malum quatenus talia sunt; aut quasi possit contrariis actibus in bonum ferri, aut etiam in malum, v. gr. appetere bonum & repudiare bonum ut sic, aut etiam repudiare malum & illud idem ut malum appetere: sed esse libertatem

Contradictionis.

Contradictionis, quâ potest bonum velle aut non velle, item nolle seu actu repudiare malum vel non nolle seu non actu repudiare: h. e. Voluntatem tum circa bonum cum circa malum ut sic liberam esse quoad exercitium actus, quia potest circa illa actum aliquem exercere aut suspendere. Adde, quod libertas humanæ volun-

Nota.

volun-

voluntatis circa bonum & malum satis elucet in eo, quod possit velle bonum, & etiam velle malum quod in eodem genere non potest habere rationem boni: v. gr. Potest voluntas ferri in objectum temperantiæ, quod habet rationem boni honesti; & præterea, in objectum intemperantiæ, quod habet rationem mali inhonesti, nec unquam potest habere rationem boni honesti, licet in illud feratur quatenus est bonum jucundum. Non est tamen propterea negandum, bonum & malum pertinere ad eandem appetendi facultatem, licet non ad eundem ejusdem facultatis actum: nam bonum pertinet ad voluntatem quatenus sub ea ratione ab ipsa potest appeti; malum verò, quatenus sub ea ratione ab eadem repudiari potest: Quo modo verum & falsum ad eandem intelligendi facultatem pertinent. Quædam verò peccata dicuntur esse *ex malitia*; non quod in eis malum ut malum appetatur, sed quod illud bonum jucundum vel utile quod appetitur, non ignoretur esse aversum à Deo, aut à recta ratione alienum. Si dicas, Damnatos velle Deum non esse; velle quoque flagitia, quia nōrunt ea Deo displicere; item, desperatos homines mortem sibi optare: quæ omnia non nisi mali rationem habent; respondeo, Licet illa verè sint mala, illis tamen perditis animabus aut desperatis hominibus apparere bona quatenus illa sibi convenire judicant, aut quatenus arbitrantur per illa se à majoribus malis liberari.

Bonum & malum ad eandem appetendi facultatem pertinent. Peccata ex malitia.

Object.

Solut.

Quæstio IV.

Quod duplex sit bonum.

Bonum in genere dividi potest juxta S. Augustinum in Psal. 134. in *bonum à seipso*, & *bonum ab alio*: Illud dicitur bonum per essentiam; qualis est solus Deus, juxta Domini sententiam Luc. 18, 19. *Nemo bonus, nisi solus Deus*: Hoc verò dicitur bonum per participationem: Quod quidem rursus dividi potest in bonum transcendens leu Metaphysicum,

Bonum per Essentiam:

Per Participationem. Quod 1. Metaphysicum,

2. *Physi-*
cum,

3. *Ethi-*
cum:

I. quo,

I. Animi,

Corporis,

Fortuna:

II. Hone-
stum, Uti-

le, Jucun-

dum. 1.

part. 9. 5.

art. 6.

ficum, quod cuique rei competit quatenus est aut esse potest: naturale seu Physicum, quod naturæ cujusque rei competit; ut, naturales cujusque rei Facultates & Potentiæ: Morale denique seu humanum, quod ab homine spontè ac liberè potest appeti: Quod quidem ratione subjecti seu materiæ dividitur in bonum animi, ut Scientia; corporis, ut Sanitas; & fortunæ, ut Divitiæ: ratione verò finis & magis propriè ab Aristotele bonum idem morale dividitur in honestum, utile, & jucundum: Quam quidem celebrem boni partitionem in hunc ferme modum explicat S. Doctor; Unumquodque dicitur bonum prout appetibile est, seu quatenus est terminus appetitionis: Dicitur autem aliquid esse terminus appetitionis dupliciter: nempe, simpliciter; quod terminat motum appetitionis tanquam quid ultimum; vel secundum quid; quod terminat motum appetitionis tanquam medium quo ad ultimum itur: Jam verò si bonum simpliciter terminat appetitionem tanquam quid ultimum, vel se habet ut res quæ per se appetitur, diciturque bonum honestum; vel ut quies in re habita, diciturque bonum jucundum: quòd si appetitionem secundum quid terminat tanquam quid medium, dicitur bonum utile. Itaque per bonum utile pervenitur ad honestum; ex cujus possessione nascitur jucundum. Ubi notandum, fieri posse ut idem bonum diversâ consideratione dicatur honestum, utile, & jucundum: deinde, aliquid utile & jucundum dici posse non tantum ratione sensus & corporis, sed etiam ratione animi: denique, bonum honestum dici absolutè bonum morale seu bonum hominis; utile verò & jucundum, quatenus rectæ rationi conformantur.

Posterior Disputatio hujus Tractatus:

De Fine.

Quæstio I.

An idem sit Finis & bonum.

Propositæ quæstioni triplici conclusione sequenti
satisfiet.

I. Conclusio; Finis & Bonum non sunt idem ^{1. Conclusio}
formaliter, h. e. Non est eadem formalis ratio boni ^{fiat}
quæ finis: quia bonum quâ bonum significat rela-
tionem convenientiæ, at finis quâ finis importat re-
lationem causæ finalis: Unde Bonum definitur, Id
quod conveniens est; Finis verò, Id cujus gratiâ
cætera fiunt.

II. Conclusio; Finis & Bonum, si secundum ^{2. Conclusio}
actum spectentur, non sunt semper idem realiter ^{fiat}
quoad fundamenti reciprocationem, ut loquuntur.
Licet enim id quod est actu finis sit etiam actu bo-
num (cùm nihil possit per modum causæ finalis
aliud movere nisi sit bonum & conveniens) non
tamen reciprocè, quicquid est actu bonum est etiam
actu finis: Multa enim sunt in se actu bona, &
etiam cuiuspiam convenientia, quæ quia ab eo non
expetuntur, non sunt actu finis respectu illius. Quo
loco notandum est, licet aliud bonum expetatur ^{Nota.}
tanquam finis, aliud verò tanquam id quod est ad
finem; nihilominus tamen id omne quod actu appe-
titur à re creata, quatenus actu appetitur, esse cau-
sam actu finaliter moventem ipsum appetitum: Un-
de non tantum fines mediorum sed etiam ipsa me- <sup>Non tan-
tum fines
verum etiam
media fi-
naliter mo-
vent appe-
titum.</sup>
dia verè dici possunt causæ finales ipsius appetitus:
quod videtur voluisse S. Thomas, 1. 2. quæst. 1.
passim, præsertim art. 4. ubi ait bonum habere rati-
onem finis: Sicque non tantum omne quod est actu
finis erit actu bonum, sed etiam omne bonum quod
actu expetitur erit actu finis; saltem in rebus creatis:

3. *Conclusio;*

nam in Divinis actibus ad intra id non potest esse. III. Conclusio; Finis & Bonum, si secundum potentiam spectentur, sunt idem reipsa quoad fundamenti reciprocationem, i. e. Quicquid potest reddi bonum & conveniens respectu alicujus, licet fortasse tunc non sit illi actu bonum & conveniens, idem potest esse finis respectu illius, & ab ipso appeti: & reciprocè, quicquid potest ab aliquo expectari & habere rationem finis comparatione alicujus, potest esse eidem bonum & conveniens, vel saltem ut tale apprehendi.

Quæstio II.

Utrum omnia agant propter finem.

Agere
propter
finem di-
citur du-
pliciter.

DUOBUS modis dici potest aliquid agere propter finem: Primo quidem absolute, quod tendit in aliquem finem, sive quod alicujus rei gratia operatur, sive finem seu rem illam cognoscat, sive non; sive etiam in talem finem cognitum se dirigat, sive ab alio ad ipsum dirigatur. Altero modo & quidem maxime propriè id dicitur agere propter finem, quod ita illius gratia operatur & ad illum tendit, ut illum cognoscat & ad illum se & sua dirigat. Hæc præmissâ distinctione, sequentibus conclusionibus proposita difficultas explicatur.

1. *Conclusio;*

I. Conclusio; Si *agere propter finem* primo modo sumatur, omnia agunt propter finem. Ratio in promptu est; Quia omnia agentia dum operantur intendunt aliquod bonum, ad quod vel seipsa dirigunt, vel ab Autore naturæ diriguntur; ut patet inductione: operari autem hoc modo est absolute propter finem operari, cum ipsum bonum ad quod tendunt seu quod appetunt ejusmodi agentia, sit finis seu finalis causa appetitivæ motionis illorum.

2. *Conclusio;*

II. Conclusio; Si *agere propter finem* secundo modo sumatur, solius intellectualis creaturæ proprium est agere propter finem, quia ejusdem proprium est seipsam dirigere, utpote quæ sola inter cæteras creaturas

turas sit suorum actuum domina propter liberum arbitrium quo est prædita: At verò irrationalis creatura non nisi ab alio mota tendit ad finem; siue in ipsum tendat aliquâ notitia præeunte, ut Bellus; siue nullâ, ut Arbores & Elementa: tum quia non est domina suorum actuum, cum careat libero arbitrio, quæ est facultas voluntatis & rationis; tum quia non cognoscit rationem finis, & ideo nihil in finem ordinare potest, sed tantum ipsa in finem ordinatur. Quo loco nota, licet bellus nonnunquam cognoscant finem, i. e. rem quam appetunt, non tamen cognoscunt rationem finis, ac proinde non possunt se aut suos actus ad ipsum ordinare. Quod si objicias, Contrarium videri in quibusdam animalibus, quæ videntur suos actus ad finem ordinare, cum media apta ad finem consequendum eligant ac disponant; ut cum hirundo & nonnullæ aliæ aves nidos miro artificio præsertim fœtus parturiendi causâ exstruunt: respondetur, Hæc & similia ab illis animalibus præstari, non quod finem prævideant ad quem suas actiones dirigant, aut quod noverint se commodè finem assequi posse adhibendo hæc vel illa media, sed naturali tantum instinctu, ita ut hæc animalia, sicut & cætera omnia rationis expertia, à Motore primo, i. e. à Deo, qui rerum omnium fines novit, impulsâ in eundem dirigantur, eo modo quo sagitta fertur in scopum à jaculatore directâ.

*Promoto
bellus co-
gnoscant
finem.
Obiect.*

Solut.

III. Conclusio; Omnis appetitio humana, seu appetitio hominis voluntaria, sit propter finem. Ratio est, Quia omnis ejusmodi appetitio est boni, ut docuimus priori disp. qu. 3. At bonum quod actu appetitur, est etiam actu finis, ex 2. concl. prioris qu. Quare nulla est ejusmodi appetitio quæ non sit propter finem. Ex quo etiam intelligis, appetitionem humanam, siue versetur circa media siue circa finem mediorum, semper esse propter finem: quia omnis appetitio est propter id quod appetitur; id autem quod appetitur est finis ipsius appetitionis: Quare

re

*Finis du-
pliciter di-
citur.*

re nihil absurdi est, si dicas ipsam appetitionem ultimi finis esse propter finem; imò, fruitionem ultimi finis objectivi, quæ dicitur beatitudo formalis, esse propter finem; nempe, propter ipsum ultimum finem objectivum, quæ dicitur beatitudo objectiva. Porro, cum Finis dupliciter dicatur; nempe, vel respectu mediorum quæ appeti solent in ordine ad ipsum, vel respectu ipsius motionis appetitivæ seu appetitionis quam per modum causæ finalis excitat: quando dicimus hic, Omnem appetitionem esse propter finem, *finem* accipimus posteriori modo spectatum.

Quæstio III.

Sitne aliquis ultimus finis humanarum actionum.

*Fines alii
ultimi, alii
medii.*

Varia sunt finium genera: Alii enim dicuntur ultimi, alii verò dicuntur medii: Et quidem ultimarum unus est absolute ultimus; alii verò in certo genere ultimi, qui comparatione finis absolute ultimi dici possunt medii: Mediorum verò in certo aliquo genere alii sunt proximi, alii remotiores. Denique, finis absolute ultimus alius verus & naturæ suæ talis, alius verò opinatus, quem quisque ad libitum sibi potest proponere. His præsuppositis, sit

*1. Conclu-
sio;*

I. Conclusio; Datur aliquis finis ultimus simpliciter & ex natura sua talis omnium actionum humanarum, qui idem est finis absolute ultimus cætera-

*DEUS fi-
nis ultim
rum om-
nium.*

rum omnium rerum; nempe **DEUS Opt. Max.** qui quoniam est primum movens absolute & simpliciter quod omnia creat, agit, & ordinat propter se, cum ipsum sit perfectissimum, idcirco idem Ipse est finis ultimus propter quem sunt omnia, juxta illud, *Uni-*

Prov. 16.4

aversa propter semetipsum operatus est Dominus: Unde etiam tenentur omnes homines, ubi usum rationis assecuti sunt, Ipsum eundem finem ultimum suarum actionum sibi proponere: licet non soleant nec teneantur homines Eundem finem actu sibi proponere in singulis suis actionibus: Satis enim est quòd illæ

Nota.

actiones

actiones potestate ac virtute in ipsum ultimum finem referantur: quod fit cum aliquis Ipsum suarum actionum finem ultimum sibi aliquando actu proposuit, nullumque alium deinceps sibi præfixit.

II. Conclusio; Finis ultimus opinatus humanarum actionum non unus sed varius ac multiplex est: ^{2. Conclusio} *finis*;

Neque enim eundem ultimum finem sibi proponunt homines improbi: alii enim Honores, alii Divitias, alii Voluptates tanquam finem ultimum sibi proponunt: Fieri etiam potest, ut aliquis plures sibi fines ultimos proponat; imò, modò unum sibi proponat modò alterum: est enim in his finibus mira varietas & inconstantia, utpote qui pendent ex ipso hominum arbitrario delectu.

III. Conclusio; Omnes homines eundem finem ultimum in genere & in confuso sibi proponunt; ^{3. Conclusio} *finis*;

nempe, Beatitudinem in genere, quamvis in singulis actionibus de illa non cogitent. Probaturs ista conclusio; Quia quilibet homo in omnibus quæ agit expetit propriam perfectionem & beatitudinem; sive eam collocet in eo fine qui verè est ultimus, sive in eo qui verè non est talis, ut in honoribus, divitiis, &c.

IV. Conclusio; Cum quælibet actio humana, ^{4. Conclusio} *finis* i. e. libera, exercetur, necesse est eum qui operatur

de fine aliquo cogitare, sive ultimo quocunque sive medio, eoque vel proximo vel remotiore. Ut enim aliqua actio dicatur propriè fieri propter finem, debet ordinari in finem aliquem actu cognitum ab ipso operante (ut patet ex 2. concl. præcedentis qu.) sive finis ille sit objectum ipsius actionis, sive sit finis objecti, propter quem sc. actio versetur circa tale objectum.

Posterior Tractatus hujus partis:

De ipsa Felicitate.

Beatitudo
duplex.

Beatitudo seu felicitas humana, quæ *summum bonum* seu *ultimus finis hominis* dicitur, duplex vulgò assignatur; altera objectiva, altera formalis: Illa dicitur res quæ suum possessorem beatum facit; hæc verò dicitur hujusmodi rei perfecta possessio seu fruitio: De utroque igitur genere felicitatis hoc posteriori tractatu disceremus: In quo duas disputationes instituemus; priorem quidem de priori specie felicitatis, seu de beatitudine hominis objectiva; posteriorem verò de posteriori, seu de hominis formali beatitudine.

Prior Disputatio hujus Tractatus:

De Beatitudine hominis Objectiva.

Quæstio I.

Quid sit, & qualis esse debeat hæc beatitudo.

Beatitudo
objectiva
est quid
præstantius
homine.

Beatitudo propriè loquendo, Formaliter est in ipso homine beato: nihilominus tamen bonum etiam illud seu finis in cujus fruitione beatitudo illa formalis posita est, solet appellari beatitudo seu felicitas Objectiva, quia nempe est objectum formalis & propriè dictæ felicitatis: quemadmodum conceptus objectivus dicitur objectum formalis & propriè dicti conceptus qui in animo concipiente refidet. Ex quo intelligis, beatitudinem objectivam esse aliquid aliud ab ipso homine, imò aliquid ipso homine præstantius; cum sit finis absolute ultimus propter quem homo est atque operatur, nihil autem esse vel operari debeat nisi propter id quod seipso sit præstantius.

Unde

Unde illa objectiva hominis felicitas dicitur esse Summum bonum, absolutè, i. e. undequaque, perfectum, quod nullius rei indigens sibi que ipsi sufficiens propter se tantum & non propter aliud sit summè appetibile: cujus summi boni desiderium est à natura ipsi homini insitum. Licet autem idem sint revera Objectiva illa beatitudo & Finis absolutè ultimus; ratione tamen aliquà differunt: *Finis ultimus* enim appellatur, quatenus est id cujus gratia omnia operamur; *beatitudo* verò *objectiva*, quatenus est id quo beati seu felices efficitur: deinde, dicitur *finis ultimus* respectu quarumcunque rerum quæ ad ipsum naturam suam ultimò referuntur; at verò appellatur *beatitudo objectiva* respectu earum duntaxat rerum quæ sunt capaces beatitudinis.

Item dicitur Finis ultimus & Beatitudo objectiva.

Quæstio II.

In quonam bonorum genere ponenda sit felicitas objectiva.

CONSTAT quidem ex præcedenti quod objectivam hominis felicitatem esse bonum aliquod summum, ac proinde summè ac propter se solum appetibile: Quodnam autem illud sit, quæritur; seu, In quonam genere bonorum positum sit. Sunt autem in genere tria bonorum genera: nempe, bona externa, quæ vulgò bona *fortune* dicuntur; cujusmodi sunt Divitiæ & Honores, ad quas spectant Laus, Gloria, Potestas, & Autoritas. deinde bona *corporis*, sive insita sint, ut Sanitas, Robur, Pulchritudo, Voluptas; sive dissita sint, ut ea omnia quæ ad sensuum voluptatem pertinent: denique, bona *animi*, eaque adhuc vel insita, ut Facultates, Habitus, Operationes; vel dissita, nempe ea omnia quorum cognitione vel amore animus delectatur. Quibus positis, propositæ quæstioni sequentibus conclusionibus breviter respondetur.

Tria bonorum genera:

Fortune,

Corporis,

Animi.

I. Conclusio; Felicitas objectiva in bonis externis seu fortune non est ponendum Quia bona illa appetuntur

Conclusio probatur.

- 2, petitum non explent; tum Quia non sunt propter se
- 3, expetenda, sed propter usum; tum Quia bona illa ignobiliori hominis parti, nempe corpori, subserviunt;
- 4, tum Quia non sunt in nostra potestate (neque enim cum volumus iis potimur; imò sæpe ab invitis dominis auferuntur): tum Quia pleraque ex iis, ut Honor, Laus, Gloria, pendent ex hominum falsa plerumque opinione & simulato ut plurimum favore.

2. Conclusio;
probat. 1.

- II. Conclusio; Felicitas objectiva non est ponenda in bonis corporis, sive intis sive diffitis: tum
- 2, Quia bona illa appetitum hominis adhuc non satiant;
 - 3, tum Quia non sunt propter se expetenda, cum omnis bona corporis habitudo ad bonum animæ referenda sit: tum Quia non sunt in nostra potestate: neque enim cum volumus voluptate potimur, aut sani sumus, robusti, vel elegantes. Adde, quod in plerisque id genus bonis à belluis superamur.

3. Conclusio;
probat.

III. Conclusio; Felicitas objectiva non est ponenda in bonis animæ intis. Cum enim illa sint Facultates, aut Habitus, aut Operationes: non potest primum in facultatibus aut habitibus collocari, cum facultates & habitus propter aliud expectantur, nempe propter operationes: Neque etiam in ipsa animæ operatione: nam vel ejusmodi operatio non erit præstantissima hominis operatio, vel erit: si non sit præstantissima, sanè in ea non videtur collocanda felicitas objectiva, quæ debet esse summum bonum, saltem in suo genere perfectissimum: si verò sit præstantissima & ultima in genere finis hominis operatio, sicque dici possit fortasse felicitas formalis; non tamen erit felicitas objectiva, quæ est objectum ipsius felicitatis formalis, quæque debet esse extra ipsum hominem, & aliquid ipso homine præstantius.

4. Conclusio;
probat.

Solus Deus
appetitum
hominis ex-
plet.

IV. Conclusio; In nullo alio diffito animi bono supradicta felicitas est collocanda, præterquam in Deo; cum in ipso solo summi boni conditiones omnes reperiantur, ac ipse solus inexplibilem hominis appetitum suâ infinita bonitate ac perfectione explere pos-

hæc

fit: Unde illud Augustini dictum, *Fecisti nos, Domine, ad te, & ideo irrequietum est cor nostrum donec requiescat in te.*

Posterior Disputatio hujus Tractatus:
De Formali hominis Beatitudine.

Quærio I.

Quid sit, & in quo posita sit ejusmodi beatitudo.

Agitur deinceps de Beatitudine propriè dicta, quæ in eo qui beatus dicitur insidet; quæriturq; primò. In quam hominis parte aut facultate posita sit. Quo loco notandum, nos in hac quæstione loqui tantum de felicitate naturali hominis cujusque privati, non verò de supernaturali, aut de Politica seu Civili. Sit igitur

I. Conclusio; Formalis beatitudo in operatione animi ponenda est. Cùm enim nihil sit in corpore cui laus ista debeatur, cùm & ipsum corpus & quæcunque sunt in corpore insita, animo subserviant universa; videndum si quid sit in animo quod formalem beatitudinem contineat. Cùmque, si generatim loquamur, quicquid in animo est aut potentia sit, seu Ingenita facultas; aut habitus, seu consuetudine parva & diuturnitate confirmata facultas; aut operatio, seu elicitus à naturali facultate actus: duo verò priora ad operationem tanquam ad finem referantur: felicitas autem sit maximè propter se expetenda: concludendum est, Felicitatem in aliqua eximia animi operatione collocandam esse. Et quoniam ex ejusmodi assidua operatione nascitur status quidam vitæ præstantissimus, hinc tradita est hæc beatitudinis descriptio à Boethio, *Status omnium bonorum aggregatione perfectus.* Ut autem ex ejusmodi operatione quis denominetur *felix* seu *beatus*, non est necesse ut in ea

*1. Conclusio
explicatur.*

*In animo
triaz
Facultas,
Habitus,
Operatio.*

*Formalis
beatitudinis
descriptio.*

per-

perpetuò occupetur; sed satis est in ea versari uti ratio præscribit, & vitæ hujus ratio atq; humana imbecillitas patitur.

2. Conclusio

Duplex animi operatio.

In utraque poni felicitatem.

Probat. 1.

2,

3,

3. Conclusio;
Ejus ratio.

II. Conclusio ; In ea animi operatione ponenda est formalis beatitudo, per quam objectivâ beatitudine seu summo bono (nempe **D E O**) perfectè, quantum patitur naturalis hominum conditio, fruimur. Ea autem animi operatio non una sed duplex est; nempe, Contemplatio summi boni perfectissima, tum etiam ejusdem vehementissima Dilectio. Quòd autem in utraq; hac animi operatione posita sit fructio summi boni, non verò in alterutra tantum, probatur; Quia possessio, seu fructio summi boni consistit in unionem quadam seu adhæsiōe cum summo bono: Atqui non sola contemplatio verum etiam amor firmissimus est illius unionis nexus. Deinde, quemadmodum contemplatio amorem excitat, sic amor excitatus contemplationem juvat & promovet: Nam quò magis bonum aliquod per contemplationem nobis innotescit, eò magis in illius amorem exardescimus; & quò magis aliquid amamus, eò frequentius de ipso cogitamus, ac in ipsius contemplationem impensius incumbimus. Denique, si felicitas formaliter esset in sola actione intellectus (ut volunt pleriq;) vel in solo actu voluntatis (ut alii censent) non esset homo undequaque felix: Nam quid, quæso, ad felicitatem prodest, amare summum bonum, si non nōses; aut nōsse, si non ames?

III. Conclusio ; Ad perfectionem accidentariam supradictæ beatitudinis desideratur sanitas corporis, aut certè morborum ac dolorum graviorum vacuitas. Ratio est; Quia animus, quamdiu in isto corporis ergastulo continetur, pendet ab optima illius habitudine, quò perfectius operetur: quo fit, ut dum aliquis acerbissimo aliquo dolore angitur, ægrè possit contemplari, aut quodvis aliud rationis munus exsequi. Quare licet in bona corporis valetudine formalis felicitas non sit posita, sine illa tamen non potest essentialis

alis

alis felicitas obrineri: ita ut accidentaria quidem sit ad prædictam felicitatem, sed tamen necessaria; sicut applicatio ligni ad ignem, necessaria est ad combustionem. Quod autem de valetudine corporis diximus, dici etiam potest de bonis externis: quorum mediocritas copia juxta cuiusque vitæ statum est ad felicitatem conservandam necessaria: Neque enim is potest contemplationi & amoris rerum divinarum vacare, qui in comparandis rebus ad vitam necessariis cogitur occupari. Itaque licet formalis beatitudo in bonis animi & non in aliis essentialiter sit posita, à bonis tamen tum corporis cum fortunæ mediocribus, saltem conditionaliter pendet.

Bona etiam externa ad integram felicitatem desiderantur.

Porro virtutes, aut potius virtutum actiones, non tam sunt ipsa felicitas quam rationes ad eam felicitatem de qua loquimur acquirendam, conservandam, ornandam atque promovendam conducibiles. Quod si opponas, Aristotelem docuisse 1. Ethic. cap. 7. felicitatem esse *actionem virtutis in vita perfecta*: respondetur, Aristotelem ibi assignasse finem ultimum seu felicitatem vitæ humanæ, non absolute spectatæ, sed quatenus practica est. Cum enim humanæ vitæ pars duplex sit; altera practica, altera contemplativa; quarum illa ad hanc refertur: hinc finis practicæ refertur ad finem contemplativæ; ideoque finis practicæ non est finis absolute ultimus seu potissima beatitudo formalis humanæ vitæ, quemadmodum finis contemplativæ partis, qui idem absolute dici potest beatitudo seu felicitas formalis humanæ vitæ: Et de hac beatitudine locuti sumus in hac quaestione.

Nota.

Obj. 2.

Resp.

Humane vitæ pars duplex.

Quæstio I I.

Quenam sit supernaturalis felicitas tum hujus cum alterius vitæ.

HAtenus de naturali beatitudine, quam naturæ viribus homo consequi potest, quamque solam philosophus Moralis ex instituto considerat, disserui-

Felicitas humana duplex. Naturalis, Supernaturalis.

mus.

mus. Et quamvis supernaturalis beatitudo ad Theologiam pertineat, non alienum tamen erit à nostro instituto de hac supernaturali tam hujus quam futuræ vitæ beatitudine nonnullas assertiones Theologicas hic subjungere. Sit igitur

1. *Assertio.* I. Assertio; Supernaturalis beatitudo futuræ vitæ in clara Dei Visione, quæ fit maximè beneficio luminis gloriæ, simulque perfectâ seu consummatâ ejus
probatur 1. Dilectione, posita est. Est enim ejusmodi beatitudo

perfectissima Dei fructio, quæ absque clara ejusdem contemplatione & ejusdem dilectione consummata concipi nullo modo potest: Cùm enim Deus simul sit suprema veritas ac bonitas infinita, non nisi cognitione perfectissimâ simul & ardentissimo amore possideri potest. Deinde, cùm anima non nisi per suas facultates, intellectum & voluntatem, sit beata, necesse est ut in præstantissima utriusque illius facultatis actione suprema illa felicitas consistat: Tantâque est utriusque actionis necessitudo, ut ex illa pendeat prædictæ felicitatis perpetuitas atque constantia: dum enim beati summam illam veritatem simul ac bonitatem revelatâ facie speculantur, non possunt non perpetuò in illam oculos animi intendere.

Nota.

Fructio Dei quid sit.

Quo loco adverte, fruitionem nihil esse diversum ab illa Dei beatifica tum contemplatione cùm dilectione; delectationem verò quæ ex illa fruitione consequitur, non esse ipsam essentialem beatitudinem, sed potius beatitudinis effectum, simulque ipsius complementum ac veluti condimentum.

2. *Assertio.* II. Assertio; Supernaturalis beatitudo præsentis vitæ, præsertim contemplativæ, posita est in supernaturali Dei tum Cognitione, quæ pendet maximè ex dono sapientiæ, cùm etiam Amore, qui oritur ex charitate: Et quidem potissimum in Amore seu Dilectione, quia Deus perfectiùs in hac vita diligitur quàm cognoscitur: *Videmus enim nunc per speciem in anigmate*, inquit Apostolus 1. ad Cor. 13. 12.

Ubi cùm tria hæc præcipua præsentis vitæ charismata

Deus perfectiùs in hac vita diligitur quàm cognoscitur.

mata inter se contulisset, nempe Fidem, Spem, & Charitatem, sic tandem concludit, *Nunc autem tria hæc: Fides, Spes, Charitas: major autem horum est Charitas.* Adde etiam, beatitudinem hujus vitæ in Sacris literis, ut Matth. 5. maximè spectari in ordine ad futuram, quatenus quædam est ad illam via: hanc autem viam vitæ sternunt maximè actus meritorii, quos partim elicit partim imperat charitas. Ex quo intelligere est, cum ejusmodi actus charitatis ut plurimum sint laboriosi propter carnis rebelles motus & frequentes dæmonum impugnationes, felicitatem hujus vitæ supernaturalem non esse omnibus suis numeris absolutam; sed sic appellari, quia est via ad veram, omnibus bonis & cumulatissimam & certissimam. Neque obstat quòd voluntas in qua insidet charitas, secundum gradum ordinemque naturæ minus perfecta sit quàm intellectus: sat enim est, eam perfectiorem esse secundum gratiæ donum ac rationem tendendi per actiones meritorias ad cœlestem patriam & Dei visionem tanquam ad ultimum terminum intellectualis creaturæ. Sed hæc de Beatitudine tum objectiva cum formali, eaque naturali & supernaturali, satis: Sicque finis impositus sit primæ huic Moralis philosophiæ parti.

*Felicitas
supernaturalis hujus
vitæ non est
integra.*

*Tacitæ ob-
jectioni oc-
curritur.*



Secunda pars Ethicæ,

De Principiis humanarum actionum.

Prefatio.



Quoniam principia humanarum actionum sunt in duplici differentia: alia quidem interna, ut Potentiæ naturales, & Habitus acquisiti; alia externa, nempe Objectum seu Finis, & causa

*Principia
humana-
rum actio-
num inter-
na vel ex-
terna.*

mus. Et quamvis supernaturalis beatitudo ad Theologiam pertineat, non alienum tamen erit à nostro instituto de hac supernaturali tam hujus quam futuræ vitæ beatitudine nonnullas assertiones Theologicas hîc subungere. Sit igitur

1. *Assertio.* I. Assertio; Supernaturalis beatitudo futuræ vitæ in clara Dei Visione, quæ fit maximè beneficio luminis gloriæ, simulque perfectâ seu consummatâ ejus Dilectione, posita est. Est enim ejusmodi beatitudo perfectissima Dei fruitio, quæ absque clara ejusdem contemplatione & ejusdem dilectione consummata concipi nullo modo potest: Cùm enim Deus simul sit suprema veritas ac bonitas infinita, non nisi cognitione perfectissimâ simul & ardentissimo amore possideri potest. Deinde, cùm anima non nisi per suas facultates, intellectum & voluntatem, sit beata, necesse est ut in præstantissima utriusque illius facultatis actione suprema illa felicitas consistat: Tantâque est utriusque actionis necessitudo, ut ex illa pendeat prædictæ felicitatis perpetuitas atque constantia: dum enim beati summam illam veritatem simul ac bonitatem revelatâ facie speculantur, non possunt non perpetuò in illam oculos animi intendere. Quo loco adverte, fruitionem nihil esse diversum ab illa Dei beatifica tum contemplatione cùm dilectione; delectationem verò quæ ex illa fruitione consequitur, non esse ipsam essentialem beatitudinem, sed potius beatitudinis effectum, simulque ipsius complementum ac veluti condimentum.

Nota.
Fruitio Dei
quid sit.

2. *Assertio.* II. Assertio; Supernaturalis beatitudo præsentis vitæ, præsertim contemplativæ, posita est in supernaturali Dei tum Cognitione, quæ pendet maximè ex dono sapientiæ, cùm etiam Amore, qui oritur ex charitate: Et quidem potissimum in Amore seu Dilectione, quia Deus perfectiùs in hac vita diligitur quam cognoscitur: *Videmus enim nunc per Speciem in enigmate*, inquit Apostolus 1. ad Cor. 13. 12. Ubi cùm tria hæc præcipua præsentis vitæ charismata

Deus perfectius in hac vita diligitur quam cognoscitur.

mata inter se contulisset, nempe Fidem, Spem, & Charitatem, sic tandem concludit, *Nunc autem tria hæc: Fides, Spes, Charitas: major autem horum est Charitas.* Adde etiam, beatitudinem hujus vitæ in Sacris literis, ut Matth. 5. maximè spectari in ordine ad futuram, quatenus quædam est ad illam via: hanc autem viam vitæ sternunt maximè actus meritorii, quos partim elicit partim imperat charitas. Ex quo intelligere est, cùm ejusmodi actus charitatis ut plurimum sint laboriosi propter carnis rebelles motus & frequentes dæmonum impugnationes, felicitatem hujus vitæ supernaturalem non esse omnibus suis numeris absolutam; sed sic appellari, quia est via ad veram, omnibus bonis & cumulatissimam & certissimam. Neque obstat quòd voluntas in qua insidet charitas, secundum gradum ordinemque naturæ minus perfecta sit quàm intellectus: sat enim est, eam perfectiorem esse secundum gratiæ donum ac rationem tendendi per actiones meritorias ad cœlestem patriam & Dei visionem tanquam ad ultimum terminum intellectualis creaturæ. Sed hæc de Beatitudine tum objectiva cùm formali, eaque naturali & supernaturali, satis: Sicque finis impositus sit primæ huic Moralis philosophiæ parti.

*Felicitas
supernaturalis
hujus
vitæ non est
integra.*

*Tacite ob-
jectioni oc-
curritur.*



Secunda pars Ethicæ,

De Principiis humanarum actionum.

Prefatio.



Uoniam principia humanarum actionum sunt in duplici differentia: alia quidem interna, ut Potentiæ naturales, & Habitus acquisiti; alia externa, nempe Objectum seu Finis, & causa

*Principia
humana-
rum actio-
num inter-
na vel ex-
terna.*

movens Effectivè, ut DEUS, Angeli, Dæmon, Homines; Idcirco hujus partis duo erunt tractatus; prior quidem de principiis Internis humanarum actionum, posterior de principiis Externis earundè.

Prior Tractatus hujus partis;

De Principiis Internis humanarum actionum.

Principia actionum humanarum interna sunt duplicis generis.

Cum interna actionum humanarum principia sint vel à natura congenita, ut potentia; vel acquisita, ut habitus: idcirco hujus tractatus duæ futuræ sunt disputationes; prior de principiis humanarum actionum congenitis, posterior verò de principiis earundem acquisitis. Et licet omnes tum cognoscitivæ cum appetitivæ facultates homini à natura congenitæ, dici possint aliquâ ratione principia humanarum actionum; duæ tamen sunt præcipuæ, æq; rationales potentia, quæ id sibi peculiari jure possunt arrogare, quarum altera est cognoscitiva, altera appetitiva, Intellectus nempe & Voluntas: ad quas revocari possunt tum Phantasia, quæ intellectui; cum Appetitus sensitivus, qui voluntati respondet: Idcirco de utraque illa rationali potentia præsertim agendum est in ista priori disputatione; ubi etiam de Libero arbitrio, quæ utriusque potentia facultas dicitur à D. Thoma, differemus.

Prior Disputatio hujus Tractatus.

De principiis internis humanarum actionum à natura Congenitis.

Quæstio I.

Quomodo Intellectus alicatur principium humanarum actionum, & An moveat Voluntatem, simulq; à Volunte moveatur.

1. Conclusio **P**ropositæ quæstioni, quæ tres continet difficultates, tribus sequentibus conclusionibus satisfacere conabimur.

I. Con-

I. Conclusio ; Intellectus dicitur principium humanarum actionum, non tantum quia est facultas cuius actiones eliciæ possunt esse humanæ, h. e. voluntariæ seu liberæ; sed etiam maximè, quia ut actio aliqua etiam alterius facultatis ab intellectu dicatur humana seu voluntaria, prærequiritur ad eam concursus ipsius intellectus, hoc modo nempe, ut res circa quam versatur humana actio, sit ab ipsa rationali facultate cognita : neque enim liberè circa id versari possumus quod à ratione perceptum non fuerit; & sicut nihil in genere est volitum nisi cognitum, sic nihil est liberè volitum nisi ab intellectu cognitum. Si quæras an intellectus etiam effectivè concurrat ad eliciendos quosvis actus humanos; respondetur, hoc videri valde probabile, licet pars opposita suâ probabilitate non careat.

*Dub.
Resp.*

II. Conclusio ; Intellectus movet voluntatem quoad speciem actus, ut loquuntur; i. e. Non tantum intellectus dicitur movere voluntatem, quia nulla potest esse actio voluntatis nisi præcesserit actio intellectus tanquam conditio præsupponenda (quod non satis esset ut intellectus diceretur movere voluntatem;) sed etiam & maximè in quantum intellectus per antecedentem objecti seu finis notitiam est causa cur sequatur talis vel talis actio voluntatis. Quod ut intelligas, nota, moveri facultatem animæ ab aliquo, nihil esse quàm ab illo de potentia in actum exeri. Cumque dupliciter facultas animæ dicatur esse in potentia : nimirum, vel ad eliciendum vel non eliciendum actum, quod vocatur *esse in potentia quoad exercitiũ actus*; vel quoad hoc vel illud, seu hoc vel illo modo agendum, i. e. quoad producendum actum huius vel illius speciei, quod dici solet *esse in potentia quoad specificationem actus*: hinc eadem facultas duobus modis indiget movente à quò ad actum educatur; uno quoad exercitiũ actus, altero quoad determinationem illius. Hoc igitur loco asserimus, voluntatem ab intellectu moveri quoad speciem actus,

2. *Conclusio;*

*Quid sit,
facultatem
animæ mo-
veri ab ali-
quo.*

*Voluntas
moveretur ab
intellectu
quoad spe-
ciem actus.*

quia intellectus proponit voluntati objectum à quo tanquam à principio formali externo actus voluntatis speciem sumunt. Ubi adverte, bonum cognitum non solum sese habere ad actus voluntatis ut causam formalem externam, prout illis tanquam terminus ad quem referuntur speciem tribuit; sed etiam ut finem, quatenus motu metaphorico allicit voluntatem.

3. Conclusio;

Intellectum moveri à voluntate.

III. Conclusio; Intellectus quoad exercitium movetur à voluntate in suis actibus liberis. Experimur enim nos animum nostrum applicare ad aliquid cognoscendum, vel ab ipso retrahere, cum volumus. Adde, quod principium agendi, ac proinde intelligendi, est finis; cum omne agens gratiâ finis operetur: atqui bonum in commune, quod habet rationem finis omnium actuum humanorum in genere, est objectum voluntatis: ideoque pertinet ad voluntatem, movere alias potentias animæ ad suos actus, ac proinde intellectum. Semper enim ars vel potentia ad quam pertinet finis universalis movet ad agendum artem vel potentiam ad quam pertinet finis particularis sub illo universali comprehensus; sicut dux, qui intendit bonum commune, scilicet ordinem totius exercitus, movet suo imperio aliquem ex tribunis, qui intendit ordinem unius aciei: Atqui finis actionum intellectus continetur sub fine seu objecto voluntatis, quod est bonum in communi ac bonum totius suppositi. Verum obijcies, Voluntas nihil appetit nisi quod ei ab intellectu repræsentatur: igitur, si ut intellectus actum suum eliciat, & voluntati aliquid proponat, debet prius à voluntate moveri, dabitur in actionibus voluntatis & intellectus infinita progressio; siquidem omnem actionem voluntatis antecedit actio intellectus, & omnem actionem intellectus actio voluntatis, nullusque dari poterit actus quem non præcesserit alius. Respondetur, Dari aliquem actum ad quem elicendum intellectus non movetur à voluntate,

Obijct.

Resp.

tate, proindeque non omnem actum intellectûs præcedi ab actu voluntatis. Nam in supradicto progressu deveniendum est ad aliquem actum, ad quem intellectus ab objecto, solius phantasmatis interventu, non liberè sed necessariò moveatur, ad quem proinde non oportet concurrere voluntatem. *Objicies rursus, Object.*
Si intellectus voluntatem moveat, idemque à voluntate moveatur, idem respectu ejusdem erit movens & motum: quod planè absurdum est. Respondeo primò, Non esse absurdum, idem respectu ejusdem esse *1. Solutio.*
movens & motum in diverso genere causæ: finis enim est id quod ab agente fit, & tamen idem movet agens ad operandum: Atqui in re proposita intellectus movet voluntatem in genere causæ formalis externæ; voluntas verò intellectum in genere causæ efficientis & finalis. *2.*
Secundò respondeo, Idem respectu ejusdem, etiam in eodem genere causæ, esse movens & motum respectu diversorum actuum; ut contingit in re proposita: v. g. Movet voluntas intellectum ad deliberandum judiciumque ferendum de pharmaco; intellectus verò per hanc actionem non concurrit cum voluntate ad ipsummet actum quo eum voluntas movit, sed ad alium, nempe ad electionem pharmaci, quod ei ut conveniens ad obtinendum valetudinem repræsentat.

Quæstio. II.

Quomodo Voluntas moveat inferiores Potentias.

Superiori quæstione explicatum est, quomodo intellectus, quæ est facultas superior moveatur à voluntate. Nunc verò explicandum est, quomodo inferiores potentia quæ illius imperio subiant, nempe facultates sensitivæ, ab ipsa moveantur, &, quale sit in eas voluntatis imperium. *Notandum*
Notandum autem est *1.*
imprimis, Non omnes inferiores animæ facultates in homine voluntatis imperio subesse. Nam ex quæ gradum vegetandi sequuntur, cum sint omnino naturales, nullo modo rationis participes esse possunt,

1 Ethic.

cap. 13.

2,

Imperium,

Despoti-

cum,

Politicum.

3.

Facultas

anime vi-

plex; Co-

gnosciti-

va, Appe-

titiva, Lo-

comotiva.

1. Conclusio;

13

Quid sit

conclusio

voluntatis.

2. Conclusio;

13

ita ut nè quidem rationis imperio subint: At verò potentia sensitiva quæ gradum sentiendi consequuntur, etsi proprie loquendo rationis sint expertes, nihilominus tamen eatenus ab Aristotele dicuntur *participes rationis, quatenus apte nate sunt imperio rationis obtemperare*. Notandum est secundò, Imperium esse duplex: alterum despoticum seu herile, quo herus seu dominus imperat servis, qui facultatem resistendi non habent, cum nullo modo sint sui juris; alterum politicum seu civile, quo princeps reipublicæ imperat civibus, qui licet ejus edictis obediant, attamen cum liberi sint, aliquid suum habent quo ejus imperio resistere valeant. Denique notandum est, Partis animæ sensitivæ tres esse præcipuas facultates in genere: nempe, cognoscitivam, quæ omnes sensus tum internos cum externos complectitur; appetitivam, quæ utrumq; appetitum concupiscibilem nempe & irascibilem continet; denique loco-motivam, quæ in membris, externis præsertim, residet. His præmissis, propositæ quæstioni sequentibus conclusionibus satisfiet.

I. Conclusio; Voluntas movet activè reliquas animæ potentias quæ illius imperio subduntur, concurrendo cum illis tanquam causa universalior; ita ut ex potentia cum qua voluntas concurrit & ex ipsa voluntate fiat una integra causa à qua una eademque numero actio manat. Ex quo intelligis, actionem quâ voluntas formaliter movet alias potentias, esse transeuntem; neq; enim distinguitur ab actione elicitâ aliarum potentiarum, quæ respectu voluntatis dicitur *imperata*: Præterea, concursus illum voluntatis interdum esse spiritualem; nempe, cum voluntas concurrit cum potentia spiritali, ut cum intellectu: aliquando verò materiale; nempe, cum voluntas concurrit cum potentia corporea seu inhaerente organo corporeo, ut cum imaginatione, vel appetitu sensitivo.

II. Conclusio; Voluntas movet sensus internos imperio

imperio politico duntaxat, non despotico: Neque enim sensus illi voluntati ad nutum semper obediunt: Imò inter illos, sensus communis non videtur ullo modo voluntatis imperio subesse; perseverante enim sensus externi operatione necessario operatur, nec impediri potest: Reliqui etiam sensus interni nonnunquam adeò tenaciter rem apprehendunt, ut voluntas eorum cogitationem aut nullo modo aut difficilè compescat. Oritur autem ejusmodi cogitationum pertinacitas vel ex præsentia objecti, vel ex interna dæmonum instigatione, vel ex naturali temperie organi, vel ex nimio affectu appetitus sensitivi. Quod spectat ad sensus externos; nullo modo subsunt per se & directè imperio voluntatis, sed tantum per accidens, quatenus potest voluntas illorum actus impedire, subministrando aliquod impedimentum ex parte organi, vel objecti, vel medii.

Sensus communis imperio voluntatis non sub-

Cogitationum pertinacitas unde nascitur

III. Conclusio; Voluntas movet appetitum sensitivum imperio politico duntaxat, non despotico. Et quidem quòd appetitus animalis subsit imperio rationalis, satis constat experientià, cum ipsius effrenatos motus possimus pro arbitrio incitare vel coercere, juxta illud, Gen. 4. 7. *Sub te erit appetitus ejus, & tu dominaberis illius.* Quòd verò politico duntaxat non verò despotico voluntatis imperio subsit, eadem experientià constat: sæpe enim vehementi impetu in bonum aliquod sensibile fertur appetitus, reclamante judicio rationis, & præter voluntatis inclinationem. Quod clarè significat Apostolus, Rom. 7. 15. *Non quod volo bonum hoc ago; sed quod odi malum, hoc facio.* Potest autem hæc resistantia ex iisdem causis oriri ex quibus præcedenti conclusione docuimus cogitationum seu imaginationum pertinacitatem oriri. Porro, voluntas non movet appetitum nisi mediante sensuum internorum, phantasie nempe vel æstimatorum, notitià; cum appetitus non feratur in incognitum.

3. Conclusio;
Appetitus voluntati subsit.

Verum re-
luctatur
nonnun-
quam.

IV. Conclusio; Voluntas movet membra externa quoad

4. Conclusio.

quoad motum spontaneum illis convenientem, imperio planè despótico citra ullam repugnantiam. Cur autem dispar sit obtemperandi ratio in membris corporis & in appetitu sensitivo, constat ex eo quòd facultas appetitiva est magis sui juris quàm facultas motrix membrorum externorum: sequitur quidem illa naturaliter facultatem apprehensivam, nempe imaginationem seu phantasiam, quæ iudicio rationis sæpenumero contrariatur, at verò facultas motrix membrorum spontanea immediatè sequi potest imperium rationis, licèt ut plurimum id fiat etiam interventu appetitus sensitivi. Si quæras, an membra externa moveri possint nonnunquam à solo appetitu sensitivo absque ullo voluntatis imperio; respondeo, Id posse contingere: cum sit admodum verisimile, motus quosdam membrorum repentinos non semper provenire à voluntate etiam indeliberata, sed nonnunquam à solo appetitu; ut cum aliquis naturâ biliosus ex subita appetitione vindictæ manum effert ad lædendum.

Dnb.

Refp.

Quæstio III.

Utrum appetitus sensitivus moveat voluntatem.

NON est hîc quòd de phantasia aut æstimatoria quicquam seorsum dicatur: neque enim sensus illi absque aliqua motione appetitus sensitivi voluntatem movere queunt; neque etiam ipse appetitus voluntatem allicit, nisi ipse præviâ sensus interni apprehensione prius excitetur: Itaque proposita quæstio triplici conclusione explicatur.

1. Conclusio

Jac. 1.25

I. Conclusio; Appetitus aliquâ ratione movet voluntatem. Experimur enim motum appetitus inclinare ad se voluntatem, juxta illud, *Unusquisq; tentatur à concupiscentia sua abstractus & illeclus.*

2. Conclusio

II. Conclusio; Appetitus non movet voluntatem imperando: cum facultas inferior & corporis organo affixa non habeat imperium vel dominium in potentiam superiorem & immaterialem.

III. Con-

III. Conclusio; Appetitus movet voluntatem indirectè & mediatè, ut scribit D. Thomas, ex parte objecti, h. e. (ut ipsemet explicat) interventu notitiæ intellectivæ quæ objectum amplectendum aut declinandum proponit. Passio enim appetitus est in causa cur intellectus hoc vel illo modo aliter atq; aliter de re judicet; quo fit ut voluntas quæ sequitur judicium intellectus, idem sæpe velit aut repudiet quod ipse appetitus. Potest autem adeò esse vehemens appetitus ut omnino rationis usum absorbeat, sicque necessariò trahat voluntatem; quamvis id semper fiat interveniente judicio rationis, sed perturbato. Turbat autem ac pervertit omnino judicium rationis appetitus affectio, cum ei deliberandi facultatem adimit, dum cogit ipsum intellectum statim cogitare de objecto passionis. Unde motus voluntatis qui ex tali judicio perturbato sequuntur, dicuntur *indeliciberati*.

*Vehemens
passio ju-
diciu ra-
tionis per-
vertit.*

Quæstio IV.

*Quomodo Voluntas liberum sit agendi principium:
Ubi, de libero arbitrio.*

Quoniam liberum arbitrium censetur esse proximum & immediatum principium humanarum actionum, quæ eatenus humanæ seu liberæ dicuntur quatenus à libero arbitrio proficiuntur; idcirco hoc loco nonnullæ difficultates de libero arbitrio explicandæ sunt.

I. Quid sit liberum arbitrium. Respondetur, Licet ex vi nominis significet actum quandam rationis imperatum à voluntate (cum *arbitrari* nihil aliud sit quam de re aliqua deliberare aut de ipsa probabiliter judicare) nihilominus tamen communiter apud Philosophos & Theologos significat potentiam seu facultatem hominis electivam, nempe ipsam voluntatem, quatenus circa suos actus libera est. Quare non malè ex doctrina D. Thomæ sic describi potest liberum arbitrium; Potestas libera eligendi ex iis quæ

*Difficul-
tas, Quid
sit liberum
arbitrium.*

*i. p. qu. 83.
Ejus de-
scriptio.*

ad

ad finem conducunt ~~unum~~ prae alio, aut unum idemque acceptandi vel respuendi: vel brevius; Voluntas libera quatenus libera. Ut autem planius intelligas quatenam sit illa voluntatis libertas quae ad formalem rationem liberi arbitrii pertinet: notandum est, *Libertatem*, sicut & *liberum*, dupliciter accipi: primò, ut dicitur à verbo *libero*, opponiturque *Servituti*; quae appellari potest *libertas conditionis*: secundò, ut deducitur à verbo *liber*, diciturque potest *libertas appetitionis*: Quo modo dupliciter adhuc sumitur: primò, ut opponitur Coactioni, diciturque *libertas à coactione*; qualis reperitur in spontaneis motibus non tantum hominum sed etiam belluarum; secundò, ut opponitur Necessitati, diciturque *libertas à necessitate*; qualis reperitur in actionibus humanis seu propriè liberis. Notandum secundò, Libertatem non tantum reperiri formaliter in ipsis actionibus, sed etiam & quidem primariò in ipsa potentia seu facultate appetitiva à qua ejusmodi actiones liberæ eliciuntur vel imperantur. Libertas igitur quae formaliter est in voluntate, quæque necessariò desideratur ad constituendum liberum arbitrium, est libertas à necessitate: Quæ vulgò duplex constituitur: altera Contradictionis, seu quoad exercitium actûs; altera Contrarietatis, seu quoad specificationem actûs. Notandum tertio, Illud agens dici liberum hoc postremo genere libertatis, quod positis omnibus requisitis ad agendum potest agere & non agere, aut ita unum agere ut contrarium agere possit; ita ut non tantum non cogatur, sed etiam à nullo necessariò determinetur ad agendum aut non agendum præterquam à seipso.

I I. Difficultas est, Qui differat liberum arbitrium ab intellectu & voluntate. Respondetur, Esse idem realiter cum voluntate (ut probat D. Thomas, 1. p. q. 83. art. 4 quia est ejusdem potentiae velle & eligere: at voluntas est finis, qui propter se appetitur; liberum arbitrium est mediorum ad finem, quæ cadunt sub electionem) distingui tamen conceptu aliquo

Nota 1.
Liberum
& libertas
duplex
est. primum
autem.

Nota 2.

Libertas
voluntatis
quatenam
sit & quod
duplex.

Nota 3.

2. Difficultas.
Liberum
arbitrium
idem
cum voluntate
realiter,
ab eodem
differt
conceptu
formali.

quo formali, quatenus voluntas quā voluntas se ad plura extendit quā liberum arbitrium, nempe ad actus quosdam non liberos, ad quos liberum arbitrium non pertingit. Itaq; cum voluntas ab intellectu reipsa & formaliter distinguatur, liberum autem arbitrium sit idem realiter cum ipsa voluntate, facile est intelligere, ipsum non formaliter modo sed etiam realiter ab intellectu distingui. Ut autem intelligas quomodo liberum arbitrium ab intellectu seu ratione dependeat, sciendum est, Liberum arbitrium sicut & ipsam libertatem voluntatis, duobus modis spectari posse; 1. quoad potentiam seu habitum, 2. quoad actum seu usum. Si igitur priori modo spectetur, nullo modo pendet ab intellectu, sed à solo Creatore Deo, qui ad maiorem sui gloriam principium illud agendi liberè rationali creaturæ indidit: Si autem posteriori modo spectetur, sic sanè pendet ab intellectu seu ratione; quia non potest facultas libera in actum exeri, nisi præcedat rationis iudicium aliquod, à quo etiam nomen ipsum liberi arbitrii accepit. Atque isto sensu D. Thomas 1. 2. q. 2. art. 2. ait liberum arbitrium esse utriusq; potentiæ, nempe rationis & voluntatis, facultatem, i. e. ab utraque potentia quoad usum dependentem. Et idem Doctor Angelicus, 1. part. q. 83. art. 1. ex eo probat hominem esse liberi arbitrii, quia agit ex iudicio rationis libere, seu ad unum minimè determinato, propter indifferentiam rationis circa contingentia seu particularia agibilia; quale iudicium non reperitur in belluis.

*Quomodo
à ratione
dependeat.*

Est utriusq; potentiæ, rationis nempe & voluntatis facultas.

III. Difficultas est, An verè detur supra descripta libertas humani arbitrii; seu, An homo verè sit præditus supradicto libero arbitrio, ita ut verum habeat in suos actus dominium. Respondetur, Ità esse, Quia id fides orthodoxa docet, tum ex variis sacræ Scripturæ locis; Gen. 4. 7. *Nonne si bene egeris, &c.* Jos. 24. 15. *Optio vobis datur: eligite hodie quod placet, &c.* Eccles. 15. 14. *Deus ab initio constituit hominem, & reliquit illum in manu consilii sui, & paulò post,*

*3 Difficultas.
Hominem esse liberi arbitrii probatur 1. Autoritate.*

Appo. uic

Apposuit tibi aquam & ignem : ad quod volueris porrigere manum tuam, &c. tum ex œcumenicorum Conciliorum decretis, & novissimè Concilii Tridentini sess. 6. c. 1. denique, ex multis sanctorum Patrum auctoritatibus. Nec fides tantum, verum etiam ratio & naturalis experientia idem docent. Et ut prætermittam paulò antè allatam D. Thomæ rationem; Ratio alia duci posset ab injuria quæ naturæ humanæ, quam belluinæ similem faciunt qui libertatem tollunt; & Deo, quem iidem in homines injuriam faciunt, infertur.

2. *Ratione.*

- 1, paulò antè allatam D. Thomæ rationem; Ratio alia duci posset ab injuria quæ naturæ humanæ, quam belluinæ similem faciunt qui libertatem tollunt; & Deo, quem iidem in homines injuriam faciunt, infertur.
- 2, Deinde, alia ratio duci potest ab ipsa peccati ratione: implicat enim contradictionem, Peccatum esse, & non esse voluntarium & liberum. Adde, Superfluas fore admonitiones & adhortationes ad virtutem; inutilia fore capta de rebus agendis consilia: Pœnas & supplicia injustè malè agentibus esse imposita. Denique, etsi nulla esset ratio, ipsa tamen nos convincit experientia, quâ experimur nos pleraque pro libito posse agere vel non agere.
- 3,
- 4,

4. *Difficultas.*

IV. Difficultas est, Ad quosnam actus se extendat libertas humani arbitrii. Repetendum est hîc quod suprâ docuimus, Libertatem humani arbitrii propriè esse libertatem à necessitate: deinde, Illam esse duplicem, nempe libertatem quoad exercitium actûs, quæ potest dici libertas contradictionis; & libertatem quoad specificationem actûs, quæ dici potest libertas contrarietatis. Quibus positis

Afferio 1.

Respondeo primò, Voluntatem in statu futuræ vitæ non esse liberam neque quoad exercitium neque quoad specificationem circa actum amoris Dei clarè cogniti. Sicque actus ille non est liber, licet sit voluntarius, i. e. à voluntate spontè, i. e. non invitò, elicitus. Ubi nota, quòd necessitas illa non facit voluntatem deterius conditionis, quia non determinat indifferentiam voluntatis illam cogendo, sed potiùs complendo & perficiendo, cùm proveniat ex perfectissima apprehensione objecti undequeque & summe boni.

Respon-

Respondeo secundò, Voluntatem in præsentì statu esse liberam quoad exercitium actûs, circa quodcunq; objectum; h. e. Illam posse pro libito elicere vel suspendere actum circa quodcunque objectum etiam undequaque bonum; tum quia potest liberè avertere animum à cogitatione talis objecti: tum quia perseverante etiam tali cogitatione potest pro sua libertate suspendere actum volitionis vel amoris, idque propter defectum ipsius apprehensionis intellectivæ in statu præsentis vitæ.

Respondeo tertio, Voluntatem in hac vita non esse liberam quod specificationem actûs circa bonum in communi aut circa malum in communi; nec etiam circa id peculiare bonum quod nullam habet rationem mali, quale est Beatitudo; aut circa peculiare malum si absque ulla ratione boni illi repræsentaretur: i. e. Voluntas potest quidem velle seu amplecti bonum in communi, similiterque bonum undequaque bonum; aut non velle, seu suspendere actum volitionis aut amoris circa illud bonum: sed non potest nolle positivè, seu respuere, vel odissè: Itémque voluntas potest nolle seu respuere vel odissè malum in communi, similiterque malum peculiare quod absque ulla ratione boni illi repræsentaretur; aut etiam non nolle, seu non respuere, vel non odissè: at non potest velle seu consecrari vel amare tale malum.

Respondeo quarto, Voluntatem esse liberam non tantum quoad exercitium sed etiam quoad specificationem actûs circa bonum quodlibet in particulari in quo potest aliqua ratio mali repræsentari, itémque circa malum in particulari in quo potest aliqua ratio boni considerari. Quod sic accipiendum est, non tantum quia voluntas ita potest amare huiusmodi bonum ut possit illud idem respuere vel odissè, quia in eo potest aliqua ratio mali spectari; sed etiam quia potest amare malum illi bono oppositum, quia in illo malo peculiari potest aliqua boni ratio spectari. Ex quo intelligis, libertatem contrarietatis dupli-

*Libertatem
contrarieta-
tis duplex.*

1. *Quoad
Actum;*

2. *Quoad
Objectum.*

duplicem assignari posse: unam quoad actum ipsum; cum contrarietas inter ipsos actus formaliter reperitur, qualis est inter Velle & Nolle positivè, seu inter Amplecti & Respuere, inter Amare & Odissè; alteram quoad objectum; cum contrarietas non reperitur inter ipsos actus nisi ratione contrariorum objectorum, qualis est inter Velle bonum aliquod peculiare, & Velle malum illi bono oppositum: Ad quam revocari potest libertas Indifferentiæ circa plura bona quæ ut sic non sunt contraria sed tantum disparia; ut, Possè velle hoc, vel illud bonum.

V. Difficultas est, Quale iudicium rationis requiratur ad usum liberi arbitrii. D. Thomas ejusque sectatores existimârunt, requiri semper iudicium aliquod practicum à quo ita determinatur voluntas ut illud statim & quidem infallibiliter sequatur: quod propterea vocant *iudicium practicè practicum*; quod sine præiudicio liberi arbitrii fieri dicunt, eò quòd tale iudicium sit liberum, i. e. à libera voluntate imperatum. Verum quia illa opinio grandes & inexplicabiles patitur difficultates, probabilius est asserere ejusmodi iudicium practicè practicum non esse necessarium ad usum liberi arbitrii; sed satis esse illud iudicium quo pensatis omnibus medium judicatur utile & aptum quod eligi possit: quod iudicium licet verè sit determinatum, posito tamen tali iudicio manet adhuc voluntas indeterminata, ita ut possit actum suspendere; quia per tale iudicium iudicatur, ita hoc bonum esse eligibile, ut tamen non sit necessariò eligibile.

6. *Diffi-
cultas.*

*Voluntas
dum opera-
tur quo-
modo dici-
tur libera.*

VI. Difficultas est, An maneat liberum arbitrium in ipso actus seu, An voluntas etiam dum operatur sit verè libera. Respondeo, Ita esse: alioqui nullus daretur actus liber nisi quatenus futurus esset; ac proinde nullum esset propriè meritum. Itaque voluntas in eodem instanti reali quo elicit actum, prius naturâ quàm eliciat actum intelligitur habere potestatem ad eliciendum vel suspendendum actum: sicque in sensu diviso voluntas etiam dum operatur censetur libera, li-
cèt

cet in sensu composito dicatur necessario operari. Sed hæc de libero arbitrio satis, atque adeo de principiis internis congenitis actionum humanarum.

Posterior Disputatio hujus Tractatus:

De Principiis internis humanarum actionum Acquisitis; nempe, de Habitibus.

Quæstio I.

Quid sit habitus.

Habitum hoc loco accipimus quatenus pertinet ad primam speciem Qualitatis, definiturque ab Aristotele 7. Ph. c. 3. *Dispositio perfecti ad optimum*, i. e. dispositio subjecti integri & omnibus suis partibus ac facultatibus instructi ad optimum sui statum, qui in perfectissima ejus operatione præsertim consistit. *Habitus autem sunt principia perfectissime operandi.* Verum quia hæc definitio solis habitibus bonis competit, potest generalius & aptius definiri in hunc modum; Qualitas vel dispositio subjecti non dans ei primam facultatem operandi, sed conferens facultatem facilius ac determinatius operandi, quæ mar et in subjecto, ipso etiam non operante. Quâ definitione distinguitur habitus acquisitus primò a naturali facultate, per quam confertur prima facultas operandi; deinde, ab habitibus infusis, qui conferunt facultatem operandi simpliciter; præterea, ab iis habitibus qui non sunt per se operativi, cujusmodi est Pulchritudo, Sanitas, &c. denique, ab actione, quæ non est potentia sed actus. Quod autem ejusmodi habitus concedendi sint voluntati in ordine ad actus morales, patet tum ex indeterminatione cum ex difficultate quam experitur voluntas in suis actibus: Quare necesse est ut per aliquos habitus sibi superadditos ad

*Definitio
Habitus.*

*Accuratior
definitio.*

*Admit-
tendos esse
habitus,
probatum.*

D

hos

Object.

*Resp. ad
primam
partem
objectionis;*

Ad secundam.

hos potius quam ad illos actus inclinetur, atq; etiam ad eosdem facilius & perfectius exercendos juvetur. Sic experimur, eum qui sibi comparavit habitum temperantiæ, proclivem esse ad actus temperantiæ, nec ullam in eis exercendis difficultatem pati; secus autem contingere in eo qui nondum sibi ejusmodi habitum comparavit. Quod si opponas, Oculum indeterminatum esse ad hos vel illos colores videndos; deinde etiam, sepius difficultatem pati, imò in errore labi circa objecta visibilia: nec tamen admitti habitum in oculo: respondetur, Hanc indeterminatorem & difficultatem non provenire ex ulla indispositione facultatis. Et quidem quod spectat ad indeterminatorem, satis tollitur per solam objecti præsentiam. Quod verò spectat ad difficultatem aut deceptionem; respondetur, Eam non oriri ex ulla repugnantia ipsius facultatis videndi, sed ex indispositione organi, vel indebito situ objecti, vel etiam ex indebita dispositione medii interjacentis inter organum & objectum: At indeterminatio voluntatis non tollitur ex sola præsentia objecti; quia objecto præsentem potest circa illud actum suspendere, imò etiam ad aliud se divertere: difficultas verò quam patitur, ex ipsiusmet voluntatis indispositione provenit.

Quæstio II.

*Quomodo acquirantur, deinde augeantur
morales habitus.*

ET si nonnulli habitus unico duntaxat actu acquiri possunt: ut in intellectu habitus Scientiæ unica demonstratione: nihilominus tamen permulti alii sunt qui partim ob inefficaciam actuum, partim ob resistantiam subjectorum non nisi frequenti eorundem actuum repetitione acquiri possunt; cujusmodi sunt morales habitus, qui propter pravam voluntatis inclinationem & appetitus sensitivi rebellionem non nisi repetitis actibus in ipsa voluntate procreantur.

Actus

Actus autem illi per quos habitus acquiruntur, debent esse ejus facultatis in qua recipiuntur: ut, quia Prudentia moralis est habitus in intellectu residens, idcirco non nisi per actus intellectivos procreatur; item, quia Justitia, Fortitudo, Temperantia sunt habitus interni ipsius voluntatis, ideo non nisi actibus internis ipsius voluntatis acquiruntur.

*Per quos-
nam actus
habitus
producen-
ter.*

Gravis autem hic difficultas oritur: Cum enim habitus illi morales simul ab omnibus illis actibus in sui productione dependant, ita ut singuli actus aliquid ad ipsum habitum producendum conferant, & quidem in genere causæ efficientis; quaeritur jam, An omnes illi actus eodem modo se habeant ad habitum producendum.

*Difficultas
circa pro-
ductionem
habitus.*

Nonnulli arbitrantur, per priores actus tantum disponi facultatem ad recipiendum habitum; ultimum verò actum virtute præcedentium producere habitum. Alii in oppositum dicunt, per primum actum duntaxat totalem habitum produci; per actus verò subsequentes eundem jam productum confirmari & stabiliri, vel (ut loquuntur) radicari in subiecto. Verum probabilius arbitramur, neque per primum neque per ultimum actum duntaxat, sed per omnes & singulos collectivè sumtos produci habitum: Quo loco per *habitum* intelligimus dispositionem subiecti firmiter in hærentem. Quòd igitur per primum duntaxat actum non producat ejusmodi habitus firmiter in hærens, satis constat experientiâ: Quòd verò ultimus ille actus non sit expectandus, eadem constat experientiâ; cum ante ultimum actum, si jam plures actus virtutis aliquis exercuerit, sentiat se non mediocriter ad eam virtutem sublatis gravioribus difficultatibus inclinari. Adde, quòd difficile esset assignare quis ille foret ultimus actus per quem habitus virtute præcedentium produceretur.

*Varia de re
proposita
sententia.*

*Probabilior
sententia;*

*Confirma-
tio.*

Quod spectat ad modum quo habitus augetur; constat quidem, repetitis actibus augeri: Verum cum actiones ad habitum comparatæ, aut sint remissæ,

Dub.

Resp.

aut æquè intensæ, aut remissiores ipso habitus; quæstio est, An habitus non possit augeri nisi intensioribus actibus. Cui respondetur, Ita esse: Nam actiones remissæ habitum debilitant, æquè intensæ foveant, sed intensiores augent. Quod igitur soli intensiores actus possint augere habitum, non verò remissiores aut æquè intensi; probatur, quia (ut scribit Aristoteles, l. De ortu & inter.) actio non fit à proportionem minoris inæqualitatis; sed à proportionem majoris inæqualitatis i. e. agens infirmius & debilius, aut æqualium virium non agit in fortius aut æquè forte, sed debet esse majoris virtutis quàm sit id in quod agit. Quare non potest remissior actus agere in habitum intensiorem, seu ipsum perficere.

Quæstio III.

Quomodo habitus concurrant cum facultatibus ad operandum.

Quorundam sententia.

Probabilior sententia.

Quidam habitus non operantur.

Sunt qui licet ultro fateantur facultatem habitu instructam promptius & perfectius operari quàm si eodem destitueretur, negant tamen habitum esse verum agendi principium, atque aiunt meram esse dispositionem subjecti, omnis efficientiæ expertem, ex qua tamen pendet major facultatis efficacia. Verum probabilius est, habitum simul cum facultate quam instruit effectivè concurrere ad eliciendum actum. Neque enim habitus dicitur tantum *dispositio perfecti*, id est, subjecti, sed dispositio subjecti *ad optimum*, nempe ad actum. Adde etiam, nullum fore discrimen inter habitus operativos & non-operativos, si nullus habitus esset verum agendi principium. Licet enim quidam sint habitus non-operativi, ut Pulchritudo, &c. alii tamen plerique & ferme omnes sunt operativi, ac proinde vera agendi principia. Et licet verum sit, totam actionem esse à facultate; non repugnat tamen, eandem simul esse ab habitu in eodem genere causæ subordinatæ: sicut idem opus totum pendet simul à manu artificis & à malleo. Instabis,

bis, Habitum produci per actiones; ac proinde non posse esse principium seu causam effectivam earundem. Cui respondetur, Habitum non posse esse effectum simul & causam earundem numero actionum; sed posse dici respectu earundem specie: in quo nihil absurdi est; cum pluvia vaporibus primum excitata vapores rursus exciter, non quidem eodem numero sed eodem specie.

Obiectum.

Solut.

Quæstio IV.

Quomodo corrumpantur habitus.

Constat quidem, intereunte subjecto proprio, habitum, sicut & quodvis aliud accidens, deperire; v. gr. si anima aut animæ facultates perirent, omnes quoque animæ aut ipsius facultatum habitus extinguerentur: Certum etiam est, subjecto adhuc integro & superstite habitum contrariis actibus ab ipso expelli posse, i. e. aboleri; v. gr. habitus iustitiæ in voluntate contractus, superstite ipsa voluntate per actus iniustitiæ paulatim remittitur, tandemque prorsus interimitur: Verum difficultas est, An solâ cessatione actuum idem habitus deperdi posset. Experimentiâ quidem compertum est, inertî otio virtutum habitus frangi paulatim ac debilitari: quod tamen nonnulli subtiliter quoad Usûm non quoad Substantiam habitûs interpretantur. Et certè si res ad vivum refecetur, non videtur posse habitum ipsum deleri solâ cessatione actûs præcisè considerata: Quare cum aliqua virtus inertîa & otio videtur languescere, non tam habitus ipse virtutis deperditur, quam usus ipsius habitûs præpeditur, ob rebellionem appetitûs qui per ejusmodi virtutum inducias vires novas resumit. Adde etiam, vix fieri posse ut cessante alicujus virtutis actione oppositus illi habitus per occultos saltem & secretos ipsius voluntatis actus non producat: sicque non per solam cessationem actûs, sed per oppositum habitum prior ille virtutis habitus destruitur: Quia tamen actus illi sæpenumero adeò occulti

*Difficultas.
Enodatur.*

sunt & taciti, ut eos ipse etiam in quo sunt non advertat; hinc fit ut deperditæ virtutis ruina soli inertix & segnitici tribuatur, quamvis revera per oppositum habitum destruat. Sed hæc de habitibus, atque adeo de principiis Internis actionum humanarum sive congenitis sive acquisitis, satis dicta sint. Superest ut de principiis earundem Externis sequenti tractatu differamus.

Posterior Tractatus hujus partis:

De principiis Externis actionum humanarum.

*De quibus
busq; ex-
ternis prin-
cipiis actio-
num hu-
manarum
hic agatur.*

ET si Finis & Bonum dici possint externa humanarum actionum principia in genere causæ finalis vel formalis externæ; non tamen de iis hoc loco agitur, cum jam de illis dictum sit in prima parte; sed tantum de iis quæ pertinent ad genus causæ efficientis, ut **D E U S**, Angeli, Dæmones. Et quoniam Deus aliter dicitur principium humanarum actionum quam angeli vel dæmones; quia ille nempe efficaciter movet, hi verò tantum suadent & excitant: hinc duas instituemus hujus tractatus disputationes; quarum prior erit de principio efficaciter movente, nempe Deo; posterior verò de principio excitante duntaxat, Angelo nempe & Dæmone.

Prior Disputatio hujus Tractatus.

De principio externo humanarum actionum efficaciter movente.

Quæst. I.

Quomodo D E U S dicatur principium externum humanarum actionum.

*Deus prin-
cipium hu-
manarum
act. non in
duplici ge-
nere causa.*

NON tantum Deus dici potest principium externum humanarum actionum in genere causæ finalis, quatenus est finis objectivus cujus gratia omnes humanæ actiones elici debent; sed etiam in ge-
nere

nere causæ efficientis: Quod quidem duobus modis intelligi potest: primò quidem, quatenus est causa quædam universalis quæ simul cum ipsa facultate libera influit in ipsius actum, seu effectivè concurrat ad actum liberè eliciendum; secundò quatenus est causa efficiens ipsius facultatis liberæ, potestque ipsam excitare seu movere ad actum eliciendum: Deum igitur utroque modo esse principium externum actionum humanarum asserimus. Et quidem Deum priori modo esse principium humanarum actionum probatur; Quia non tantum res, verum etiam rerum ipsarum operationes tam naturales quam liberæ; pendent à Deo tanquam à prima simul & universali causâ, qui propterea dicitur *operari omnia in omnibus*. Quare merito Durandi sententia tanquam minus in fide tuta ab omnibus Theologis exploditur, asserentis Deum non alio influxu concurrere cum creaturis ad agendum, quam conservando illarum naturas & vires: Nam & ipsas quoque creaturarum operationes fovet, regit, moderatur, atq; ad convenientem finem dirigit. Quod verò etiam posteriori modo Deus sit principium humanarum actionum, patet; Quia id censetur alicujus actionis externum principium quod proximum seu intimum actionis principium excitat ad agendum: atqui eo modo se habet Deus ad actiones humanas, cum voluntatem, quæ est proximum ac intimum principium illarum, excitet ad agendum: Verum de utroque modo quo Deus dicitur principium humanarum actionum deinceps specialius dicendum est: & primùm quidem, de priori, seu de concursu Dei cum libero arbitrio; secundò, de motione voluntatis à Deo.

Assertio.

Prima pars assertionis probatur.

1 Cor. 12. 6.

Posterior pars assertionis probatur.

Quæstio II.

Quomodo Deus concurrat cum voluntate ad actus humanos.

Deum concurrere cum voluntate ad actus humanos, nihil aliud est, quam Deum ut causam primam

*Actio-
nem elici-
entem con-
cursum du-
plex requi-
ritur.*

*Quis sit
concurfus
Dei cum
voluntate.
Nota.*

Coroll.

primam & universalem simul cum libero arbitrio tanquam cum causa secunda & particulari, per modum unius totalis causæ influere in hosce actus immediate. Est autem ad actionem quamlibet eliciendam necessarius uterq; concursus, nempe causæ primæ & causæ secundæ: illius quidem, quia ab illa pendet causa secunda in esse & operari; hujus verò, quia per hanc illius influxus generalis & indifferens determinatur ad hunc vel illum effectum producendum: Imò illi duo concursus sunt adeò connexi, ut sint una eademque actio quæ effectus producitur, quæ quatenus est à Deo universaliter influente, dicitur influxus generalis; ut verò à causa secunda taliter vel taliter agente, dicitur concursus seu influxus causæ particularis, v. gr. Ignis. Sic igitur actio libera, tota immediate pendet tum à voluntate cum à concursu Dei; ita ut concursus ille non sit influxus quo Deus primò per se moveat voluntatem ad operandum, sed quo cum ipsa voluntate concurrat ad actum liberam eliciendum. Ubi nota, concursum illum non esse causam efficacem & sufficientem ad actum liberè eliciendum absque libero concursu voluntatis: imò, quòd hic potius quàm ille actus circa hoc vel illud eliciatur, à solo concursu liberi arbitrii provenit. Et licet posito concursu generali circa talem actum necessario ponatur talis actus, cum supradictus concursus ab actu minimè distinguatur; non tamen definit actus ille esse liber, quia provenit à causa secunda libera, nempe à voluntate. Ex quibus intelligere est, supradictum generalem concursum nullam inferre humanis actibus necessitatem, cum voluntas maneat semper æquè indifferens & libera circa suos actus.

Quæstio III.

Quærendi Deus moveat voluntatem ad operandum.

PRæter illum supradictum influxum quo Deus se habet concomitanter cum voluntate ad eliciendum

dum actum, alius non sine probabilitate à plerisque admittitur, quo Deus se habet antecedenter cum voluntate ad eundem actum eliciendum, quo nempe Deus movet, excitat, & applicat voluntatem ad agendum: De quo major est difficultas quam de superiori concursu, eò quòd per ipsam videatur voluntas quasi ab extrinseco determinari ad agendum antequam se ipsam determinet; quod humani arbitrii libertati videtur nonnihil repugnare: nihilo minus tamen expressè docet D. Thomas, 1. part. qu. 105. art. 1. & 1. 2. qu. 9. art. 4. & 6. Deum movere voluntatem ipsam, ita ut voluntas non possit operari nisi à Deo mota & excitata, eò quòd ab ipso tanquam à generante vim ipsam operandi acceperit. Quæ verò ratio cum ejusmodi motione Dei stet libertas arbitrii explicat idem doctor Angelicus 1. 2. qu. 10. art. 4.

Quia nempe Deus res seu causas secundas movet modo naturæ suæ congruenti: Quare cum voluntas sit facultas non determinata ad unum, sed indifferenter se habens ad multas; sic Deus ipsam movet ut non ex necessitate ipsam ad unum determinet: quo fit ut motus voluntatis remaneat contingens & non necessarius. Ubi notandum est, juxta doctrinam D. Thomæ 1. part. qu. 9. art. 4. voluntatem non movere se ipsam nisi deliberatione seu consilio præcedente, ut contingit in electione mediorum: Sicq; in ea volitione quæ deliberationem antecedit, uti in volitione finis ipsorum meliorum, non vult ille voluntatem movere se ipsam propriè, sed tantum ab extrinseco principio, nempe à Deo solo, moveri: quia cum voluntas antè esset in potentia tantum ad agendum, non potuit se ipsam ad agendum movere; alioqui sequeretur eam fuisse in actu dum esset in potentia, cum nihil moveretur nisi ab eo quod est actu. Sicque licet proximum agendi principium sit intrinsecum, primum tamen principium debuit esse extrinsecum. Verum ut libere dicam quod sentio, licet hæc D. Thomæ opinio sit communis & valde conformis principiis

*Sententia
D. Thomæ.*

Notandum.

*Ratio D.
Thomæ.*

*Sententia
D. Thomæ
revertitur, &
nostra explicatur.*

piis

piis Aristotelicæ doctrinæ, nihilominus tamen non mihi videtur necessariò amplectenda, eò quòd multum de libertate arbitrii, præsertim circa volitionem finis, detrahat; præsertim cum supradictus concursus sufficere videatur, à quo tam voluntas in agendo quàm voluntatis actus dependet. Itaque licet Deus, præterquam quòd concurrit immediatè ad actum, possit etiam cum voluerit influere hoc posteriori modo in voluntatem, eam movendo & excitando, etiam efficaciter & determinatè, saltem quoad actus bonos (licet nunquam possit cogere repugnantem;) hoc tamen non videtur ordinariè admittendum, nisi sermo sit de actibus supernaturalibus, ad quos prærequiritur ex parte Dei motio quædam movens & excitans ipsam hominis voluntatem; appellaturque *gratia præveniens* vel *excitans*; quæ quidem non movet necessariò & determinatè voluntatem, licet in quibusdam dicatur tantum sufficiens, in aliis verò efficax, ut docent Theologi.

Quest.

Resp.

Nota.

Si quæras an possit Deus adeò efficaciter movere voluntatem, sive ad actus naturæ sive ad actus gratiæ, ut voluntas nequaquam possit reluctari aut actum suspendere; responderetur. Nihil repugnare, Deum hoc modo movere voluntatem ratione supremi domini quod habet in res omnes; præsertim cum voluntatem beatorum hoc modo moveat sub ratione finis & objecti. Adde, quòd valde probabile est, quosdam prævenienti gratiâ adeò efficaciter à Deo impulsos fuisse, ut nè tantillum quidem conversionem suam retardare potuerint; quod in conversione D. Pauli, B. Magdalenæ, & aliorum evenit: quamvis id rarò contingat.

Posterior

Posterior Disputatio hujus Tractatus :

De aliis principiis externis humanarum actionum.

Quæstio I.

utrum nihil præter Deum possit efficienter movere voluntatem.

Efficienter movere voluntatem latè nonnunquam accipitur; quomodo is qui aliquid faciendum suadet proponendo objectum, dici potest efficienter, licet non efficaciter, movere voluntatem agentis; aliquando verò strictè & maxime propriè; quomodo is tantum dicitur movere voluntatem, qui per se immediatè, & non ratione objecti vel finis, inclinat voluntatem. Quo posteriori modo asserimus, Nihil præter Deum posse efficienter movere voluntatem. Nam sive angeli, sive dæmones, sive homines, cum aliquid agendum persuadent, voluntatem ad aliquid pelliciunt mediante intellectu, proponendo rationes quibus objectum appetibilius esse videatur, sicque movent voluntatem in genere causæ finalis vel formalis externæ ex parte objecti, & quidem mediante intellectu: At verò Deus, quia solus est causa effectrix voluntatis, ideo solus eam efficienter movere potest, juxta illud Apostoli, *Deus est qui operatur in nobis velle & perficere.* Quod ut planius & plenius intelligas, notandum est ex D. Thoma, voluntatem immutari seu moveri dupliciter: uno modo ex parte objecti, alio modo ex parte ipsius potentie. Ex parte objecti movet voluntatem tum ipsum objectum, sicut appetibile movet appetitum; tum is qui demonstrat objectum: Et quidem utrumque dupliciter fieri potest: Vel efficaciter seu efficienter, ita ut voluntas non possit non moveri: quomodo solus Deus potest movere voluntatem ut objectum, utpote summum & universale bonum; & ut ostendens objectum,

Movere voluntatem efficienter, dicitur 2. modis.

Assertio circa propositam questionem.

Phil. 2. 13. 1. part. qu. 106. art. 2. Voluntas movetur dupliciter: Ex parte objecti;

Exod. 33.
19.

Ex parte
potentiæ.

ctum, juxta illud, *Ego ostendam omne bonum tibi*. Vel non sufficienter: quo modo Angelus dicitur inclinare voluntatem, tum ut amabile quoddam, tum ut manifestans aliqua bona creata ordinata in Dei bonitatem; sicq; inclinare potest voluntatem ad amorem creaturæ vel Dei, per modum suadentis: idemq; censendum est de Dæmone, quatenus inclinat voluntatem ad bonum falsum & apparens; similiterque de Homine, qui eodem modo potest inclinare voluntatem hominis tam ad verum cū ad apparens bonum. Ex parte verò potentiæ voluntas nullo modo moveri potest nisi à Deo: Operatio enim voluntatis est inclinatio quædam volentis in volitum, hanc autem solus excitare potest qui virtutem volendi creaturæ contulit: solus autem Deus est qui potentiam volendi contulit creaturæ, quia solus ipse est autor intellectualis naturæ.

Questio II.

Quomodo Angeli, sive boni sive mali, aliquid suadent humanæ voluntati.

IN genere dictum est, Angelum tunc suadere cū ostendit ac demonstrat aliquid objectum homini tanquam appetibile: ex quo etiam intelligere est, tunc angelum aliquid dissuadere cū aliquid repræsentat tanquam fugiendum & malum. Quibus verò modis & rationibus angelus homini repræsentet objecta, sive bona sive mala, & eorum conditiones, sequentibus conclusionibus explicabitur.

1. Conclusio; I. Conclusio; Boni angeli possunt aliquid suadere hominibus illuminando intellectum. P test autem illuminari intellectus humanus ab angelo duplici ratione: primū, quatenus ab angelo lumen ipsum naturale hominis roboratur, non secus ac subiectum ab agente naturali vicinō; secundō, quatenus ab eodem angelo similitudo seu species rei manifestandæ accommodatē ad illius captum ipsi imprimitur.

2. Conclusio; II. Conclusio; Tam boni quàm mali angeli possunt


sunt aliquid suadere hominibus immutando phantasi-
 am seu imaginationem. Potest autem immutare
 phantasiam angelus, non quidem nova aliqua phan-
 tasmata producendo, sed excitando seu agitando hu-
 mores & spiritus animales, qui in cerebro resident: ex
 illa enim commotione seu agitatione humorum &
 spirituum, oritur in imaginatione varia & multiplex
 rerum sensibilibus representatio & aestimatio; unde
 varii affectus in appetitu & voluntate nascuntur.

*Imaginatio
 multiplex
 ex agitati-
 one humo-
 rum & spi-
 rituum.*

III. Conclusio; Tam boni quam mali angeli
 possunt aliquid suadere hominibus immutando sen-
 sum exteriorem. Possunt autem immutare sensum
 duobus modis: Uno modo, per interiorem quandam
 dispositionem, nempe agitando spiritus & humores,
 & eos ad organa sensuum deducendo: ut si dæmon
 ad palatum, vitiosum aliquem humorem, putâ cho-
 lericum, induceret, ratione cujus omnia gustui sen-
 tirentur amara; vel si ad oculum, crassum aliquem
 humorem cogeret quo vilus impediretur. Altero mo-
 do, per exteriorem sive objecti sive medii disposi-
 tionem, ratione cujus sensus aliquid verum vel ap-
 parens perciperet. Possunt autem angeli verum ali-
 quod objectum externo sensui representare, vel illud
 celeri & imperceptibili motu aliunde transferendo,
 vel idem de novo per applicationem activorum ad
 passiva producendo: Quo fit ut magi seu præstigia-
 tores mira quædam operari videantur, cum non ipsi,
 sed dæmones quibuscum foedus inierunt, ipsis ad nu-
 tum ratione pacti obsequentes, naturalibus, licet oc-
 cultis, rationibus hæc omnia præstent, aut certè non-
 nunquam præstare videantur cum verè non præ-
 stent, ut cum sensus ipsos deludunt falsis ima-
 gini-
 bus, alterando seu immutando organum sensus, aut
 medium quod interjacet inter objectum sensus & or-
 ganum. Sed hæc satis de principiis humanarum acti-
 onum tum internis cum externis.

*3. Conclu-
 sio;
 Immutan-
 tis sensus
 ab angelis
 duobus
 modis.*

*Magorum
 præstigia-
 tores non
 sunt.*



Tertia pars Ethicæ,
De Actionibus humanis:

Ubi, de Passionibus, deque Virtutibus ac Vitiis.

Præfatio.



Uoniam in prima parte Moralis hujus disciplinæ de fine ultimo actionum humanarum, nempe beatitudine, & in altera sequenti de principiis eandem actum est: restat ut in hac tertia seu postrema parte de iisdem ac earum partibus seu variis speciebus, ex quibus varia virtutum ac viti-orum genera nascuntur, simulq; de passionibus, quæ quatenus à voluntate imperantur, humanæ actiones dici possunt, & materiam tum virtutibus cum vitiis subministrant, deinceps disseramus. Quare tres erunt hujus postremæ partis tractatus; quorum primus erit de ipsis Actionibus humanis, secundus de passionibus, tertius de Virtutibus ac Vitiis.

Hujus partis tres tractatus.

Primus Tractatus hujus partis;

De ipsis Actionibus humanis.

Duas instituemus hujus tractatûs disputationes: alteram de actionibus humanis generatim; alteram de iisdem speciatim, in qua de singulis speciebus humanarum actionum tum elictarum cum imperatarum pertractabimus.

Prior

Prior Disputatio hujus Tractatûs :

De Actionibus humanis generatim.

Quæstio I.

Quid sit Actio humana: ubi, de Voluntario
& Involuntario.

Non omnes hominis actiones appellantur à philosophis *humane*, sed ex tantum quæ à libero agendi principio proficiuntur, suntq; liberæ seu voluntariæ, ac proinde homini maximè propriæ. Quare optimo jure D. Thomas illas definit, *Quarum homo dominus est*; seu, quas homo in sua libera potestate habet. Ex Aristotele verò 3. Ethic. cap. 2. colligi potest ista humanæ actionis descriptio, ut sit Voluntarium quid præconsultatum seu deliberatum; seu Actio quæ à voluntate deliberata seu libera proficiuntur. Quo loco notandum est, voluntatem dici *deliberatam*, non quòd ipse deliberet, sed quia præeuntem intellectûs deliberationem sequitur: quo fit, ut illa actio dicatur à libera voluntate proficiendi, quæ à voluntate intellectûs deliberationem sequente elicitur aut imperatur. Verùm cum actio humana sit de genere Voluntarii, locus hic postulat ut ea quæ ab Aristotele 3. Ethic. ad Nicom. cap. 1. de voluntario & involuntario tradita sunt, explicemus.

Primum igitur de voluntario queritur, Quid sit. Respondetur, Voluntarium latè sumptum quatenus idem est ac *spontaneum*, definiri posse, Id cujus principium est in agente rem circa quam agit non ignorante: Ità ut ad hoc quòd aliquid dicatur voluntariè seu spontè agere, duo tantum necessariò desiderentur: unum, ut principium agendi sit in ipso agente in objectum: Quæ duo tum in pueris cum in bellis reperiuntur; ideoque ab Aristotele dicuntur voluntariè seu spontè agere. At verò cætera quæ cognitione

Quanam actiones dicuntur humane.
1. 2. qu. 1. art. 1.

1. Difficultas.
Quid sit Voluntarium.

Voluntarium latè sumptum tum pueris cum bellis convenit.

*Discrimen
inter actum
Spontaneum,
Naturalem, &
Violentum.
Voluntarium
strictè sum-
ptum soli
hominis
competit.
Finis co-
gnitio du-
plex:*

Perfecta;

Imperfecta.

one carent, licet principium agendi insitum habeant non dicuntur propterea spontè, sed tantum naturaliter agere. Ubi notabis, illud esse discrimen inter actum spontaneum, naturalem, & violentum: quod actus Spontanei principium sit insitum cum prævia aliqua cognitione finis; Naturalis verò principium sit quidem insitum, sed absque ulla finis seu objecti notitia; denique, Violenti principium non sit insitum sed diffusum, ut patet in motu lapidis sursum projecti, cuius motus principium est in projiciente non in projecto. At verò si voluntarium propriè ac strictiùs accipiatur, quatenus est hominis proprium, poterit definiri, Id cuius principium est in agente cum perfecta cognitione finis, qualis non reperitur in belluis. Quod ut intelligas, notandum est, duplicem esse finis cognitionem; unam perfectam, alteram imperfectam. Perfecta est, quando non tantum res quæ finis est cognoscitur, sed in ipsa re finis ratio apprehenditur, simulq; ipsa proportio eorum quæ ad finem ordinantur percipitur. Ejusmodi cognitio finis soli rationali naturæ competit; quæ propterea potest ordinare media ad finem, & ad ipsum se movere; non item irrationalis creatura. At verò imperfecta cognitio finis ea est, quæ cognoscitur res quæ dicitur finis; cæterum nec ipsa finis ratio nec proportio mediorum ad ipsum finem cognoscitur. Ejusmodi cognitio finis animalibus & pueris nondum usum rationis habentibus competit. Ex quibus intelligere est, rationem voluntarii in hominibus ratione utentibus perfectam esse, in animalibus verò & pueris vel amentibus imperfectam.

*II. An Vol-
untarium
in homine
sit semper
liberum.*

Secundò quæritur, Utrum Voluntarium in homine sit semper liberum propriè dictum. Respondetur, Non ita esse. Etsi enim nullum voluntarium possit esse coactum; potest tamen aliquod voluntarium, etiam in homine, esse infallibile ac necessarium. Ex. gr. Velle bonum seu finem in communi, homini naturale est, non liberum, juxta sententiam

D. Tho-

D. Thomæ; & tamen est voluntarium, quia principium hujus voluntatis est insitum. Verum quia supra docuimus, voluntatem etiam circa finem in hac vita esse liberam, saltem quoad exercitium actûs; hinc absolutè dicendum est, nihil esse voluntarium homini ordinariè in hac vita quod non sit quoque liberum: Est tamen in futurâ vita aliquid voluntarium homini quod tamen non est liberum, nempe amor Divinæ essentix clarè cognitæ. Quod si quæras, An voluntarium in homine dum vivit sit semper deliberatum seu præconsultatum; responderetur, Non ità esse: Quia actus hominis circa finem sunt voluntarii, imò liberi; nec tamen propriè sunt deliberati seu præconsultati, cùm deliberatio seu consilium sit propriè mediorum non finis. At verò voluntarium in homine circa media, est semper deliberatum seu præconsultatum. Cæterùm dixi, actus hominis circa finem non esse propriè deliberatos, quamvis tamen aliquo modo deliberati dici possint, quatenus à deliberata, h. e. libera, voluntate proficiscuntur: Sic enim omnis actio humana dicitur deliberata, h. e. libera. Addè etiam, aliquam deliberationem impropriad cadere & in ipsum finem, ut alias dicemus: Sicque omne voluntarium hominis in hac vita erit saltem impropriad deliberatum.

Nihil voluntarium homini ordinariè nisi liberum.

Dub.

Resp.

Actus humani circa finem non sunt propriè deliberati.

Tertiò quæritur, An omne voluntarium in homine sit actus aliquis, an verò possit esse voluntarium sine ullo actu. Responderetur, Possè voluntarium esse in homine absque ullo actu, cùm non tantùm actio sed etiam cessatio ab ipsa actione homini sit voluntaria: possumus enim nostro arbitratu agere vel non agere, velle vel non velle: Neq; enim tantùm peccata commissionis, quæ sunt contra præcepta negativa, sed etiam omissionis, quæ fiunt contra præcepta affirmativa, sunt verè voluntaria; cùm jussu à Deo puniantur. Notandum igitur est, voluntarium quod est à voluntate esse duplex; aliud nempe voluntarium directè, aliud verò voluntarium indirectè.

III. An omne voluntarium sit actus.

Peccata omissionis verè sunt voluntaria.

Nota. Voluntarium duplex.

Voluntarium directè non est nisi à voluntate agente; voluntarium verò indirectè potest esse à voluntate non agente cùm potest ac debet agere: v. g. Si proponatur aliquod malum voluntati quod possit ac debet propellere, si illud non propellat, quamvis non eliciat actum volendi circa illud idem, censetur tamen illud velle, non quidem directè sed indirectè; atque adeò incommoda quæ indè sequuntur, censeri debent indirectè ac interpretativè voluntaria. Et certè multa censentur voluntaria quæ non sunt actu volita, sed virtute tantùm, & (ut loquuntur) interpretativè vel implicitè: ut cùm quis vult immodicum potum vini ex quo novit secururam ebrietatem, licet actu non velit ipsam ebrietatem, illam tamen censetur velle virtute, & ex consequenti, seu interpretativè: Sic omissio ejus peccati quod non potest compati cum eo quod quis expressè vult, censetur voluntaria: ut si quis velit ludere eo tempore quo tenetur audire Sacrum, censetur velle omittere Sacrum.

Multa voluntaria non sunt actu volita.

Quæstio II.

Quid sit Involuntarium & quod duplex.

Definitur Involuntarium.

INvoluntarium in genere quatenus Spontaneo opponitur, definiri potest, Quod præter inclinationem appetitus spontaneam accidit. Ex quo intelligere est, involuntarium in iis rebus inveniri in quibus esse potest voluntarium & spontaneum.

Involuntarium duplex.

1. *Per violentiam.*
2. *Per ignorantiam.*

Est autem involuntarium juxta Aristotelem duplex; aliud involuntarium *per violentiam*, aliud verò *per ignorantiam*. Involuntarium violentum definitur, *Cujus principium est extrinsecum, ita ut id quod agit vel patitur, nullam vim conferat*, 3. Ethic. cap. 1. Involuntarium verò per ignorantiam, *Id quod molestum est, assertq; causas poenitentia ubi peractum est & in notitiam agentis devenit*. Ex quo intelligere est, duo esse quæ juxta Aristotelis sententiam & rei veritatem (ut docet S. Thomas 1. 2. qu. 6. art. 5, & 8.) involuntarium

tarium efficiunt; nempe violentiam, & ignorantiam.

Et quidem quod violentia causet involuntarium, constat; Quia violentia in rebus naturalibus cognitione carentibus aliquid facit contra naturam seu innaturale, ut patet in lapide projecto: ergo à pari, eadem violentia in rebus cognitione ac proinde voluntate aliquà saltem improprià præditis faciet aliquid contra voluntatem seu involuntarium. Si objicias, *Object.*

Humanæ voluntati vim inferri non posse, proindeque nihil homini involuntarium accidere posse; respondeo, Non quidem ipsi voluntati, neque actibus ipsius elicitis, sed actibus ejusdem imperatis vim inferri posse: Potest enim impediri executio liberi arbitrii quoad actus imperatos; unde aliqui motus circa corpus reclamante omnino liberâ voluntate possunt accidere. Quod autem ignorantia causet involuntarium, experienciâ satis constat: Nam multa nullâ suâ culpâ per ignorantiam agunt homines quæ sublatâ ejusmodi ignorantia non agerent; unde illos facti postea pœnitet: quod certissimo indicio est, ea non esse ipsis voluntaria sed involuntaria. Verum quia non omnis ignorantia causat involuntarium, ideò de illa aliquid specialius sequenti quæstione dicendum est.

Quod violentia causet involuntarium.

Object.

Solut.

Quod ignorantia causet involuntarium.

Quæstio III.

Quid, & quotuplex, sit ignorantia; & quænam ignorantia sit involuntarii causa.

Primùm quæritur, Quid sit ignorantia. Respondetur, Ignorantiam esse Carentiam cognitionis ejus quam quis natus aptus est habere. Itaque carentia cognitionis ejus quæ conditionis humanæ caput excedit, non tam ignorantia quàm nescientia dicenda est.

I. Differentias, Quid sit ignorantia.

Secundò quæritur, Quotuplex sit ignorantia. Respondeo, Ignorantiam pro varia consideratione vario modo dividi: Spectari enim potest, primò in se, seu ratione sui; deinde, ratione tum objecti circa quod

II. Quotuplex sit. Quadrupliciter spectatur:

Nam

1. *Ratione*
Sui est Pu-
ræ priva-
tionis,
Pravæ dis-
positionis:
2. *Ratione*
Objecti;
Juris,
Facti:

versatur, tum subjecti in quo residet; denique, ratio-
ne actûs voluntarii. Itaque primò, ignorantia ra-
tione sui & quidem generalissimè spectata, dividi-
tur in ignorantiam Puræ privationis, quæ simpliciter
ignorantia dicitur; & ignorantiam Pravæ dispositio-
nis, quæ non tam *ignorantia* quàm error solet appel-
lari. Secundò, ignorantia propriè dicta ratione ob-
jecti dividitur in ignorantiam Juris & ignorantiam
Facti. Illa dicitur, cùm ignoratur lex vel statutum
aliquod; ut si quis nesciret tempore *Quadragesimæ*
jejunandum esse: Hæc verò, vel cùm ignoratur res
seu factum: ut si quis nesciat se commississe homicidi-
um: vel etiam cùm ob ignorantiam circumstantiæ
ignoratur quale sit factum; ut si quis percuteret cleri-
cum quem tamen nesciret esse clericum, laboraret
ignorantiâ facti; quamvis enim sciret percussorem
clerici esse ecclesiastico jure prohibitam; nesciret ta-
men eum, quem meritò se percutere existimat, esse
clericum. Tertiò ignorantia ratione subjecti dividi-
tur in ignorantiam Invincibilem & Vincibilem, quæ
sola culpabilis esse potest. Invincibilis dicitur, quando
non est in potestate alicujus id scire quod ignorat;
seu quando non potest ignorantiam vincere, sive
nullo modo possit sive non possit adhibendo huma-
nam & moralem diligentiam: ut si quis rusticus igno-
ret quonam die indictum esset jejunium quia à nullo
id potuit rescire, nec eo die jejunet, censebitur id fa-
cere ignorantia quâdam invincibili. Vincibilis autem
ignorantia dicitur, quæ adhibitâ morali diligentia
vinci seu superari potest: Quæ duplex est; altera Af-
fectata, altera Crassa. Illa est, cùm quis vult suâ
sponte ignorare; ita ut ignorantia directè sit volita:
qualem ignorantiam affectant improbi homines quò
liberius peccent, juxta illud Psal. 35. 4. *Noluit intel-*
ligere ut bene avertet: Hæc verò dicitur, quando quis
non vult adhibere studium & laborem quem tenetur
adhibere ut aliquid sciat: & quidem hæc ignorantia
censetur indirectè volita propter negligentiam, sicuti
submersio

3. *Ratione*
Subjecti;
Invinci-
bilis.

Vincibilis
etque vel
Affectata,

vel Crassa.

submersio navis nauclero ignaviter dormienti tribuitur. Quartò, Ignorantia ratione actûs dividitur in Antecedentem, Concomitantem & Consequentem. Antecedens dicitur, quæ præcedit omnem consensum voluntatis, ità ut nullo modo sit volita; & nisi voluntatem præcessisset, actio secuta non fuisset: éstque ignorantia illa semper invincibilis & inculpabilis, & sola causa secutæ actionis: ut si quis interficiat hominem existimans esse feram; si enim præsensisset, nunquam occidisset. Concomitans dicitur, quæ actionem comitatur, ità ut non sit illius actionis causa, sed etiam si abfuisset, actio semper consecuta fuisset: ut si quis existimans se feram occidere, capitalem hostem interficeret, quem etiam absq; tali ignorantia sibi currentem interemisset: Unde qui sic agit, ignoranter quidem agit sed non per ignorantiam. Consequens ignorantia sic appellatur, quòd voluntatem consequatur, utpote quæ sit directè vel indirectè volita; eadèmq; est cum ignorantia vincibili sive affectata sive crassa: ut si quis quodam die Vigiliæ non jejunat, quia noluit scire an eo die indictum esset jejunium.

4. *Ratione Actûs*

Antecedens,

Concomitans,

Consequens.

Tertiò quæritur, Quænam ignorantia pariat involuntarium. Respondetur, Solam ignorantiam invincibilem seu antecedentem, sive sit juris sive facti, parere involuntarium; quia sola hæc ignorantia non est ullo modo volita, nec proinde voluntaria, ac proinde quod ex ea sequitur non censetur volitum seu voluntarium, sed involuntarium: At cùm ignorantia est aliquo modo volita seu voluntaria, id quoque quod ex ea sequitur censetur volitum seu voluntarium. Quo loco nota, ignorantiam juris naturalis (saltem quoad prima ejus principia) non posse esse invincibilem, nec proinde inculpabilem; quare non potest causare involuntarium: at verò ignorantiam juris positivi, sive Divini sive humani, tum ecclesiastici cùm civilis, posse ut plurimum esse invincibilem & inculpabilem, ac proinde causare posse involuntarium.

III. *Quænam ignorantia pariat involuntarium.*

Ignorantia autem facti sæpe est invincibilis, quia vix potest quis prævidere omnes circumstantias facti; neque etiam ad id semper obligatur.

Quæstio. IV.

Utrum nihil præter Vim & Ignorantiam patiatur involuntarium.

Prior difficultas, de Metu.

Resp.

Difficultas est præsertim de Metu & Cupiditate. Quod igitur spectat ad metum; dubitatur an ea quæ metu impendentis alicujus mali fiunt, sint voluntaria an involuntaria: ex. gr. Si quis naufragium timens, merces in mare projiciat, nè ponderosior navis submergatur, quæstio est, an spontè seu voluntariè, an potiùs involuntariè projecit. Respondetur, Has & similes actiones esse partim voluntarias partim involuntarias. Si enim actiones illæ per se & nudè spectentur, sunt involuntariæ; si autem spectentur cum omnibus suis circumstantiis & absolute prout fiunt, revera sunt voluntariæ: sicque absolute & simpliciter sunt voluntariæ, quia dum actu fiunt, liberè imperantur à voluntate; secundùm quid verò & ex hypothese sunt involuntariæ, quia nisi impendentis periculi metus urgeret non fierent. Ea verò quæ in agente reperitur repugnantia, non potest reddere actionem quæ liberè fit, absolute & simpliciter involuntariam.

Posterior difficultas, de Cupiditate. Nota.

Quod spectat ad cupiditatem; tantùm abest ut actionem hominis cupiditate inflammati reddat involuntariam, ut eam potiùs reddat magis voluntariam; facit enim ut voluntas quam incitat, majori in ipsam actionem propensione feratur. Quod tamen intelligendum est de ea cupiditate quæ subest voluntatis imperio, quæque judicium rationis non omnino perturbat. Eth enim ea quæ ex nimia passione judicium rationis perturbante proveniunt, dici possunt voluntaria si appetitum spectes sensitivum; non tamen censeri debent ipsi homini absolute voluntaria, quia non ex libera voluntate fiunt. Cum autem passio

passio non est adeò vehemens, tunc actio dici poterit secundùm quid minùs libera, sed absolutè & simpliciter magis voluntaria.

Quæstio V.

De Bonitate & Malitia humanarum actionum in genere.

Quia nullâ re magis quàm bonitate & malitiâ actiones humanæ quatenus humanæ seu morales inter se differunt ac dignoscuntur, idcirco de earum bonitate & malitia nonnihil generatim dicendum est.

Primò quæritur, Quid sint. Respondetur, Bonitas actionis humanæ quædam est ipsius conformitas cum recta ratione: Malitia verò quædam est ejusdem difformitas & alienatio à recta ratione. Rectam appello rationem, bonam mentem ab omni opinionum fumo liberam, Dei naturæque leges pernoscentem, ac de quaque re agenda ex præscripta lege sapienter ac prudenter judicantem. Per has autem differentias valde inter se distinguuntur actiones humanæ in genere Morum, licet Physicè & in genere Entis nullo modo differant: v. g. Hominem interficere sive privatâ sive publicâ autoritate, si Physicè spectetur, est eadem specie actio; at verò si Moraliter spectetur, est toto genere diversa: Nam hominem interficere privatâ autoritate, est malum & prohibitum; at verò eum interficere publicâ autoritate, bonum & licitum.

I. Difficultas: Quid sint Bonitas & Malitia morales.

Secundò quæritur, Undenam petatur bonitas & malitia, seu conformitas & difformitas actionum. Respondetur primùm, quòd actiones hominis possint esse bonæ vel malæ seu vitiosæ, ac proinde laudis vel vituperii, meriti vel demeriti capaces, oriri ex libero agendi principio unde profluunt: quòd verò actu sint bonæ vel malæ, & specialiter hoc vel illo modo bonæ vel malæ, pendet ab objecto, circumstantiis, & fine; & præsertim ab objecto circa quod versantur: Si illud enim sit rationi consentaneum, actio quoque erit bo-

II. Quenam earum originem.

Object.

Resp.

Nota.

*Non solum
intentione sed
etiam ex-
terna atti-
ones sunt
moraliter
bonæ vel
malæ.*

nam; si verò à ratione sit dissentaneum, erit mala: Cùm enim actiones humanæ specificationem sumant ab objecto, ab eodem quoque specialem bonitatis vel pravitatis rationem accipiunt. Dices, Objectum actionis humanæ seu appetitionis liberæ esse finem, proindeq; semper bonum, ideoque pravitatem actionis ab ipso non posse definiri. Responderetur, Objectum esse quidem semper finem actûs humani, proindeq; sub ea ratione esse semper bonum: verùm quia aliquando potest esse bonum apparens duntaxat, hinc fieri potest ut sit absolutè malum, ac proinde illius appetitio sit mala. Adde, quòd licet sit verè bonum sensui, rationi tamen potest esse malum: Quod enim bonum iucundum est, aut etiam utile, non semper est honestum seu rationi consentaneum; ideoque illius appetitio potest esse moraliter mala seu vitiosa. Notandum autem, non tantùm internas seu elicitas voluntatis actiones, sed etiam externas seu imperatas verè & formaliter dici bonas vel malas in genere morum; cum discrimine tamen: quòd actiones elicite denominentur tales intrinsecà denominatione; imperatæ verò non nisi extrinsecà, ab ea bonitate & malitia quæ formaliter est in ipsa voluntate: Quemadmodum agens transeunter formaliter denominatur agens non secùs ac agens immanenter, extrinsecà tamen denominatione ab ea actione quæ recipitur in patiens.

III.

*An omnis
actio hu-
mana sit
bona vel
mala. Quo
sensu ad-
mittantur
quædam
indifferen-
tes.*

Tertiò quæritur, An omnes actiones humanæ seu liberæ sint necessariò aut bonæ aut malæ, ità ut nulla detur indifferentia ad utrumque. Respondeo, Actiones humanas dupliciter considerari posse: nempe, vel secundùm speciem, & velut in actu signato, ut loquuntur; vel secundùm individuum, & velut in actu exercito. Et quidem si priori modo spectentur, possunt admitti quidam actus humani secundùm se & ex natura sua indifferentes. Ratio D. Thomæ est 1. 2. qu. 18. art. 8. Quia actus humanus seu moralis habet speciem ab objecto relato ad principium actuum humanorum, quod est ratio. Unde si objectum actûs includat aliquid quod

quod conveniat ordini rationis, erit actus bonus secundum suam speciem; sicut dare eleemosynam indigenti: si autem includat aliquid quod repugnat ordini rationis, erit malus secundum speciem; sicut, furari, seu tollere alienum. Contingit autem quod objectum actus non includit ex se aliquid pertinens ad ordinem rationis; ut, levare fessucam de terra, deambulare vel sedere certo tempore: Et tales actus secundum suam speciem, seu in genere & ex natura sua, dicuntur indifferentes. Si verò posteriori modo spectentur actiones humanæ, nullæ sunt indifferentes. Nam omnis actio quatenus actu exercetur, aut fit propter finem convenientem rectæ rationi, & sic est bona; aut propter finem non convenientem, & sic est mala, licet ille finis non sit ex se contrarius rectæ rationi: Tenetur enim unusquisque intendere finem congruum suæ naturæ: unde *verba otiosa*, licet non proferantur propter malum finem, quia tamen carent debito fine, *judicio* reservantur. Notandum autem illud est, quoad actus internos seu elicitos eandem esse bonitatem & malitiam quæ petitur ex objecto cum ea quæ petitur ex fine; quia eorum actuum idem est objectum & finis: at verò quoad actus externos alia est bonitas quæ petitur ex objecto ab ea quæ petitur ex fine; quia illorum objectum ab eorundem fine distinguitur: Quo fit ut ejusmodi actus nonnunquam secundum objectum sint boni, & secundum finem mali, & è contrâ; & ideò secundum quid boni, absolute verò mali: sicuti, dare eleemosynam ob vanam gloriam; &, furari ad dandam eleemosynam.

*Quo sensu
nullæ in-
differentes
admittendæ*

Math. 12.

36.

Notandum.

Quæstio VI.

De Circumstantiis humanarum actionum.

Circumstantiæ humanarum actionum dicuntur unde dicta circumstantia, quod circumstant actiones humanas, præsertim exteriores seu imperatas, quasi extrinsecus se habentes ad earum substantiam sive essentiam.

Sunt autem hæ septem præcipuæ, ad quas cæteræ

Circum-
stantia se-
ptem præci-
pue.

teræ omnes revocantur, hoc versiculo comprehensæ;
Quis; Quid; Ubi; Quibus auxiliis; Cur; Quomodo;
Quando.

Quis, significat accidentia personæ agentis: ut, Utrum qui interfecit, sit civis an peregrinus; laicus an clericus. *Quid*, significat qualitatem objecti circa quod actus verisatur: ut, An res furto ablata sit sacra vel profana. *Ubi*, significat accidentia loci: ut, An in loco sacro vel profano scelus patratum sit. *Quibus auxiliis*, i. e. quibus instrumentis aut mediis quis usus fuerit: ut, Percusseritne gladio an fuste? *Cur*, i. e. ob quem finem: ut, An privati publicæ commodi causâ aliquis se periculo mortis objecerit. *Quomodo*, significat actionis modum: ut, Dolone an bona fide aliquid quis fecerit. *Quando*, significat accidentia temporis; id est, Quo tempore, utrum die festo an profesto rem Divinam quis omiserit.

Difficultas
circa quam
Notandum

1.

De illis autem queritur, Quanti sint momenti ad bonitatem & malitiam humanarum actionum. Circa quod primò notandum est, Circumstantiarum quasdam insigniter augere bonitatem vel malitiam actionum moralium, quasdam verò non: Ex. gr. Cum alter furto surripit centum aureos, alter quadrantem, quantitas pecuniæ in priori furto reddit illud notabiliter grave, in posteriori minimè. Sicque fieri potest, ut peccatum quod est naturâ suâ mortale, propter circumstantiam fiat veniale; & è contrâ veniale fiat mortale, etsi non mutetur species actûs quoad objectum; ut patet in supradictò exemplo furti.

2.

Secundò notandum est, Circumstantiarum quasdam invelere majorem deformitatem vel bonitatem ejusdem speciei, quasdam specie differentem: Nam circumstantia instrumenti quo quis hominem interimit, nempe gladii aut fustis, non addit homicidio malitiam diversam speciei: at cum quis hominem interemit ut eum spoliaret, illa circumstantia finis addit homicidio deformitatem novæ speciei; quandoquidem furtum specie differt ab homicidio. Tertiò notandum,

3.

Quas-

Quasdam circumstantias non tam addere novam rationem malitiæ & bonitatis quàm ipsam immutare; v. gr. Quòd res furto ablata sit sacra, facit quòd ejusmodi ablatio non sit simplex furtum, sed sacrilegium à simplici furto specie distinctum. Quartò notandum est, Eam circumstantiam addere actui malitiam vel bonitatem specie differentem, aut illam immutare, quæ importat specialem ordinem conformitatis vel difformitatis ad rectam rationem & legem Dei; ut patet in supradictis exemplis, & docet D. Thomas 1. 2. qu. 18. art. 10. & 11. Sed hæc de actionibus humanis in genere satis.

Posterior Disputatio hujus Tractatûs.

De Actionibus humanis speciatim.

Quæst. I.

Quenam sint præcipuæ species actionum humanarum.

Celebris est humanarum actionum particio in Elicitas & Imperatas. Elicita voluntatis actio dicitur, Cujus voluntas est immediatum principium; vel, Quam voluntas ex seipsa & in seipsa elicit: Imperata verò, Quæ ab alia facultate quàm à voluntate, non tamen sine voluntatis imperio, elicitur. Elicita voluntatis actio duplex in genere admitti potest: altera circa bonum ut sic, quæ generali nomine Volitio dici potest; altera circa malum ut sic, quæ potest dici Nolitio. Rursus, elicitæ voluntatis actio circa bonum, aut est circa finem aliquorum mediorum, aut circa media ipsa; Actio elicitæ circa finem, est triplex; nempe Volitio, Fruitio, Intentio: circa media quoque triplex; nempe Electio, Consensus, Usus. Imperata verò alia interna est, nempe actiones intellectivæ & sensitivarum facultatum sive cognoscitivarum, ut Phantasie, Estimativæ; sive appetitivarum,

Actio humana duplex: Elicita. Imperata, Elicita quoniamplex.

Quotuplex Imperata.

Nota.

Alia divi-
sio actio-
num huma-
norum.

ut utriusque appetitûs sensitivi : alia verò externa, nempe operationes membrorum externorum. De iis autem, tum elicitis cum imperatis, actionibus deinceps ordine dicemus, si prius notaveris, Utrasque in hoc convenire, quòd sint in potestate voluntatis, saltem quoad exercitium actûs; ideòque solæ sunt liberæ, humanæ, seu morales : In hoc tamen discrepare, quòd elicita ab ipsa voluntate eliciantur; imperata verò ab alia facultate, idque juxta imperium voluntatis : Deinde, elicita sunt semper appetitiva; imperata verò possunt esse cognoscitiva : Illæ sunt semper internæ & occultæ; hæ verò nonnunquam externæ esse possunt & sensibus obviæ. Mitto hîc aliam celebrem divisionem actionum humanarum in Honestas & Vitiosas, tum honestarum & vitiosarum in suas species, quia satis bene intelligi poterit ex iis quæ dicemus in postremo tractatu de virtutibus & vitiis.

Quæstio II.

De humanis actibus elicitis circa Finem, ac præsertim de Volitione & Intentione.

Tres actus
elicti vo-
luntatis cir-
ca finem.
Voluntas.

Fruitio.

Intentio.

Quid signi-
ficet hîc
vox volun-
tas.

TRes esse actus elicitos circa finem, superiori quæstione subindicavimus; nempe Voluntatem seu Volitionem, Fruitionem, & Intentionem: probaturque ex triplici modo quo voluntas fertur in finem juxta triplicem ejusdem finis considerationem: Vel enim fertur in finem absolutè spectatum quatenus est quid bonum in se; diciturque Voluntas seu Volitio, Aristoteli βύλησις vel fertur in finem quatenus est quid bonum, illudque ultimum in quo conquiescit ejus desiderium, licet illud bonum actu non possideat; diciturque Fruitio: vel denique fertur in finem quatenus certis quibusdam mediis est acquirendus; diciturque Intentio.

Ut autem intelligas quomodo isti voluntatis actus inter se distinguantur, notandum est hîc, speciales esse acceptiones istorum vocabulorum, voluntatis nempe,

nempe *fruitionis & intentionis*. Nam licet *voluntas* communiter accipitur pro facultate ipsa volendi, at tamen hic accipitur pro Volitione, non quidem generaliter sumptâ, quatenus opponitur Nolitioni, sed specialiori quodam modo, quatenus est actio voluntatis circa finem absolûtè spectatum. *Fructio* quoque communiter accipitur pro reali possessione rei olim desideratæ: at verò hic accipitur pro quietudine quadam voluntatis in fine volito, tanquam in aliquo ultimo, siue finem illum actu possideat siue non, Denique, *intentio* hic non significat quamlibet tendentiam voluntatis in finem, sed in finem quatenus ad ipsum per aliqua media perveniri potest. Hoc posito dicimus, Licet isti actus formaliter & etiam realiter distinguantur inter se, nihilominus tamen vix unus sine aliis reperitur: Et licet aliquando volitio sine fruitione, & fructio sine intentione reperiantur; non tamen intentio, neq; fructio, sine aliqua volitione finis apprehensi. Quare Aristoteles intentionem à volitione finis non videtur distinxisse, eò quòd volitionem sequitur intentio eamq; complectitur. Est autem major connexio volitionis & intentionis inter se, quàm cum fruitione; eò quòd fructio est tantùm finis ultimi, sicut volitio & intentio versantur etiam circa fines intermedios. Dicitur autem volitio esse tantùm boni, & quidem finis non mediorum, quia licet media possint esse volita, quoniam tamen ipsa quatenus media non propter se sed propter aliud sunt volita, non tam ipsa quàm finis ipsorum censetur volitus; & ideo voluntas seu volitio dicitur esse finis non mediorum, sicut & ipsa intentio. Sicut enim electio mediorum, sic intentio citra controversiam dicitur esse ipsius finis, qui licet postremò habeatur, primò tamen intenditur, cum propter ipsum cætera eligantur. Ex quo intelligis, intentionem esse priorem & nobiliorem electione, quemadmodum finis ut finis prior & præstantior est mediis quæ propter ipsum expetuntur. Quæres forsan, Utrum intentio bellis

Quid fructio.

Quid intentio.

Cur voluntas seu volitio dicatur esse finis tantum, & non mediorum.

De.

etiam

Solz.

etiam conveniat. Respondetur, Non convenire nisi solis agentibus per rationem; eo quod finem intendere, est eo modo finem expetere ut propter ipsum & ad ipsum certâ ratione media ordinentur ab eo qui intendit: quod soli creaturæ rationali convenit. Nam licet bellæ finem imperfectè apprehendant, non tamen percipiunt ipsam rationem formalem finis, nec ordinem mediorum ad finem; quæ tamen desiderantur ad hoc ut finis intendatur ab agente.

Quæstio III.

De humanis actibus circa Media: præsertimque de Electione.

*Tres actus
voluntatis
elicti circa
media:
Electio,*

Consensus,

Ufus.

*Ufus soli
rationali
creaturæ
proprius.*

*De Electi-
one.*

Sicut circa finem ita quoque circa media tres actus voluntatis elicti numerantur, nempe Electio, Consensus, Ufus; colligunturque ex triplici modo quo se habet voluntas circa media. Primum enim si plura occurrant, unum præfert alteri; diciturque Electio. Secundò, in eo medio quod alteri prætulit, se complacet; estque Consensus. Tertiò, medium illud quod sibi aptum judicat, ad finem assequendum applicat; diciturque Ufus.

Cum verò satis constet quid sit usus mediorum, nempe applicatio eorum ad finem: quod est voluntatis, tanquam primi moventis: rationis, tanquam dirigentis; & aliarum potentiarum, tanquam exsequentium: (quo fit ut in sola rationali creatura reperiat, quæ sola potest referre seu ordinare unum ad aliud) item, qui differat usus ab electione & consensu; nempe quod utrumque consequatur, & quod immediatè sequatur imperium voluntatis applicantis potentias sibi subditas ad operandum consequendi finis gratiâ: Restat ut explicemus quid sint electio & consensus, & quomodo inter se differant.

Quod igitur spectat ad Electionem, quam Aristoteles *προαιρεσις* appellat, describitur ab eodem 3. Ethic. cap. 2. *Voluntarium quid præconsultatum*, i. e. actio

actio voluntatis quam præcedit consilium seu deliberatio: & cap. seq. *Appetitus deliberata* (seu de *deliberatione nata*) *eorum quæ sunt in nostra potestate*. Breviter & clarè definiri posset, Deliberata acceptatio unius medii præ altero. Ex quibus intelligere est, Electionem esse actum voluntatis elicitum, dependentem tamen à præcedente rationis deliberatione, & quidem circa medium, illudque non absolute spectatum, sed quatenus alteri est anteponendum: deinde, Electionem soli rationali creaturæ convenire, non brutis animantibus; cùm in his consilium seu deliberatio, quæ electionem necessariò debet antecedere, locum non habeat: denique, Electionem nunquam esse finis: quia illud cadit sub electionem quod se habet ut conclusio in syllogismo operabilium; finis autem ut sic in operabilibus se habet ut principium, non ut conclusio; ut scribit Philosophus 2 Phys. t. 89. Et licet id quod est finis respectu aliquorum, possit nunquam cadere sub electionem; non tamen sub ratione finis sed sub ratione medii, quatenus illud idem potest esse medium respectu ulterioris alicujus finis, quemadmodum id quod est principium alicujus scientiæ potest esse conclusio superioris. Est autem libera hæc voluntatis actio, quia licet ut plurimum sequatur antecedentis deliberationis judicium ad unum aliquod eligibile determinatum. non tamen illud necessariò sequitur. Adde, quod judicium illud non est necessariò determinatum ad unum, utpote quod non necessariò sequatur ex suis principiis; sicque ita unum eligibile acceptat voluntas, ut ei sit integrum illud non acceptare, aut etiam aliud acceptare.

Quod verò spectat ad Consensum; est actus voluntatis naturâ posterior ipsâ electione, nempe applicatio motus appetitivi ad id quod ex consilio judicatum est ac electum. Sicq; in eligibilibus consensus præsupponit semper consilium & electionem: Dico in eligibilibus, i. e. cùm plura sese offerunt media quorum unum alteri præferendum est: nam cùm u-

num

*Electio soli
rationali
creaturæ
convenit.*

*Finis ut fi-
nis non ca-
dit sub ele-
ctionem.*

*Electio est
libera actio.*

*De Con-
sensu.
Consensus
semper
præsuppo-
nit consiliū
& electio-
nem in eli-
gibilibus.*

num tantum occurrit medium ad finem consequendum, tunc non est locus deliberationi aut electioni, sed tantum requiritur consensus voluntatis, quo voluntas sese applicet ad illud medium ut eo deinde utatur: adeo ut non possit esse liber usus mediorum absque previo consensu voluntatis circa illa media, licet possit nonnunquam esse absque previa electione. Ex quibus facile intelligitur qui differat consensus ab electione. Et quoniam electio nonnisi ex antecedenti consilio seu deliberatione fit, ideo de consilio seu deliberatione proxime sequenti quaestione nonnihil dicendum est.

Quaestio I V.

De Consilio seu Deliberatione electionem praecedente.

*I. Difficultas.
Quid sit
Consilium
seu Deliberatio.*

*Inquisitio
antecedit
iudicium;
ex utroque
vero constat
consilium.*

*Obiect.
Solut.*

PRIIMUM quaeritur, Quid sit consilium seu deliberatio, quam Aristoteles *βουλευσις* vocat. Definiri potest, Inquisitio rerum à nobis factibilium in ordine ad finem. Necessariam autem esse ejusmodi inquisitionem in rebus agendis, ex eo patet, quod electio consequitur iudicium rationis de rebus agendis; in rebus autem agendis magna incertitudo invenitur, quia actiones sunt circa singularia contingentia, quae propter sui inconstantiam sunt incerta admodum; in rebus autem dubiis & incertis ratio non profert iudicium absque inquisitione seu deliberatione sive consultatione praecedente: & ideo necessaria est ejusmodi inquisitio rationis ante iudicium de eligendis. Et quoniam inquisitio habet rationem antecedentis, iudicium vero rationem consequentis, ex quibus constat integra ratiocinatio practica, idcirco ad eundem rationis actum utrumque referri solet, & saepe nomine *consilii* & *consultationis* tum inquisitio antecedens cum iudicium consequens intelligitur, ex quo proxime sequitur electio. Verum obijcies, Deo tribui consilium, cum tamen in eo nulla ejusmodi inquisitio possit reperiri: Ephes. 1. 11. *Qui operatur omnia secundum consilium voluntatis suae.* Respondeo, Consilium

lium Deo tribui ratione certitudinis sententiæ seu
judicii, non verò ratione inquisitionis præcedentis,
quæ includit aliquam imperfectionem: ità ut *consili-*
um loco citato nihil aliud sit quàm sempiternum il-
ludque immobile decretum Divinæ voluntatis. Ob- *Object.*
jicies præterea, Consilium non præquiri ad actum
voluntatis, sed potiùs subsequi, cùm ipsum sit libe-
rum & voluntarium. Respondetur, Nihil absurdi *Solut.*
esse, eundem actum rationis respectu diversorum
actuum voluntatis antecedere simul & subsequi: Nam
consilium sequitur actum voluntatis in quantum in-
tellectus libero voluntatis motu incitatus deliberat;
at verò actum ejusdem voluntatis antecedit in quan-
tum nihil eligitur nisi præconsultatum & delibera-
tum.

Secundò quæritur, An deliberatio sit tantùm me- *II.*
diorum propter finem, an verò etiam ipsius finis.
Respondetur, Esse tantùm mediorum, non finis.
Neque enim medicus an sanaturus sit consultat; aut *Deliberatio*
orator, an sit persuasurus; aut legislator, an bonis le- *est tantùm*
gibus civitatem temperet; neque alii artifices de fine *mediorum*
deliberant: sed omnes proposito sibi certo aliquo fine, *non finis.*
quemadmodum eum possint assequi cogitant: Cujus
rei causam reddit S. Thomas 1. 2. qu. 14. art. 2. eò
quòd quemadmodum in rebus addiscendis principia *Ratio D.*
non cadunt sub quæstionem, ità in rebus agendis *Thomæ:*
principia non cadunt sub deliberationem: principia
autem rerum agendarum sunt fines.

Tertiò quæritur, An eorum omnium quæ sunt *III.*
propter aliquem finem detur consilium seu delibera- *Quantum à*
tio. Respondetur ex Aristotelis loco citato, Delibe- *deliberatio-*
rationem esse tantùm eorum quæ à nobis aguntur, *ne exclu-*
quæque aliter atque aliter fieri possunt in ordine ad *duntur.*
finem consequendum: Itaque à deliberatione exclu-
duntur 1. impossibilia, quæ fieri nequeunt; 2. ea quæ
non sunt in nostra potestate ut fiant vel non fiant;
cujusmodi sunt ii omnes eventus qui vel à natura vel
à necessitate vel à casu pendent: 3. ea quæ quamvis
humana-

humana sint, ad nos tamen minimè pertinent; 4. ea quæ certo eodémq; semper modo à nobis fiunt; 5. ea quæ non interest utrum hoc vel illo modo fiant. Et quidem hæc omnia quæ à deliberatione excluduntur, similiter excluduntur ab electione.

IV.

*Deliberatio
procedit or-
dine analy-
tico :*

*Executio
è contrà,
ordine syn-
thetico.*

Quartò quæritur, Quo ordine procedat consilium seu deliberatio circa ea quæ sunt ad finem. Respondetur, Procedere ordine analytico seu resolutorie; nempe incipiendo ab his quæ sunt vicinora fini, & progrediendo ad ea quæ sunt ab ipso remotiora: Primum enim deliberatur quibus mediis finis proximè haberi possit; tum, quâ ratione seu Quibus mediis ad illa perveniri possit; & sic quâ viâ & ratione ad ista, donec ad illa deveniatur. At verò executio opposito ordine, nempe synthetico seu compositivo, progreditur, incipiendo à mediis remotioribus à fine, & per ipsa progrediendo ad alia media fini viciniora.

Quæstio V.

De actionibus humanis Imperatis.

Nonnullæ sunt circa actus imperatos difficultates sigillatim explicandæ.

I. Difficultates.

*Undenam
dicuntur
actus im-
perati.
Imperium
cujusnam
sit facultatis.
Primum
movens in
genere mo-
rum quid.*

Primùm quæritur, Quidnam sit illud imperium à quo actus humani dicuntur *imperati*. Respondetur, Actus ejusmodi formaliter denominari *imperatos* ab imperio à quo pendent. Imperium autem illud censetur esse actus tum voluntatis cum rationis, quia utrumque includit. Ad rationem enim ejus imperii duo requiruntur: alterum, quòd ratio ordinet; alterum quòd voluntas applicet ad agendum. Et quoniam ratio non ordinat movendo aliquid ad agendum nisi in virtute primi moventis in genere morum, nempe voluntatis; hinc scribit S. Thomas 1. 2. qu. 17. art. 1. quòd *imperare sit actus rationis præsupposito actu voluntatis, in cuius virtute ratio movet per imperium inferiores potentias ad exercitium actus*. Et ibidem ad 3. docet, *illud imperium non esse actum rationis absolute, sed cum quadam motione, quæ est*

est à voluntate. Ex illo autem imperio sequitur usus *Ex imperio sequitur usus.* ejus quod subest potentia exsecutivæ: sicque imperium illud ab usu distinguitur, tanquam ab eo quod naturâ posterius est. Imperium enim non est simul cum actu ejus cui imperatur; at verò usus ejus quod subest potentia exsecutivæ, est actus imperatus. Verum obijcies, Usus esse unum ex actibus elicitis circa media. Respondetur, Licet actus qui vulgò dicuntur imperati, suntq; alterius facultatis à voluntate, non possint esse eliciti; eliciti tamen à voluntate possunt nonnunquam esse imperati, quatenus unum & idem non tantum alteri, sed etiam sibiipsi potest imperare.

Objectum. Solus.

Secundò quæritur, Utrum Imperium & Actus imperatus sint idem actus. Respondetur primò juxta D. Thomam, Et si actus illi sint diversarum potentiarum, quia tamen actus potentia inferioris fit in virtute superioris seu imperantis, idcirco censetur esse unus & idem actus. Quòd si per *imperium voluntatis* intelligas ipsam motionem quâ voluntas formaliter movet alias potentias (sicut vulgò accipitur; & etiam valde probabile est, actiones imperatas, quatenus ab elicitis distinguuntur, ab ipso denominari) tunc imperium erit ipsemet actus imperatus, quatenus à voluntate tanquam ab universali movente penderet, ut aliàs monuimus, in 2. parte harum Institutionum Moralium, Tract. 1. disp. 1. qu. 2. concl. 1.

Imperium & actus imperatus idem sunt.

Tertiò quæritur, Quinam actus in homine subdantur imperio rationis. Respondetur primò, Actus ipsius voluntatis illi imperio subesse. Notum enim est quòd ratio possit ordinare de actibus ipsius voluntatis; nec absurdum est, actus voluntatis elicitos eo modo esse imperatos, à ratione scilicet ordinante. Secundò, actus rationis eidem rationis imperio subsunt. Sicut enim voluntas movet seipsam, sic ratio imperat sibiipsi in quantum utraque potentia reflectitur supra suum actum. Tertiò, actus appetitus *sensitivi in tantum subest imperio rationis, in quan-*

III.

Resp. 1.

2.

3.

- tum est in potestate nostra : Quare actus appetitûs sensitivi qui non sunt in nostra potestate, non subsumunt imperio rationis, ut ii qui rationis iudicium anteverunt. Quartò, actus animæ vegetantis non subsumunt prædicto imperio rationis : quia procedunt ex solo naturali appetitu, qui non sequitur vim apprehensivam; at verò ratio non imperat nisi per modum apprehensivæ virtutis. Quintò, actus seu motus externorum membrorum qui consequuntur potentias seu vires sensitivas, subduntur imperio rationis; non item ii qui consequuntur vires naturales: Quia nempe vires sensitivæ subjacent imperio rationis, non item vires quæ dicuntur merè naturales. Cæterum quo modo voluntas moveat inferiores potentias, & quodnam dominium seu imperium in illas exerceat, suprà dictum est in secunda parte, ubi de principiis internis congenitis humanarum actionum, qu. 2. Et hæc satis de ipsis actionibus humanis.
-

Secundus Tractatus hujus partis ;

De Passionibus animæ.

*Cur hic de
Passionibus
trahatur.*

Quia magnum est momentum passionum tum ad virtutes cum ad vitia, in quarum rerum contemplatione potissima pars Moralis philosophiæ posita est; cumque virtutes in iis passionibus moderandis & cohibendis versentur: doctrinæ ratio postulat ut ante Virtutum & Vitiorum tractationem de Passionibus disseramus. Et quoniam passionum duplex est consideratio; altera in genere, altera in specie: duplex quoque instituetur hujus tractatûs disputatio; altera de iisdem generatim, altera de iisdem speciatim.

Prior Disputatio hujus Tractatûs :

De Passionibus animæ generatim.

Quæstio I.

Quid & quotuplex sit, & in quam corporis parte
resideat Appetitus sensitivus.

Quoniam omnium passionum fons & scaturigo *Passionum
scaturigo
quam
sit.*
est appetitus sensitivus, idcirco de illo nonnul-
la, ac præcipuè tria quæ in hac quæstione proponun-
tur, hoc loco explicanda sunt. Ubi nota, quòd licet
appetitus sensitivus tam in belluis quàm in homini-
bus reperiatur, nos tamen hîc agere de appetitu sen-
sitivo prout est in homine.

Primum quæritur, Quid sit appetitus sensitivus in *I. Diffi-
cultas.*
homine. Respondeo, esse facultatem quâ homo ex *Quid sit
appetitus
sensitiveus.*
præcedente notitia sensûs naturaliter inclinatur ad
bonum sensibile ut tale cognitum. Quam definitio-
nem ut capias, simulque intelligas ad quam animæ
partem appetitus iste pertineat, repetenda est ex Ari-
stotele 1. Ethic. cap. ult. celebris partium animæ
divisio à Platone accepta 4. de Republ. Est igitur in *Anime in
homine
portio du-
plex:*
genere animæ in homine portio duplex: Altera su-
perior, rationis capax; quæ propterea dicitur Ratio-
nalis seu Intellectiva: Altera inferior, rationis ex-
pers; eaque duplex: altera Animalis seu Sensitiva,
quæ rationi potest obtemperare; unde dici potest *ali-
quo modo rationis particeps*, sequiturque gradum animæ
sentientis: altera Naturalis seu Vegetativa, quæ ra-
tionis imperio nequaquam subest; sicque omnino est
rationis expers, sequiturque gradum animæ vegetan-
tis. Est autem in superiori animæ portione facultas
duplex: altera Apprehensiva seu Cognoscitiva, dici-
tûrque *intellectus*; altera Appetitiva, diciturque *appeti-
tus rationalis seu voluntas*. Similitérque in ea inferiori
parte animæ quæ dicitur animalis seu sensitiva, Alia
est facultas Apprehensiva, diciturque *sensus*; isque mul-
tiplex;

Imaginatio. triplex: sunt enim alii sensus exteriores, alii interiores; inter quos is qui intellectum seu rationem magis imitatur dicitur *imaginatio*, aliis *facultas cogitativa*, residetq; in cerebro: Alia verò est *facultas Appetitiva*, diciturq; vulgò *appetitus absolutus*; vel, cum adjunctione; *appetitus sensitivus seu animalis*: Qui quidem appetitus eodem modo se habet ad phantasiam seu imaginationem quo rationalis appetitus seu voluntas ad intellectum seu rationem: ut enim voluntas fertur in bonum ab intellectu cognitum, sic appetitus animalis fertur in bonum ab imaginatione perceptum.

*Appetitus
sensus
quo modo
se habeat
ad imagi-
nationem.*

*Appetitus
triplex*

*11.
Quotuplex
sit appeti-
tus sensiti-
vus.
Concupisci-
bilis.
Irafcibilis.*

*Irafcientia
concupi-
scientiæ
propugna-
trix.*

*Necessari-
um in ani-
malibus ut
etiamq; ap-
petitum,
probatur.*

Tandem in illa infima animæ portione quæ rationi nescit obtemperare, ponitur duntaxat appetitus naturalis: Unde existit ab anima triplex appetitus in homine, nempe, Rationalis, Sensitivus, & Naturalis. Secundo quæritur, Quotuplex sit appetitus sensitivus. Respondetur, Duplicem esse; nempe concupiscibilem & irascibilem: Quorum ille semper cum corpore versatur, totusq; in illius conservationem incumbit: hic verò rationi vicinior, nonnunquam illi ipsi vim roburq; suppeditat; simul etiam concupiscibili opitulatur, quatenus removeret difficultates & impedimenta quæ obstant quò minùs bonum quod optat consequatur. Ex quo patet, irascentiam nonnunquam esse concupiscentiæ propugnatricem. Unde Plato 4. de Repub. utrumq; appetitum à ratione & inter se distinguens, scribit, Magistratui in civitate respondere in homine rationem; quæstuariis hominibus, cupiditatem; auxiliariis, i. e. militibus irascentiam. Necessarium autem fuisse in animali utrumq; appetitum, probatur; Quia sicut rebus aliis naturalibus indita quædam vis est non tantum ad prosequenda convenientia aut adversa fugienda, sed etiam ad resistendum contrariis (ut igni non tantum indita est levitas, ut infima deferens ad superna convolveret; sed præterea calor inditus, ut contrariis agentibus obfisteret:) pari ratione congruum erat, in sensitiva animæ parte vim duplicem reperiri; alteram quæ

quâ animalia ad ea quæ profunt incitarentur, & ab eis quæ videntur nocitura retraherentur; quæ vis est concupiscentiæ seu appetitus concupiscibilis: & alteram quâ niterentur submovere occurrentia rei consequendæ impedimenta; quæ vis est irascientiæ seu appetitus irascibilis. Ex quo intelligitur commune discrimen inter utrumque appetitum quoad objectum, quoddam ille dicatur tendere in bonum sensibile absolute, hic verò in bonum sensibile quatenus difficile & arduum; non quoddam difficultatem expetat, sed utilitatem potius, cujus causâ difficultatibus obluctatur, easque superat. Præterea, ex quo utriusque discrimen innotescit, quoddam nonnunquam irascibilis passiones repugnare videantur motibus concupiscibilis, quia concupiscentia inflammata plerumque iram frangit, & ira accensa concupiscentiam minuit.

Utriusque discrimen.

Tertiò queritur, in quam corporis parte resideat uterque appetitus sensitivus. Respondeo, Juxta eorum sententiam qui unum ab altero realiter differre existimant, videri valde probabile, cum phantasia sit in cerebro, irascentiam in corde, concupiscentiam verò in hepate collocandam esse: vel juxta Platonem, irascentiam in præcordiis, concupiscentiam verò in abdomine. Quia tamen probabilius esse judico, unum ab altero realiter non distingui sed tantum formaliter, ita ut unus & idem ipsa appetitus sensitivus sub una consideratione & respectu quarundam passionum dicatur concupiscibilis, sub alia consideratione & respectu aliarum passionum irascibilis nomenetur: hinc eandem utrique sedem in corde collocandam esse arbitror. Experimur enim omnes affectus sive iræ sive cupiditatis aliquam in corde perturbationem excitare, in eoque mox sentiri. Adde etiam, cor ipsum esse vitæ principium, omniumque vitalium operationum fontem; ideoque valde congruum esse, ut in eo tanquam in arce appetitus ad servandam vitam & pericula propulsanda à natura dati resideant.

III. Quænam utriusque appetitus sedes.
1. *Scripturæ;*
2. *Platonis;*

3. *Probabilissima.*
Confirmatur.

Quæstio II.

*Quid sint Passiones; & unde nascentur.**Passionis
in genere
descriptio.**Descriptionis
explicatio:**Passiones
cur sic ap-
pellatae.**Corporis al-
teratio, per-
turbationis
comes.*

A Nimi passio definitur à Morali philosopho, Motus appetitûs sensitivi ex apprehensione boni vel mali cum aliqua mutatione non naturali corporis; vel, quod eodém recidit, Actio appetitûs sensitivi circa bonum vel malum opinatum, i. e. apprehensum vel iudicatum ut tale à phantasia vel æstimatoria. Dicitur *motus* vel *actio*; Quia cùm in animo tria sint; potentia seu facultas, habitus, & actio: passionés autem animi, neque sint potentia, cùm non sint perpetuæ; neque habitus, cùm antè quàm contrahatur ullus habitus sæpenumero excitentur: restat ut sint actiones sive actus vel motus ejus potentia seu facultatis à qua oriuntur, nempe appetitûs sensitivi. Appellantur autem *passiones*, tum quia appetitus dum operatur patitur ab objecto; cùm ab ipso trahi videatur; tum quia operationes illæ cum sensu quodam doloris aut voluptatis, quæ sunt corporis passionés, conjunctæ sunt; tum quia aliquam in corpore passionem excitant. Appellantur etiam interdum *perturbationes*; quia sæpenumero solent animum perturbare nisi ratione coerceantur. Additur in supradicta definitione, *circa bonum vel malum opinatum*; ut per objectum distinguatur ab actu voluntatis, qui est circa bonum vel malum ratione cognitum. Illud etiam à nonnullis adjicitur, *cum aliqua mutatione corporis non naturali*; neque enim solent excitari passionés absque aliqua excedente corporis immutatione; præsertim quoad jugem illum motum quo naturaliter cor modò dilatatur modò contrahitur: Nam si actus appetitûs sensitivi ad fugam retractationemque spectent, ut Timor & Tristitia, majorem quàm par sit cordis contractionem efficient: si verò pertineant ad prosecutionem delectationemque, ut Amor & lætitia; majorem quoq; quàm par sit cordis dilatationem gignent. Mitto alias inde consequentes corporis mutationes;

ut,

ut, quòd timore sanguis ad præcordia confugiat, irâ verò & furore ebulliat & ad externas partes uberius diffundatur : In quo differunt actus appetitûs sensitivi ab actibus appetitûs rationalis seu voluntatis: qui, quia ex se à corpore sunt magis secreti, ut plurimum quieto corpore peraguntur: licet nonnunquam interveniente appetitu sensitivo, ex actibus rationalis appetitûs aliqua corporis immutatio contingat.

*Discrimen
inter actus
appetitûs
sensitivi
& Ratio-
nalis.*

Quod verò spectat ad originem passionum; constat ex præcedente quæst. eas ab appetitu sensitivo proxime & per se oriri, cum sint motus seu actus istius facultatis. Verùm duo alia sunt paulò remotiora, præcipua tamen, passionum principia : alterum insitum in homine, nempe phantasia seu opinio sensus; alterum dislitum, nempe objectum quod cadit in sensum: Neque enim unquam appetitus ipse excitari posset, nisi prius imaginatio seu phantasia objecti specie impulsâ fuisset. Ex quo intelligis, tum objectum exterius cum sensum internum (nempe phantasiam) concurrere cum ipso appetitu ad excitandas animi perturbationes : Quibus excitatis contingit ipsum rationis iudicium adeò turbari, ut etiam in ipso rationali appetitu similes quodammodo motiones indeliberatæ nascantur, sicque homo torus in belluinam veluti naturam degenerans, omni in rem malè opinatam nisu feratur ; Sicque passionibus non sunt phantasiæ, opinioniones, aut præpostera rationis iudicia: sed ex sensuum opinionibus natæ, præpostera rationis iudicia pariunt. Si quæras, Quodnam sit præcipuum sensitivi appetitûs objectum, utrùm bonum sensibile expetendum, an verò malum sensibile fugiendum; responde-
tur, Esse bonum expetendum; quia malum fugimus obtinendi boni causâ. Hinc etiam Appetitus dictus ab *appetendo*: id autem quod appetitur, quatenus appetitur, bonum est, & inordinatus amor sui, qui omnium perturbationum prima & cæterarum veluti radix merito habetur, circa bonum est opinatum.

*Duo, præ-
ter Appe-
titum, Pas-
sionum
principia.*

Dub.

Resp.

Quæst.

Quæstio III.

*An omnis passio sit vitiosa, & nunquam cadat
in virum sapientem.*

*Stoicorum
sententia
explicatur.*

*Probabilior
Peripateti-
corum &
Platonico-
rum sen-
tentia.*

SToicis philosophis olim visum est, passiones animi morbos: ideoque in virum sapientem cadere nusquam. Quod si philosophi illi per *passiones* non quælibet motiones appetitus intellexerint, sed turbulentas duntaxat: quæ prodeunt extra limites rationis, animûmque ad vitia inflectunt, à vero nequaquam videntur aberrasse. Verùm quæcunque Stoicorum mens fuerit, vera est Peripateticorum, imò etiam Platoniorum, sententia; Passiones quatenus naturaliter fluunt à suo principio, nempe appetitu sensitivo, neque bonas esse moraliter neque malas, sed ad utrumque esse indifferentes: quatenus autem imperio rationis & voluntatis subjacent, eatenus esse bonas vel malas, secundum conditionem objecti circa quod versantur, vel finis ad quem ordinantur. Quod si motus illi nonnunquam excedere videntur, possunt à recta ratione adhibito modo salubriter temperari, tuncque bonæ sunt & meritorix. Itaque licet illi animi motus non possint radicitus extirpari, quod naturæ est; amputari tamen possunt & veluti circumcidi, quod virtutis est.

*Quod om-
nis passio
non sit vi-
tium pro-
batur 1,*

2,

3.

Quod igitur non omnis passio sit vitium seu peccatum, probatur; Primùm quia id quo bene vel malè uti possumus, non est ex se malum: sed passio est ejusmodi: Cupiunt enim, timent, lætantur, dolentque boni & mali; sed illi bene, isti malè, sicut hominis seu recta seu perversa voluntas est. Secundò; Nemo, tenetur ad culpam nisi propriâ voluntate deflexerit; non enim crimen habent quæ inferuntur reluctanti: at ratione sæpius reluctante excitantur in nobis passiones: non igitur semper sunt vitiosæ. Denique cum virtus circa passionem tanquam propriam materiam versetur, sanè is virtute careat necesse est qui passio-

passione caruerit: quare non sunt à sapiente viro penitus removendæ.

Porro, licet vehementior appetitionis motus qui liberum rationis arbitrium antevertit, malum quoddam dici possit, quia ordinatum naturæ statum excedit, ut Rom. 7. *Quod odî malum hoc facio*; non tamen continuò dici potest, propriè loquendo, vitium seu peccatum. Non enim passionibus censentur nostrâ sponte declinare à naturali motu rationis: proindeq; nec nobis ad peccatum imputari, nisi sint voluntariæ. Instabis, Concupiscentiam non semel ab Apostolo non modò *malum* sed etiam *peccatum*, *carnem peccati*, & *corpus peccati* seu *mortis* appellari: cujus rei causa non videtur alia quàm quia ab ipsa passionibus profluunt. Verùm respondetur, Concupiscentiam nec esse peccatum, nec naturales illius motus esse peccata: ita tamen eam appellari, quòd in ea quædam sit ex originali peccato contracta proclivitas ad peccatum, & quia ipsa per suos motus inclinât rationem & voluntatem ad malum.

Excedens passio si sit involuntaria, dici potest malum, non peccatum propriè.

Object.

Solut. Cur concupiscentia peccatum dicatur.

Quæstio IV.

An rectè assignetur passionum numerus.

Dux sunt insignes passionum divisiones communi usu receptæ: Altera generalis à Stoicis antiquitus tradita, in quatuor præcipuas, ac cæterarum veluti capita; quæ sunt, Gaudium, Tristitia, Spes, & Timor. Omnis enim passio est circa bonum vel malum opinatum, illudque vel præsens vel futurum: Gaudium quidem & spes sunt circa bonum: sed gaudium circa præsens, spes verò circa futurum: item tristitia & timor circa malum; sed tristitia circa præsens, timor verò circa futurum. Unde istorum quatuor affectuum causas ac dispositiones in quatuor præcipuis intestinorum partibus collocant; lætitiæ quidem in splene, tristitiæ in felle, cupiditatis in jecore, timoris in corde. Cæteræ verò passionibus quæ circa bonum

Stoicorum divisio passionum in quatuor partes.

vel

Peripateticorum in undecim.

undecimarius passionum numerus comprobatur.

Sex passionum appetitus concupiscibilis:

Quinque Irascibilis.

vel malum, præsens aut futurum, versantur, ad has completivè reducuntur; sunt enim hæ quatuor quasi fines & complementa cæterarum. Altera quæ est magis specialis divisio à Peripateticis tradita, fit in minutiores species, quæ sunt undecim: sex quidem ex appetitu concupiscibili oriundæ; nempe Amor, Desiderium, Gaudium, Odium, Fuga, Tristitia; quinque verò ex appetitu irascibili; Spes, Desperatio, Timor, Audacia, Ira. Colligitur autem ille passionum numerus in hunc modum; Passionum quædam respiciunt bonum aut malum simpliciter spectatum, pertinentque ad appetitum concupiscibilem; aliæ bonum aut malum arduum ut sic, spectantque ad irascibilem. Illæ sunt sex: tres quidem respectu boni, nempe Amor, Desiderium, Gaudium: totidem respectu mali; nempe Odium, Fuga, Tristitia. Oblatâ enim re bonâ, excitatur primum in concupiscibili amor illius: quod si ea res absens sit, consurgit desiderium; si præsens, delectatio seu gaudium. Similiter, oblatâ re malâ, oritur primum in concupiscibili odium amoris contrarium: quod si res quam odio prosequimur absit, oritur statim fuga; desiderio adversa; si adest, nascitur tristitia seu dolor delectationi oppositus. Passiones verò irascibilis appetitus sunt quinque: duæ respectu boni, nempe spes & desperatio; tres verò respectu mali, nempe timor, audacia, ira. Oblato enim bono arduo, si quis illud se consequi posse judicet, provenit statim in irascibili spes: si verò putet illud se non posse consequi, existit desperatio. Non est autem in irascibili motus circa bonum quod jam adest ac possidetur; quia bonum quod possidetur non habet rationem ardui. Similiter, malum arduum aut nondum adest aut jam adest: si nondum adest, oritur timor vel audacia; timor, si id formidemus ac refugiamus; audacia, si aggrediamur: quod si jam adest, consurgit ira, quâ animus exardescit ad præsens malum expellendum, & sumendum de illo vindictam.

Quod

Quod si ordinem omnium passionum secundum viam generationis scire velis, traditur iste a D. Tho. 1. 2. q. 25. art. 3. *Primò, inquit, occurrunt amor & odium; secundo, desiderium & fuga; tertio, spes & desperatio; quarto, timor & audacia; quinto ira; sexto & ultimo, gaudium & tristitia, quæ consequuntur ad omnes alias præcedentes passiones, 2. Ethic. cap. 5. ita tamen quod amor sit prior odio, & desiderium fugæ, & spes desperatione, & timor audaciæ, & gaudium tristitiæ.* Hoc autem ordine de illis sigillatim disseremus proximè sequenti disputatione; ut prius de illis quæ pertinent ad appetitum concupiscibilem, deinde de iis quæ spectant ad appetitum irascibilem, dicamus. Et quoniam contrariorum eadem est disciplina, binas oppositas singulis quæstionibus complectemur.

Quoniam se ordine consequantur. q. 25. art. 3

Posterior Disputatio hujus Tractatûs:

De Passionibus anime speciatim.

Quæstio I.

De Amore & Odio.

Quod spectat ad Amorem; quatuor de ipso sigillatim explicanda sunt: primum, ejus ratio seu natura: deinde, partes seu species; tum causæ seu origines; tandem, effectus ejusdem seu proprietates.

Primò igitur de amore quæritur, Quid sit. Verùm nè hic ambiguitate nominum laboretur, sciendum est, quod licet ista quatuor, amor, nempe, dilectio, charitas, & amicitia, idem quodammodo significant; differunt tamen: quod amicitia habitum significet; amor & dilectio, actum; charitas denique utroque modo accipiatur, Rursus, Amor, Dilectio,

I. Difficultas. Quid sit amor, dilectio, charitas, amicitia, quæ differant.

& Charitas quoad actum differunt; quòd amor sit aliquid communius dilectione & charitate: Nam omnis dilectio, itémque omnis charitas amor est; sed non è contrà omnis amor est dilectio vel charitas. Sicque Amor in genere definiri potest, Complacentia boni, Dilectio autem addit ad complacentiam, rationis delectum; sicque definiri potest, Amor quidam cum rationis delectu: Charitas denique addit ad rationem communem amoris perfectionem: quandam; est enim amor, non cujusslibet rei bonæ, sed ejus quam magni facimus. Et quoniam complacentia boni seu appetibilis tam in appetitu intellectivo quàm in sensitivo esse potest, hinc amor alius dicitur intellectivus seu rationalis, alius verò sensitivus seu animalis. Et quidem de illo accipiendum est quod docet D. Dionysius lib. De Divinis nominibus cap. 4. Amorem esse quid divinius dilectione. Ibi enim Amor idem est quod quidam raptus rationalis appetitus ex intuitu Divinæ pulchritudinis ortus: De isto verò, nempe sensitivo, præsertim accipienda sunt ea quæ in hac quæstione de amore dicemus. Et certè posterior iste propriè dicitur passio; non ille prior, qui potiùs dici debet voluntatis affectus. Cæterùm ex hac complacentia boni seu appetibilis qui dicitur Amor, sequitur motus ad ipsum appetibile, diciturq; desiderium; & tandem quies in eodem, diciturque gaudium: de quibus postea.

*Desiderium
& Gaudium
ex amore
consequuntur.*

1. I. Quotuplex sit Amor.

1. Divisio Dionysii.

2. Platonis

Secundò quæritur, Quotuplex sit amor. D. Dionysius quintuplicem facit; Divinum, Angelicum, Rationalem, Animalem, Naturalem: quorum primus in Deo, secundus in angelis, tertius in hominibus, quartus in belluis, quintus in cæteris rebus etiam inanimatis reperitur. Plato in Sympoſ. duplicem facit amorem in homine: alterum Verum, alterum Adulterinum: Ille dicitur nîsus quidam animæ ad Divinam pulchritudinem evolandî, ex aspectu corporalis pulchritudinis excitatus;

tatus; hic verò dicitur animæ quædam ab aspectu
in tactum corporalem præcipitatio. Denique, aliter
dividitur amor à D. Thoma. 1. 2. qu. 26. art. 4. in ^{3. Thomæ.}
amorem Amicitix, & amorem Concupiscentix. A-
mor enim in duo tendit: scilicet in bonum quod quis
vult alicui, sive sibi sive alteri; & in illud cui vult bo-
num: Ad illud igitur bonum quod quis vult alicui,
habetur amor concupiscentix; ad illud autem cui ali-
quis vult bonum, habetur amor amicitix. Ex quo
intelligis, illum amorem esse propter istum: Nam id
quod amatur amore amicitix, simpliciter & per se
amatur; quod verò amatur amore concupiscentix,
non nisi secundum quid & propter aliud. Ubi nota, ^{Amor a-}
hic amorem Amicitix appellari, non quòd ipse amor ^{micitiæ}
amicitiæ sit amicitia quæ est habitus; sed quòd vel sit ^{cur sic di-}
actus amicitix, vel ei persimilis, quo solemus ami- ^{ctus.}
cum prosequi: is enim censetur amicus cui aliquod
bonum volumus: Sic etiam amorem Concupiscentix
appellari, non quia à concupiscentia oritur, (potest
enim etiam ab appetitu rationali oriri) sed quia illud
maximè dicimur concupiscere quod volumus nobis:
hinc etiam fit ut dicamur etiam illud bonum concu-
piscere quod alteri volumus, licet minùs propriè.
Nam sicut ille magis propriè dicitur amor amicitix
quo alium amamus quàm quo nosipsum; sic è contrà,
ille censetur magis propriè amor concupiscentix quo
volumus aliquid bonum nostri causâ quàm quo alte-
rius. Unde cum aliquem amamus nostræ privatæ uti-
litatis aut delectationis gratiâ dicimur illum amare
amore concupiscentix. Ex quo intelligis, cum tri- ^{Amicitia}
plex sit amicitia, utilis, delectabilis, & honesta: duas ^{triplex.}
priorès species in amorem concupiscentix degenera- ^{8. Eschie.}
re, quia in illis sic bonum amico desideramus ut illud ^{cap. 3.}
ad nostram delectationem & utilitatem referamus. ^{Amor pro-}
Porro, amor quo nosipsum amamus & quo bonum ^{prius.}
nobis volumus, dicitur vulgò amor proprius, & ferè
sumitur in malam partem, quia ut plurimum est in-
ordinatus. Huc spectat alia amoris divisio, in amo-

rem

4. *Divisio
in amorem
Abundan-
tiae, & In-
digenitiae.*

rem abundantiae seu benevolentiae, quo bonum alteri volumus licet nullum inde speremus commodum; qualis est amor Dei erga nos, & parentum erga filios: & amorem indigentiae, quo bonum alteri volumus nostrae privatae utilitatis causâ, quia nempe ejus ope maximè indigemus; qualis est amor quo homines Deum, & liberi suos parentes prosequuntur. Prior igitur pertinet ad amorem amicitiae, posterior verò ad amorem concupiscentiae.

III. *Quae-
nam sint
amoris
causae.*

1. *Bonum;*
2. *Pul-
chrum.*

Tertiò quaeritur, Quanam sint amoris causae. Prima & praecipua causa amoris est Bonum. Ratio est, Quia amor importat quandam connaturalitatem vel complacentiam amantis ad amatum; unicuique autem bonum est id quod est sibi connaturale & proportionatum: unde relinquitur quod bonum sit propria causa amoris. Secunda causa est pulchrum: quod quidem reipsa bonum est; est enim pulchrum ut sic valde appetibile & amabile: additamen istud ad rationem boni, quod ex ejus aspectu seu cognitione delectetur appetitus: est enim pulchritudo gratia seu venustas quaedam, quae sensu aut ratione cognita vehementius ad amandum impellit: Hinc est quod amor per eos sensus oriri soleat per quos percipi potest rerum pulchritudo, cujusmodi sunt inter externos Visus & Auditus. Cur verò illi duo sensus externi specie pulchri ducantur, non item ceteri; ratio est, tum quia in eorum objectis venustas & gratia maximè locum habeat (unde pulchros colores, itemque pulchros sonos dicimus; non verò pulchros odores vel sapo- res, &c.) tum quia illi sensus inter ceteros sunt maximè cognoscitivi, quia eorum vis subtilior est ac spiritualior: quo fit ut rerum pulchritudo quae spiritualis ac divinae perfectionis imitatio quaedam est, ut praclare disserunt Platonici, non nisi per istos sensus externos percipi possit. Tertia causa est Similitudo amantis & amati; cum nempe amans vel actu vel potestate & quadam veluti inclinatione similis est amato: utroque enim modo Similitudo optima est amoris concilia-

3. *Simili-
tudo.*

conciliatrix : Qui enim actu similis est alteri, suam ipsius imaginem in altero intuens, alterum tanquam seipsum diligit ; isque est amor amicitie : qui verò nondum actu sed potestate tantum similis est alteri, ipsum amat, illique uniti optat, quò possit fieri particeps earum perfectionum quæ in ipso reperiuntur ; isque est amor concupiscentiæ. Huc spectat animorum & morum quædam sympathia : quæ est occulta quædam naturæ consensio ac similitudo, quæ facit ut aliud mihi aliud tibi pulchrum & magis amabile videatur, licet fortasse sit a parte rei minus pulchrum & amabile, quia nempe in eo est aliquid latens mihi gratum quod mirò quodam modo se se vultu ac præsertim oculis exprimit, meque ad ipsius amorem pellit. Quarta amoris causa est Amor: Nulla enim major est provocatio ad amandum quam prævenire amando; nimis enim durus est animus qui dilectionem etsi non vult impendere, nolit rependere. Neque tantum amor in re amata causa sit ut eam ardentius redamemus, sed etiam amor in ipso amante rem amatam reddit amabiliorem : quò enim vehementius aliquid amatur, eò semper melius ac proinde amabilius esse judicatur. Addi possunt ultimo loco causæ naturales, quæ ex cuiusque naturali temperamento sumi possunt: quibus enim tenuiores sunt humores, lucidiores spiritus, cor calidius, vegetior & subtilior sanguis, item qui sunt facili & miti naturæ, ad amandum sunt procliviores.

*Animorum
& morum
sympathia.*

4. Amor.

*5. Causæ
quædam
naturales.*

Quartò quaeritur, Quenam sint amoris proprietates seu effectus. Primus est, Assimilatio amantis cum re amata. Est enim in eo discrimen inter intellectum & affectum, quòd intelligens per intellectum rem sibi assimilatur, at verò amans per affectum rei amatae assimilatur : Et experientia constat, eos qui amant, eniti ut quantum fieri potest se rei amatae in omnibus conforment. Secundus est, Unio seu adunatio rei amantis cum re amata. Nam præterquam quòd amor formaliter est unio quædam amantis cum

*IV. Quenam
sint amoris
effectus.
1. Assimilatio.*

Unio.

- re amata, facit præterea ut amans cupiat fieri unum quid cum amato, quo fit ut ipsius præsentiam perpetuò desideret. Tertius est, *Inhæsiō* amantis cum re amata, quā amans rei amatae per intellectum & affectum immobiliter adhæret, ita ut amans de re amata perpetuò cogitet, illam perpetuò meditetur ac sitiat, nec tam seipsum quā amantem sentiat. Quod spectat illud Platonis in Sympol. *Amatorem animum in proprio corpore mortuum, in alieno vivere*. Neque enim tam est anima in eo quod animat quā in eo quod amat.
4. *Ecstasis*. Quartus est, *Ecstasis*: quæ est animæ quidam raptus extra proprium & consuetum sui statum: Qui contingit cū anima omnes suas vires in se intus recolligens, toto postea nisu fertur in amatum; quo fit ut tunc corpus omni animæ vi, imò ipsā animæ præsentia destitutum esse videatur. Quintus effectus est
5. *Zelus*. *Zelus*; cū nititur is qui amat omne id repellere quod perfectam amatae rei possessionem impedire potest, ut contingit in amore concupiscentiæ; ex quo nascitur cū zelus Coniugalium tum zelus Invidiæ, vel cū nititur amans id omne remove quod amici bono adversatur, ut contingit in amore amicitiae; potestque dici zelus iustitiæ: qualis est iste de quo Psalmista, Psal. 68. 10. *Zelus domus tuæ comedit me*; & Helias 3. Reg. 19. 10. *Zelo zelatus sum pro Domino Deo exercituum*. Sunt etiam præter istos morales effectus, quidam alii naturales & physici; ut quod amantes pallidi, macilenti & squalidi sint: dum enim tota vis animæ ad rem amatam convertitur, illucque intenta est, capiendō dirigendōque alimento non sufficit; quo fit ut inopiā cruditateque sanguinis membra extenuentur & palliescant.
6. *Effectus quidam naturales*. Quod spectat ad Odium, quod nihil aliud est quā Displacencia quædam circa malum opinatum ut malum est: Cū sit Amori contrarium; & contrariorum contrariæ sint species, causæ & effectus: facile ex iis quæ diximus de speciebus, causis, & effectibus Amoris colligi poterunt species, causæ, & effectus Odii.
- Oratio

Questio II.

De Desiderio & Fuga.

Desiderium & Concupiscentia idem sunt apud D. Thomam, 1. 2. qu. 30. art. 1. cum hoc tamen discrimine, quod desiderium magis propriè pertinet ad rationalem appetitum, concupiscentia verò ad sensitivum. Est igitur desiderium seu concupiscentia, Animæ passio in appetitu concupiscibili circa bonum opinatum absens: distinguiturque ab Amore & Delectatione, quod ex amore nascatur, & in delectationem tendat. Et licet idem objectum, quod est Bonum & Finis, sit causa amoris, desiderii, & delectationis seu gaudii, non tamen sub eadem ratione: quatenus enim bonum adaptat quodammodo sibi appetitum, causat amorem; quatenus idem bonum absens eundem ad se attrahit, causat concupiscentiam; quatenus denique præsens eundem quietat, in seipso causat delectationem.

Desiderium idem cum Concupiscentia. Quid sit. Quid differat ab Amore & Delectatione.

Concupiscentiarum aliæ dicuntur Naturales, aliæ verò Non-naturales. Illæ sunt eorum ad quæ naturæ quadam necessitate compellimur; ut si quis longâ defeisus vigiliâ somnum appetat, vel esuriens cibum, &c. hæ verò sunt eorum quæ natura per se non desiderat, sed pro rationis arbitrio desiderantur: Unde etiam illæ dicuntur Irrationabiles; hæ verò Rationabiles, licet non semper sint rectæ rationi conformes: Hujusmodi sunt, opum desideria, honorum ambitus, &c. Illæ finitæ sunt; natura enim non fertur in infinitum: quare cibum expetimus ad certum usque modum, nempe quoad sedetur fames: Hæ verò infinitæ sunt; nullis enim terminis humana coercetur ambitio. Illæ in appetitu sensitivo ut plurimum, hæ verò in appetitu rationali resident. Denique, illæ belluis cum homine communes; hæ verò homini sunt peculiares.

Concupiscentiarum duo genera.

Nascitur Desiderium ex iisdem ferme causis ex quibus Amor; maxime verò, ex bono futuro apprehenso.

Unde nascatur Desiderium.

Effectus
Desiderii.

henso. Neq; tamen omnes cæteris paribus æquè appetunt: sed qui sunt calidiori temperamento, ferventius; qui verò magis temperato temperatè magis desiderant, constantius tamen. Effectus quoque hujus passionis iidem ferme sunt qui Amoris: Adde istud, quòd qui vehementius quippiam expetunt, mirè discruciantur donec rem expetitam consequantur: hinc suspiria, gemitus, lacrymæ, &c?

Quid sit
Fuga.

Quod spectat ad Fugam; definiri potest, Animæ passio in appetitu concupiscibili circa malum abiens opinatum: Eodémq; modo distinguitur ab Odio & Tristitia, quo Desiderium ab Amore & Lætitia: est enim in odio displicentia mali; in fuga, recessus à malo; in tristitia, quies in malo. Porro hujus passionis causæ & affectus opponuntur causis & effectibus desiderii.

Quæstio III.

*De Delectatione seu Voluptate, & Tristitia
seu Dolor.*

Postremum locum ordine naturæ seu generationis tenent inter omnes passiones hæ duæ, Voluptas & Dolor: Quia tamen pertinent ad appetitum concupiscibilem, idcirco priùs de istis quàm de aliis quæ pertinent ad appetitum irascibilem pertractabimus: & quidem in hac quæstione priùs de delectatione seu voluptate; deinde, de tristitia seu dolore.

I. Diffi-
cultas.
Quid sit
Delecta-
tio.

Quod igitur spectat ad Delectationem; primum quæritur, Quid sit. Delectatio est animæ passio seu motus quidam in appetitu sensitivo ex præsentia boni connaturalis sensu percepti proveniens. Dicitur *motus*, non quòd appetitus per hunc motum ad aliquid tendat, sicut in desiderio contingit, sed quia appetitus ab ipso appetibili præsentè immutatur sive afficitur. Dicitur *esse in appetitu sensitivo*, ut distinguatur ab ea delectatione quæ reperitur in appetitu rationali, quæ licet verè sit delectatio, non tamen dici potest propriè passio. Appellatur autem hæc delectatio rationalis peculiari nomine, *gaudium*: Ex quo intel-
ligis,

ligis, gaudium esse speciem Delectationis. Et sicut *Gaudium* *& Volu-*
gaudium accipitur propriè pro sola rationali delecta- *ptas species*
 tione; sic *voluptas* ut plurimum pro sensitiva dunta- *Delectati-*
 xat usurpatur; *delectatio*, pro utraque. Alia verò no- *onis.*
 mina ad delectationem pertinentia sunt imposita ab
 effectibus delectationis: *Lætitia* imponitur à dilata-
 tione cordis, ac si diceretur *lætitiæ exsultatio*, ab ex-
 terioribus signis interni gaudii; itémque, *jucunditas*;
hilaritas verò specialiter, à signis lætitiæ in vultu
 apparentibus.

Secundò de delectatione quæritur, Quotuplex sit. *II. Quotu-*
 Respondeo, Delectationum, sicut & concupiscentia- *plex sit de-*
 rum, alias esse Naturales, alias verò Non-naturales, *lectatio.*
 quæ dici possunt rationales. Illæ sunt appetitûs sen- *Naturalis;*
 sitivi; hæ verò appetitûs intellectivi: Illæ fiunt sem- *Non-natu-*
 per cum aliqua immutatione corporali; hæ verò non *ralis.*
 item, sed sunt simplices motus voluntatis: Illæ sunt
 corporales & sensibiles; hæ verò spirituales & intel-
 ligibiles. Licet autem spirituales delectationes secun- *Quenam*
 dum se & absolutè sint majores corporalibus, nihilo- *sit major*
 minus tamen corporales quoad nos & secundum quid *delectatio;*
 sunt majores spiritualibus: tum quia sensibilia quoad *Spiritualis,*
 nos sunt magis nota; quò magis autem bonum præ- *an Corpo-*
 sens percipitur, eò majorem causat delectationem: *ralis.*
 tum quia sensibiles illæ delectationes fiunt cum ali-
 qua immutatione corporali; non autem spirituales,
 nisi per accidenis. Inter delectationes autem sensibi-
 les majores sunt eæ quæ fiunt secundum tactum,
 quia earum objecta sunt magis sensibilia. Aliter di-
 viditur delectatio seu voluptas, in Puram & Non-
 puram seu mixtam. Illa est quæ rectè constitutis ani- *Alia divi-*
 mis & corporibus competit: hæc verò non nisi ex *fit Volu-*
 aliqua animi aut corporis depravatione contingit; *ptas, in*
 ideoq; ab Aristotele 7. Ethic. appellatur *ægritudinis* *Puram &*
 & contra naturam: sic enim constat experienciâ, non- *Non-pu-*
 nulla (verbi gratiâ, potum aquæ) ægris corporibus
 summam delectationem afferre, quæ sanis corporibus
 aut nullam aut certè perexiguam voluptatem affe-

runt : quæ sunt prioris generis delectationes, dici possunt naturales ; posterioris verò generis, non-naturales ; sed alio sensu quàm in priori divisione, ut patet.

III. *Quæ sint causæ delectationis.*

1. *Bonum præsens.*
2. *Operatio.*

3. *Varietas.*

4. *Præteriti dolores.*

5. *Memoria & Spes.*

IV. *Quinam sint effectus delectationis.*

1. *Cordis dilatio.*
2. *Sanitas.*

Tertiò quæritur, Quænam sint causæ delectationis. Prima & præcipua est, Bonum præsens cognitum totumque simul apprehensum : Nascitur enim voluptas ex percepta conjunctione convenientis. Secunda causa delectationis est Operatio, sive ea per quam consequimur bonum conveniens, sive ea per quam ipsam boni consecutionem percipimus. Quare omnis delectatio ex aliqua operatione consequitur.

Tertia delectationis causa est Varietas : Quia enim humana mens rerum multarum est cupida, ideò vario rerum successu solet oblectari : & natura etiam ipsa in se multiformis, varietate ipsa tanquam simili sibi oblectatur. Quartò, Præteriti dolores per accidens delectationem pariunt : Quò enim majora sunt mala quæ evasimus, eò delectabilior videtur esse quies & securitas qua fruimur : quare jucunda semper esse solet præteriti laboris recordatio. Quintò, Delectationem pariunt tum Memoria cum Spes : Quia delectatio nascatur ex agnita possessione boni : Memoriam autem præterita bona possidentur, fiuntque veluti præsentia ; Spe verò, futura. Major tamen ex spe delectatio nascitur : quia quæ futura sunt, verè aliquando esse possunt ; non item præterita.

Quartò quæritur, Quinam sint effectus delectationis seu lætitiæ. Primus est, cordis & viscerum dilatio : Unde illud, Isa. 60. 5. *Videbis, & affluēs, & mirabitur, & dilatabitur cor tuum.* Ex hac autem cordis dilatazione sequitur sanguinis ad externas partes diffusio. Secundus est, sanitas corporis ; præsertim si moderata sit : tum quia sic molestiis & curis relevatur animus ; tum quia moderatam cordis & viscerum dilatazione spiritus fiunt puriores, quo fit ut lætius & alacrius operemur. Si tamen nimis profusa sit, non mediocriter nocere potest ; præsertim senibus : imò quibus-

busdam mortis causam fuisse legimus; quia per ipsam diffusis ad externas partes spiritibus, cor nativo calore repente destituitur ac deficit. Tertius effectus est risus: qui non ex qualibet delectatione, sed ex rationali præsertim (scilicet gaudio seu lætitia) nascitur, quatenus mediante appetitu sensitivo redundat in corpus. Solet autem risus dissipatis spiritibus vitalibus excitari: tunc enim existit motus ille oris & pectoris ortus à diaphragmate per musculos ad buccam usque perveniens. Quartus effectus est, operationis perfectio. Delectatio enim (juxta Philosophum 10. Eth.) operationem perficit: tum quia ipsa est bonum operationi superveniens; tum quia agens dum in sua actione delectatur, vehementius ad eam attendit, càmque diligentius exsequitur.

3. *Risus;*

4. *Operationis perfectio.*

Quod spectat ad Tristitiam; primum quæritur, Quid sit. Responderetur, esse Passionem animæ ex apprehensione mali præsentis ortam. Quæ definitio intelligenda est de tristitia seu dolore, quatenus est in appetitu sensitivo: nam tristitia seu dolor in appetitu intellectivo non dicitur propriè passio. Quo loco nota, Dolorem latius patere quàm tristitiam: eò quòd ægritudo illa quæ ab exteriori tantum sensu provenit, non appellatur *tristitia*; at verò omnis ægritudo, seu mentis sive corporis, sive proveniat ex solo exteriori sensu sive ab interiori (imaginatione nempe vel ratione) verè potest dici *dolor*. Solus igitur ille dolor qui ex apprehensione interioris sensus provenit, appellari solet *tristitia*. Sunt autem pleraque alia vocabula quæ ad hunc animæ affectum pertinent: ut, Angor, i. e. ægritudo premens; Mæror, i. e. ægritudo flebilis; Lamentatio, i. e. ægritudo cum eulatu; Molestia, i. e. ægritudo permanens; Melancholia, i. e. ægritudo diuturnitate obfirmata & quasi in naturam conversa.

De Tristitia.

1. *Difficultas;*
Quid sit.

Omnis tristitia est dolor; non è contrari.

II. Quotuplex sit dolor;

Dolor in genere duplex: Exterior; Interior.

Secundò quæritur, Quotuplex sit dolor. In genere duplex est; alter exterior, alter verò interior: Uterque autem est motus appetitivæ virtutis: sed in hoc

Qui qua-
druplex;
Misericor-
dia,

Invidia,

Anxietas,

Acedia.

III. Qua-
nam sint
causæ do-
loris.

Pro. 13. 12.

IV. Qui-
nam sint
effectus
Tristitiæ.
1. Qui plu-
res in se
cominet.

1,

differunt; quod dolor exterior causetur ex malo con-
iuncto corpori per sensum interiorem, sive phantasi-
am sive rationem, apprehenso. Rursus dolor interior,
qui propriè dicitur *tristitia*, in quatuor species distri-
buitur: sunt autem hæ; nempe, Misericordia, Invidia,
Anxietas, & Acedia. Misericordia est dolor quidam
animi ex alieno malo contractus. Invidia est dolor
animi ex alieno bono quatenus æstimatur esse nobis
malum contractus, in quantum bonum istud alienum
nos privat nostro proprio bono, vel proprium nostrum
bonum minuit, vel æstimatur nobis aliquo modo ob-
esse. Anxietas est animi quædam oppressio ex im-
pendente malo à quo nullum apparet effugium. Ace-
dia verò addit ad animi anxietatem, insignem corpo-
ris torporem; ita ut etiam vox ipsa præ nimia tristi-
tia præcludatur.

Tertiò quæritur, Quænam sint causæ doloris
ac tristitiæ. Prima & præcipua est, Malum con-
iunctum seu præsens cognitum. Secunda, Amor & De-
siderium cum res amata & optata differtur: unde illud
Sapientis, *Spes quæ differtur affligit animam*. Tertia
est, Naturale corporis temperamentum: Qui enim
melancholico humore abundant, ad tristitiam sunt
procliviores; & quæ solent melancholicum humorem
gignere, ut studia, vigiliæ, ærumnæ, & alimenta
quædam tristitiam quoque pariunt. Quartò, Tristi-
tia sibiipsi augmenti causa est: Nam quò plus tri-
stamur, eò plus humoris melancholici accumulamus,
& sic proniore in mœrorem efficimur.

Quartò quæritur, Quinam sint effectus tristitiæ.
Præcipuus & generalis effectus tristitiæ, est notabile
detrimentum sanitatis; tum quia tristitia naturalem
sanguinis & spirituum dilatationem præpedit; tum
quia torporem & segnitiem corporis gignit: quare
qui præter modum tristantur, squalidi, jacentes, &
otiosi sunt. Præterea, specialis effectus tristitiæ, est
somnia, qui ex illorum animi cum corporis torpore
provenit: unde illud Psal. 118. 28. *Dormitavit ani-*

ma

ma mea præ lædio. Luctus etiam seu fletus specialis est effectus tristitiæ: Sunt autem à natura datæ nobis lacrymæ ut nostram miseriam aliis indicent, sicq; in iis commiserationis effectum excitent, quò nostræ necessitati opitulentur.

Addi possent hic remedia tristitiæ: Quorum hæc *Remedia Tristitiæ.* sunt præcipua (de quibus D. Thom. 1. 2. qu. 38.) nempe, Delectatio quævis; Fletus, seu profusa lacrymæ; Amicorum compassio; Veritatis consideratio; deniq; Somnus, & Balnea. Sed hæc de passionibus appetitûs concupiscibilis satis.

Quæstio. IV.

De Spe & Desperatione.

Spes est Animi passio in appetitu irascibili circa *Quid sit Spes.* bonum futurum arduum seu difficile, possibile tamen ut habeatur. Dicitur *passio in appetitu irascibili;* ut distinguatur ab ea Spe quæ in rationali appetitu esse potest, quæ non est passio. Subjungitur, *circa bonum;* ut distinguatur à Metu & Audacia, & aliis passionibus quæ sunt circa malum. Additur, *futurum;* ut distinguatur à Gaudio, quod est circa bonum præiens: Additur adhuc; *arduum seu difficile ut habeatur;* ut distinguatur à Desiderio, quod est circa bonum futurum absolutè: non enim aliquis dicitur aliquid sperare quod statim est in sua potestate ut habeat: denique, subditur, *possibile ut habeatur;* ut sic distinguatur à Desperatione, ut patebit postea.

Causæ hujus ferme eadem sunt quæ Amoris & *cause* Desiderii; specialiter verò, Bonum futurum arduum *Spei.* quod haberi potest. Adde etiam, nonnunquam experientiam esse causam spei; ut patet in eo qui sæpius in bello victoriam est adeptus: aliquando verò Inexperientiam; ut in juvenibus contingit, qui faciliè sperent se omnia consecuturos, cum senes contrà non faciliè sperent.

Effectus spei iidem quoq; sunt qui desiderii. Adde *Effectus Spei.* speciales

speciales quosdam effectus; cuiusmodi sunt, Longanimitas in exspectando, Patientia in ferendo, Magnanimitas in aggrediendo, deniq; Alacritas in operando.

*Quid sit
Desperatio.*

*Duplex
contrarietas
in mutationibus.*

Desperatio Spei opponitur: estq; Animi passio in appetitu irascibili circa bonum arduum quod non potest haberi. Ubi nota, passiones appetitus irascibilis aliter opponi inter se quam passiones concupiscibilis. Invenitur enim in mutationibus duplex contrarietas: Una secundum accessum ad contrarios terminos: & ea contrarietas reperitur inter passiones appetitus concupiscibilis; ut inter Amorem & Odium, Desiderium & Fugam, Lætitiam & Tristitiam: Altera secundum accessum & recessum respectu ejusdem termini; & talis contrarietas reperitur inter passiones appetitus irascibilis: ut inter Spem & desperationem; utraq; enim circa bonum versatur: itémq; inter Audaciam & Metum; utraq; enim circa malum versatur. Opponuntur autem desperationis causæ & effectus causis & effectibus spei.

Quæstio V.

De Metu & Audacia.

*De Metu.
I. Difficultas;
Quid sit.*

*Aliqua Timori
Spes
adjuncta.*

Nonnulla sicut de cæteris ita de timore seu metu sigillatim explicanda. Itaq; primum quæritur, Quid sit. Timor seu metus est Animi passio circa malum futurum arduum seu difficile cui resisti possit. Ubi nota, inter cæteros animæ motus Tristitiam primum, deinde Timorem sibi maximè vendicare nomen *passionis*. Habet autem ferè timor adjunctam sibi spem aliquam, licet valde exiguam, vitandi illius mali quod imminet. Quod si malum existimatur omnino inevitabile, tunc habetur veluti præsens, sicq; de eo non tam est timor quàm tristitia: Unde qui iudicis sententiâ morti addicuntur non tam illam timent quàm de illa tristantur, ut docet Philosophus 2. Rhet. cap. 5. & D. Thomas 1. 2.

qu. 42.

qu. 42. art. 2. Adde etiam, de iis aut nullum aut valde exiguum esse timorem quæ valde distant, quia non existimantur futura: Quo fit ut mortem non semper timeamus, quia illam longè à nobis distantem arbitramur. Sicut autem spes ad duo respicit; scilicet ad bonum quò tendit, & præterea ad id per quod potest consequi bonum illud: ita etiam timor ad duo respicit; scilicet ad malum quod refugit, & ad illud quod potest infligere malum: Quò fit ut non tantum pœna inferni, sed etiam Deus qui potest eam infligere, timeatur ab homine; sicut à prædone non tantum supplicium mortis, sed etiam iudex qui illud inferre potest, timetur. Sunt autem multa quæ ad metum seu timorem pertinent; ut Verecundia, Pudor, Erubescencia, Pavor, Consternatio, Tremor, Horror, Terror: quæ sunt veluti species quædam Timoris, quæq; speciales ipsius effectus indicant.

Secundò quæritur, Quæ sint propriæ species timoris. Respondetur, Alium esse timorem naturalem, alium verò non-naturalem. Ille nascitur ex opinione mali corruptivi, quod repugnat naturæ, quia illam destruit: cuiusmodi sunt, Mors, Tormentum, Fames, Sitis, &c. Hic verò nascitur ex opinione mali contristativi, quod non repugnat naturæ, sed desiderio appetitûs; cuiusmodi sunt Infamia, Paupertas, Parentum aut anticorum orbitas, &c. D. Thomas 1. 2. qu. 41. art. 4. affert ex D. Damasceno sex alias species Timoris, nempe Segnitiem, Erubescenciam, Verecundiam, Admirationem, Stuporem, Agoniam. Verum quia non videntur hæ omnes esse veræ & distinctæ species Timoris, idcirco illas præmittimus.

Tertiò quæritur, Quæ sint causæ timoris. Præcipua causa timoris est, Malum futurum quod ægrè potest devitari: Auget verò timorem, si repentinum fuerit; quia rationi consilium præripit: si ignotum; quia sic majus existimatur esse quàm est; si vicinum; quia minatur atrociùs. Præterea, multum ad id confert

*II. Quomodo sit Timor.
Naturalis;
Non-naturalis.*

Sex aliæ species Timoris.

III. Quæ sint causæ Timoris.

1,

2.
3. *Natu-
rales anti-
pathia.*

fert naturale temperamentum: quo fit ut qui frigidiori sunt & molliori temperamento, sint mericulosiores. Mitto naturales quasdam antipathias seu naturæ disconvenientias; quo fit ut nonnulli homines ad aspectum quorundam animalium, v. g. felium, mirum in modum terreantur; alii sonitum tonitruï ferre non possint: Sic ovis naturæ instinctu metuit lupum; pul- lus milvum, forex selem, &c.

IV. *Qui
sunt effectus
Timoris.*

1,

2,

3,

4,

5,

6,

7.

Quartò quæritur, Quinam sint effectus præcipui timoris. Unus ex præcipuis est, Contractio spirituum & sanguinis ad pectoris partes intimas: natura enim obrutu mali futuri perterrefacta, vires in arcem veluti cogit. Ex isto alter sequitur, nempe Pallor, maxime in facie; tum etiam Frigus in extremis partibus, quia unà cum sanguine calor ad interiora confugit. Quòd si vehemens fuerit timor, nascetur Tremor & Trepidatio: tremor, quidem, qualis accidit febricitantibus; trepidatio verò, cum vix potest quis subsistere. Post hæc sequitur Horror, qui est cutis & pilorum per totum corpus asperitas, Hinc etiam sequitur percussio; quæ si magna fuerit, dicetur consternatio: Ex qua Exanimatio imò interitus nonnunquam sequitur; quia scilicet nimio sanguine ad internas partes coeunte, calor naturalis cordis repente suffocatur. Ex ingenti etiam ac repentino timore oritur Canities; eò, quòd subductis spiritibus & calore nativo vitiatur humidum illud quod est alimentum pilorum, quo ex vitio canescunt pilis; sicuti illo penitus sublato contingit Calvities.

*Audacia
quid sit.*

Quod spectat ad Audaciam; Animæ passio est in prosecutione mali ardui, h. e. in periculis aggrediendis, posita. Est autem timori opposita: timor enim refugit nocumentum nè ab ipso superetur; at verò audacia aggreditur periculum ut ipsum superet. Ex quo intelligis audaciam ex spe nasci solere ex hoc enim quòd aliquis sperat superare malum arduum seu periculum imminens, ex hoc audacter insequitur ipsum: Sicut ex timore nascitur desperatio; ideo enim aliquis

aliquis desperat, quia timet difficultatem quæ est circa bonum sperandum.

Causa igitur audaciæ est, imprimis spes; tum ea quæ spem ac desiderium excitant. Est etiam maximus ad subeunda audacter pericula aculeus, iracundia: Præterea, audaciam confirmat æstimatio majoris boni consequendi, & minoris periculi subeundi: tum supervenientis auxilii exspectatio: denique, naturale corporis temperamentum: Audaciores enim sunt quibus pulmones sanguinolenti, cor fervens & exiguum (vis enim ad angustius redacta fit acutior.) Ebrii quoq; & juvenes; quia in iis exigua est mali impendentis æstimatio. Qui sunt frigidiori cœlo nati, solent esse audaciores; qui verò calidiori, timidiores (causam ferunt antiperistasis) similiter, qui nunquam experti sunt periculâ. Tandem, qui omnibus affluunt, interdum videntur audaciores; & è contrâ, qui in maximis versantur ærumnis: illi quidem, quia arbitrantur se posse superare omnia; hi verò, quia nihili ducunt omnia.

Effectus audaciæ præcipuus est, consecutio boni optati: deinde, suiipsius æstimatio, si res feliciter succedat; si verò negotium ex voto non succedat, indignatio, ira, præterea clades, calamitates, &c.

Quæstio VI.

De Ira.

DE Ira primùm quæritur, Quid sit. Est igitur ira Animæ passio in appetitu irascibili circa malum præsens quatenus cum aliqua difficultate repellendum est. Sicq; ira est passio appetitûs irascibilis maximè propria: unde ab ipsa appetitus denominatus est; tum quia ad eam terminantur omnes motus hujus potentix; tum quia inter cæteras hujus potentix passiones hæc manifestissima, quia vehementissima. Objectum verò iræ est malum præsens, arduum, seu cum difficultate repellendum. Cæterùm iram circumstant pleræq; passiones, præsertim istæ

Quænam
ipsius cau-
sa. 1.

2.

3.

4.

5.

6.

7.

8.

Quinam
effectus.

1. Diffi-
cultas;
Quid sit
ira.

Ejus obje-
ctum.

Iram qua-
tur cir-
cumstant.

quæritur

quatuor ut plurimum: nempe, dolor de injuria accepta, spes illam injuriam ulciscendi, tum appetitio seu desiderium vel prosecutio vindictæ, denique odium ejus qui injuriam intulit: ex quibus duæ priores antecedunt, duæ posteriores eandem comitantur: Sicq; motus iræ ex dolore & spe oritur; dumque iratus homo nititur malum ut sibi præsens apprehensum repellere, simul vindictam de malo sibi illato appetit tanquam sibi bonum, & cum qui malum intulit detestatur & odit. Quo fit, ut D. Thomas dixerit objectum iræ partim esse bonum partim malum. Verum in hoc dissentimus à D. Thoma, quod proprium objectum iræ neq; vindictam esse neque eum de quo sumenda est vindicta existimemus; sed malum præsens quatenus cum difficultate repellendum est.

D. Thomas
minus probabilis opinio de objecto iræ.

II. De speciebus iræ.
Tria iratorum genera.

Secundò quæritur, Quænam sint species iræ. Aristoteles 4. Ethic. cap. 5. tria facit eorum qui irascuntur genera: Primi generis, *ἐργαλὸς καὶ ἀκροκόλος* appellat, i. e. *iracundos*, & *proclives ad iram* ad iracundiam, qui vel levissimis de causis irascuntur, ita tamen ut facillimè placentur: Secundi generis, *παρὰς* appellat; qui non facillè excandescunt, ægrè tamen placantur cum excanduerint: Tertii generis, *χαλεπὸς* appellat, *inferos, furios, asperos*; qui citò, vehementer ac diu irascuntur, nec unquam nisi sumtâ vindictâ placari possunt. Juxta hæc tria hominum irascentium genera tres quoq; species iræ assignari possunt. Et quidem D. Thomas 1. 2. qu. 46. art. 8. tres Iræ species assignat. Prima vocatur *fel* vel *iracundia*; estq; primus impetus & initium iracundiæ. Altera species dicitur *furores*; qui non quiescit nisi sumatur vindicta. Tertia dicitur *mania*; quæ diutissimè permanet, & vix unquam placari potest.

Tres Iræ species.

III.
De causis iræ.

1,
2,

Tertiò quæritur, Quæ sint causæ hujus passionis. Prima & præcipua causa est, Malum læsivum præsens quod repelli potest, præsertim, si cum illo, seu injuriâ illatâ, adsit contemptus: Unde ea augent iram quæ pariunt contemptum; ut detractio, contumelia, vitupe-

vituperatio, illusio, derisio, &c. Auget etiam iram circumstantia personæ contemnenti: ut si te contemnat familiaris, filius, servus, aut alii de quibus sis bene meritis. Denique iram acuit naturale temperamentum: Quare cholericus seu biliosus qui abundant cholera, ad iracundiam proni sunt: pituitosi verò ægrè irascuntur; est enim pituita cholera seu flavæ bili contraria. Adde etiam cæli seu anni tempestatem: Nam æstate, & præsertim diebus (ut loquuntur) canicularibus, facilius irascuntur homines.

Quartò quæritur, Quinam sint effectus iræ. Imprimis iram sequitur fervor sanguinis circa cor cum amaritudine & dolore. Deinde sequitur diffusio sanguinis ad externas partes, & præsertim spirituum, qui quasi auxiliares copię ad vindictam sumendam sese offerunt. Tertio loco usus rationis impeditur: unde contingit, iratos quædam perpetrare quæ postea nolent egisse. Postremo loco sequuntur signa quædam exteriora: in quibusdam pallor, ob contractum sanguinem; in aliis (& quidem frequentius) rubor, quòd in iis sit mobilior & copiosior sanguis: In omnibus ferè palpitat cor; unde vox ipsa deficit: Præterea, in quibusdam ignescunt oculi: Tandem, qui irascuntur subiliunt, excandescunt, vociferantur, &c. ut ostendant se immeritò despectos & injuriam passos.

Ultimo loco adhiberi possent remedia quibus aut tolli penitus aut saltem mitigari possit ira. Sicut igitur præcipua iræ causa est, opinio vel persuasio injuriæ sibi illatæ & contemptus; sic optimum remedium est, deponere ejusmodi opinionem: Quod fiet, si ab injuriæ illatæ recordatione animum abducamus, & aliò convertamus; si persuadeamus nobis, non fuisse contemptum quem putabamus esse; si consideremus, amicos nostros æquiores nostrarum injuriarum iudices non tanti illas facere quanti nos facimus. Deniq;, ad tollendum ejusmodi opinionem confert præ cæteris submissio, humilitas & contemptus sui, tum bona æstimatio alterius. Sed hæc de animi passionibus satis.

Ter-

3,

4,

5,

IV.

De effectibus iræ.

1,

2,

3,

4,

V.

De remediis iræ.

Quenam conservant ad tollendum illatæ injuriæ opinionem.

Tertius Tractatus hujus partis:
De Virtutibus & Vitiis.

Tres hujus
postremi
Tractatus
disputatio-
nes.

Quoniam humanarum actionum species vulgò penes virtutes & vitia distinguuntur; idcirco ad hanc tertiam Moralis Philosophiæ partem quæ est de ipsis actionibus humanis, pertinet tractatus de Virtutibus & Vitiis. Et quoniam de virtutibus accuratior esse debet consideratio, duas de ipsis instituemus disputationes: alteram de iis generatim; alteram de iisdem speciatim, ubi de quatuor virtutibus cardinalibus: Quibus tertiam disputationem de Vitiis ac Peccatis subjungemus.

Prima Disputatio hujus Tractatus.
De Virtutibus generatim.

Quæstio I.

Quid sit Virtus moralis.

Virtus tri-
pliciter ac-
cipitur.

Virtutis
definitio
duplex.

1.
2.

Non hic de virtute agimus quatenus accipitur pro facultate seu naturali potentia operandi; neque quatenus accipitur pro quavis actione bona & recta: sed quatenus accipitur pro habitu, non quidem supernaturali vel Divinitus infuso, cujusmodi sunt Spes, Fides, Charitas, &c. sed naturaliter seu frequenti actuum repetitione acquisito, eoque electivo & ad mores pertinente, quo nempe voluntas inclinatur ad operandum congruenter rectæ rationi. Cujus duplex datur definitio: altera minùs propria, quæ potest accommodari etiam intellectivis imò & spiritualibus quibuscvis habitibus; ut dicatur, *Habitus perficiens habentem & ejus opus*: altera verò magis propria, quâ dicitur, *Habitus electivus in mediocritate consistens, cā quæ est ad nos, ratione definita prout vir-*
tu-

prudens præscrips. vit. Cujus definitionis prima particula, nempe *habitus*, habet locum generis: sunt enim virtutes, sicut & vitia, de genere habituum. Secunda particula, nempe *electivus*, secernit habitum moralem ab intellectuali, eò quòd electio sit de ratione cujuslibet actûs moralis ad quem per se refertur habitus. Tertia particula, *in mediocritate consistens*, excludit vitia omnia; quæ licet sint habitus morales seu electivi, non tamen consistunt in mediocritate, sed peccant in excessu vel defectu, ac sic virtutibus opponuntur. Quarta particula additur, nempe, *eà quæ est ad nos ratione*, &c. quâ significatur, virtutis mediocritatem non esse positam in medio rei, sed rationis, prudenter judicantis quid & quomodo agendum sit: quod planius explicabitur sequ. quæst. Nota verò, definitionem hanc convenire omni virtuti morali, unâ exceptâ Prudentiâ: quæ cum sit veluti mensura & regula cæterarum virtutum, & per ipsam Virtus hoc loco definiatur, non videtur hac definitione posse contineri. Possis etiam dicere, Prudentiam non esse virtutem omnino moralem, sed ad intellectivas pertinere: quod videtur Aristoteles sentisse, cum lib. 5. Ethic. eam inter illas enumeret.

Aristoteles, 2. Eth. 6. Explicatur posterior definitio.

Nota.

Quæstio II.

An virtus in mediocritate consistat.

Virtutem in medio consistere, ferunt omnes, pauci tamen intelligunt. Illud ipsum docet & explicat Aristoteles, 2. Ethic. cap. 6. Virtutem igitur in medio positam esse duas ob causas, ex ipso Aristotele colligimus: primum, Quia omnis virtus scere est inter duos vitiosos habitus; quorum alter excedit, alter verò deficit; ut Liberalitas inter Prodigalitatem & Avaritiam; deinde, Quia objectum virtutis est semper aliquid medium inter excessum & defectum; ut cibus, qui est objectum Temperantiæ, debet esse mediocris, ut nec nimius nec parcius sit quam

Virtus in medio, dicitur ob causas.

Virtutis
medium
duplex.

ratio postulet. Unde duplex esse dicitur virtutis medium: alterum secundum essentiam, quod est illud prius: alterum verò secundum objectum, quod est istud posterius: Et quidem de hoc posteriori medio accipienda est postrema particula supradictæ definitionis.

Medium
duplex:
1. Rei;

2. Quoad
nos.

Ut autem intelligas quale sit istud posterioris generis medium, de quo præcipua est difficultas, notandum est ex Aristotele loco citato, duplex dici medium: alterum *rei*, secundum quod aliquid à parte rei æquè distat à duobus extremis; quo modo panis duarum libellarum medius est inter panem unius libellæ & panem trium libellarum: alterum verò *quoad nos*, seu *rationis*, quod respectu unius cujusque nostrum neque excedit neque deficit: quo modo panis unius libellæ dicitur medium, habitâ ratione ejus qui nec ampliori nec pauciori cibo indiget. Est autem inter utrumque medium illud discrimen, quòd illud idem sit apud omnes, hoc verò non item, quia nempe pro varia personarum conditione subinde mutatur: ex. gr. Cibi portio quæ Socrati pro ejus temperamento convenit, dicitur medium quid respectu Socratis. At verò quia non omnibus eadem temperamenti & caloris ad decoquendum vis est, hinc sæpe fit ut quod respectu unius medium habetur, respectu alterius deficiat aut excedat: Quare non immerito medium istud appellatur *medium quoad nos*. Appellatur autem *medium rationis*; tum quia à recta, h. e. sapienti seu prudenti ratione assignatur, & ab eadem pro circumstantiarum ratione mutatur, i. e. augetur vel minuitur; tum quia positum est in quadam ratione seu analogiâ & proportionem rei ad personam, quam solius est prudentis dignoscere. Mitto quòd medium rei ab Aristotele dicatur *medium Arithmeticum*, medium verò rationis dicatur *Geometricum*; eò quòd in illo Arithmetica, in hoc verò Geometrica proportionalitas locum habeat. Cum igitur asserimus, virtutem in medio consistere secundum objectum, intelligendum est de medio quo-

1. Arith-
meticum.
2. Geome-
tricum.

ad nos, ſeu de medio rationis quod juxta rectam rationem ſive ex judicio viri prudentis præſcribitur: niſi fortè in juſtitia, præſertim commutativa; quæ quia hominem non ad ſeipſum ſed ad alterum ordinat, ideo non in medio quoad nos, ſed in medio rei conſiſtit. Jam verò quæri poteſt, An omnis virtus in medio conſiſtat utroque modo, & ſecundùm objectum & ſecundùm eſſentiam. Cui dubitationi duplici conſolutione ſatiſhiet.

Prior conſuſio; Omnis virtus purè moralis eſt *Prior conſuſio.*
in medio ſecundùm objectum. Ratio eſt; Quia bonum omne quod regitur & meſſuratur, ſitum eſt in adæquatione ad ſuam regulam, ut non illam excedat nec ab ea deficiat, ſicque in aliqua mediocritate conſiſtit: atqui objectum virtutis eſt bonum quod à recta ratione dirigitur, proindeque ſitum eſt in adæquatione ad meſſuram rectæ rationis: Quæ adæquatio cum ſit æqualitas ſeu commenſuratio quædam inter exceſſum & defectum, nihil aliud eſt quàm mediocritas; quæ quidè non in indiviſibili poſita eſt, ſed moralem quandam extensionem haber. Loquimur autem hîc de virtute purè morali, ut prudentiam excipias: quæ cum ſit ipſa ſuâ mediocritas, cæterisq; virtutibus modum præſcribat, cumque ipſa ſit objectis virtutum mediocritatem imponere, non videtur in ea re pendere poſſe ab objecto.

Posterior conſuſio; Omnis virtus moralis, excepta Juſtitia, conſiſtit in medio quoad eſſentiam, i.e. *Posterior conſuſio.*
ſita eſt inter duos habitus vitioſos, quorum alter peccat in exceſſu alter verò in defectu: Quod notum eſt inductione. Sic enim Liberalitas ſita eſt inter Avaritiam & Prodigalitatem; Fortitudo, inter vitium Timiditatis & Audaciæ: ſic ipſa Prudentia inter Calliditatem & Imprudentiam ſeu mentis Hebetudinem verſatur. Juſtitiam verò excepiſimus: quia quicquid ſit contra jus, ſive ad exceſſum ſive ad defectum vergat, ſemper Injuſtiam parit: quod ſit ut Juſtiæ ſola opponatur Injuſtitia. Eſt autem notandum, quod virtus

inter duos vitiosos habitus media, ad unum magis accedit quàm ad alterum; ut Liberalitas magis accedit ad Prodigalitatem quàm ad Avaritiam: Cujus rei ratio est, quòd unum extremorum vitiorum magis à recta ratione desciscit quàm alterum.

Quæstio III.

In quam animi parte sint virtutes.

*Sensus
questionis
aperitur.*

Constans quidem est apud Peripateticos sententia, Cùm virtutum aliæ sint mentis aliæ morum, seu aliæ intellectuales aliæ morales; illas in intellectiva, has verò in appetitiva animæ parte seu facultate collocandas esse: Verùm cùm appetitus duplex sit in homine: alter rationalis, qui dicitur voluntas; alter sensitivus, isque tum concupiscibilis cùm irascibilis: ambigitur, utrùm in appetitu rationali an verò in sensitivo resideant. Et quidem de Justitia constat, illam in solo appetitu rationali insidere. Tota difficultas est de Temperantia, Fortitudine, & similibus virtutibus, quarum munus est animi perturbationes edomare: De quibus quid sentiendum sit duplici conclusione statuemus.

Prior conclusio;

probat 1,

2.

Prior conclusio; Virtutes omnes morales (excipio semper Prudentiam, quæ non est purè moralis) in appetitiva eaque rationali animæ parte, h. e. in voluntate, resident. Probat 1; Tum quia virtutes morales insunt in ea animæ potentia ad quam pertinet electio & libertas; cùm definiantur habitus electivi, sintque actionum liberarum principia: atqui electio & libertas pertinent ad rationalem appetitum; cùm electio sit actus elicited ipsius voluntatis, & libertas sit formaliter in ipsamet voluntate: Tum quia voluntas non mediocrem experitur difficultatem circa actus fortitudinis, temperantiæ, & similium: cùm igitur habitus desiderentur in potentiis propter difficultates quas patiuntur in operando, debent necessario admitti habitus illarum virtutum in appetitu animæ

mæ rationali. Si objicias, Totam illam difficultatem oriri ex rebellione inferioris seu sensitivi appetitûs; voluntatem autem satîs ex se proclivem esse ad ejusmodi actus: Respondeo, Licet difficultas magna ex parte oriatur ex ejusmodi resistentia appetitûs sensitivi, nihilominus tamen oriri etiam ex indeterminatione voluntatis circa illos actus, utpote quæ non facile sese ad illos determinet, nec tam promptè pro ea quâ est potestate inferioribus potentiis circa illos actus imperet. *Object.*
Solut.

Posterior conclusio; Admittendi sunt in appetitu sensitivo habitus quidam correspondentes iis habitibus virtutum qui resident in appetitu rationali. Probatur; Quia appetitus sensitivus magnam patitur difficultatem circa actus fortitudinis, temperantiæ, & similium virtutum, nec facilè rationi circa eosdem actus imperanti obsequitur: quare necessarij sunt in eo habitus quibus facilè inclinetur ad ejusmodi actus, & rationi circa illos promptius obtemperet. Ceterum licet habitus illi virtutibus subserviant, non tamen propriè dicuntur virtutes, quia non sunt habitus facultatis electivæ ac liberæ, cujusmodi sunt virtutes morales propriè dictæ. *Posterior conclusio;*
probatur.
Nota.

Quæstio IV.

Quid, & quot sint virtutes quæ vulgò Cardinales appellantur.

Virtutes quædam vulgò *cardinales* appellantur, quod quemadmodum fores cardinibus, sic illis omnis moralis vitæ honestas & sanctitas fulciatur. Solent autem quatuor assignari, ut scribit D. Thomas 1. 2. qu. 61. art. 2. nempe, Prudentia, quæ ad rationem; Justitia, quæ ad voluntatem; Temperantia, quæ ad appetitum concupiscibilem; Fortitudo, quæ ad irascibilem peculiari quadam ratione pertinet. Colligitur autem quaternarius iste cardinalium virtutum numerus in hunc modum; Omnis virtus

*Quis sit
earum or-
do inter se.*

moralis latè sumpta vel ad rationem spectat vel ad appetitum: Si ad rationem spectat, erit Prudentia: Si ad appetitum, vel ipsum inclinabit ad bonum rationis alienum, vel ad proprium: si ad alienum, erit Iustitia: si verò ad proprium, vel illi bono adversatur appetitus concupiscentiæ, & circa tale bonum versabitur Temperantia; vel appetitus irascentiæ, & circa tale bonum versabitur Fortitudo. Plura lege apud D. Thomam loco suprà citato. Eum verò inter se naturæ & dignitatis simul ordinem servant, ut primo loco ponatur Prudentia; cùm illa sit cæterarum virtutum regina, & ab ipsa tanquam à propria ipsarum norma cæteræ virtutes dirigantur: secundo verò loco sequatur Iustitia; quæ versatur circa bonum commune & ad plurium utilitatem perti- nens, cùm cæteræ virtutes circa bonum peculiare & proprium versentur. Sequitur tertio loco Temperantia; quæ idcirco fortitudinem antecedit, quòd prius sit naturâ abstinere à malo quàm bonum fidenter ag- gredi: est autem temperantiæ munus, appetitionem avocare ab inconsideratis & perversis cupiditatibus. Ultimo loco sequitur Fortitudo; quæ confert ad bonum quodlibet fortiter & citra metum omnem prosequendum. Et quidem hæc divisio Virtutis moralis in quatuor virtutes cardinales, est divisio generis in quatuor præcipuas species, ad quas cæteræ omnes vel tanquam inferiores species seu partes subiectæ vel

*Alia gene-
ralis virtu-
sum divi-
sio.*

*Tertia di-
visio.*

tanquam earundem partes potentiales, aut integran- tes revocantur. Posset adhuc generalior virtutum di- visio tradi; nempe, in eas quæ ad Deum, quæ ad Proximum, & quæ ad Nos pertinent: Quæ hæc bre- vi Apostoli monitione continentur, *Apparuit* (inquit ad Titum, c. 2. v. 11, 12.) *gratia Dei & Salvatoris nostri omnibus hominibus; erudiens nos, ut abnegantes impietatem & secularia desideria, sobrie, & iuste & pie vivamus in hoc seculo: Sobrie nempe quoad nos; iuste quoad proximos; & pie quoad Deum. Verùm hæc virtutum Christianarum partitio, non morales tantum*

tantum quæ nostris actibus comparantur, sed etiam Theologicas seu supernaturales, quæ Divinitus infunduntur, ex mente Apostoli complectitur: quare ad nostrum institutum non pertinet. Possent etiam virtutes dividi in septem species, oppositas septem vitiis capitalibus: Verum ad has quatuor cardinales, tanquam ad præcipuas & generaliores species, reducendæ sunt.

Solut.

Cæterum circa prædictam virtutum moralium quadripartitam divisionem difficultas est, Quomodo inter illas annumeretur Prudentia. Respondetur, Nomen *virtutis moralis* hic laxiori significatu accipi, non pro ea sola quæ in appetente facultate residet, sed pro ea quæ ad mores conformandos per se & proximè attinet: sicq; prudentia meritò inter morales virtutes annumeratur, tum quia ipsa est morum regula, tum quia perfectio prudentiæ non absolvitur intra fines intellectus (sicut cæterarum virtutum purè intellectualium) sed requiritur ad complementum prudentiæ rectitudo in appetitu.

Dub.

Quæstio V.

utrum virtutes morales sint inter se connexæ.

UT sensum propositæ quæstionis planè intelligas, notandum est ex Aristotele 7. Ethic. c. 1. Virtutem moralem in triplici gradu obtineri posse: Primò quidem, in gradu *continentiæ*, cum adhuc perturbationes animæ sunt vehementes, illis tamen resistimus: secundò, in gradu *temperantiæ*, cum passionnes paulò sunt pacatiore: tertio, in gradu *heroicæ*, cum jam ista cohibita sunt ac refrænata, ut rarò admodum & vix repugnent rationi: Quos virtutum gradus nonnulli vocant, Incipientium, Proficientium, & Perfectorum. Quod igitur spectat ad virtutes in gradu heroico; non est dubitatio quin omnes simul connexæ sint. Cum enim virtutes in eo gradu omnem postulent excellentiam quam in suo genere habere possunt, omnes autem virtutum mutuum sibi

*Virtutis
gradus
triplex.*

Nodus difficultatis.

Probabilior assertio probatur.

præstant auxilium, & aliæ aliis perfectionem adjungant; hinc fit ut virtutes in eo gradu sibi invicem coherant. De virtutibus etiam in gradu continentiae non ambigitur; quia experientia constat, multos se exercere in materia quarundam virtutum non verò aliarum, sicq; sibi aliquos habitus comparare sine aliis. Verum tota difficultas est de virtutibus in medio gradu, nempe in gradu temperantiae, Utrum virtutes in eo gradu sint ita inter se connexae ut una non possit haberi sine aliis. Missa igitur Scoti opinione, nostra (eaq; communis) sententia est, rem ita se habere. Probatur: Quia omnis virtus suis expleta numeris prudentiam quoq; perfectam sibi adscribit; atqui perfecta prudentia nulla est cæteris virtutibus destituta: Ex quo concludere est, omnes virtutes quasi communi vinculo prudentiae inter se copulari. Hujus argumentationis major propositio patet ex trita Virtutis definitione, in qua ad rationem virtutis praescriptus à viro prudenti modus desideratur. Quod autem prudentia illa perfecta esse debeat, ex eo convincitur, quod perfectae virtuti non nisi perfecta prudentia respondeat (neq; enim regula deterior esse potest regulato) perfecta, inquam, iecundum eum gradum secundum quem virtus illa dicitur perfecta: atqui supponimus hinc, virtutem esse in statu perfecto temperantiae: quare necesse est prudentiam esse in eodem statu perfectionis: ad quem requiritur, ut rationis iudicium circa illius virtutis actus perfectum ac sanum sit, nulloque passionis actu perverti possit. Minor ejusdem ratiocinationis propositio suadetur; Quia nisi vir prudens cæterarum virtutum praesidia advocet, non poterit semper ferre sanum de quavis agenda iudicium; cum liquidò constet, perturbationes, nisi virtutum ope cohibeantur, rationem excæcare, & æquam rerum æstimationem (sine qua prudentia nulla est) pervertere. Cum igitur nulla virtus possit esse perfecta sine prudentia; prudentia autem absque aliis virtutibus perfecta esse non possit: hinc

hinc fit ut nulla virtus possit esse perfecta absque aliis. Hoc autem omne intelligendum est de virtutibus quæ ad communem hujus vitæ statum pertinent, v. gr. de quatuor cardinalibus ut vulgò usurpantur; non verò de aliis quæ ad eminentem vitæ statum spectant, sine quibus aliæ in suo genere perfectæ esse possunt.

Secunda Disputatio hujus Tractatus :

De Virtutibus sigillatim: nempe, de quatuor cardinalibus.

§. I. De Prudentia.

Quæstio I.

Quid sit Prudentia.

PRudentia cæterarum virtutum princeps ac moderatrix optimè definitur ab Aristotele, *Habitus agendi verus cum ratione circa ea quæ sunt homini bona aut mala*, 6. Ethic. c. 5. Dicitur *habitus verus*, tum ut constet, prudentiam esse de genere habituum intellectivorum; tum ut distinguatur à falsis mentis habitibus, aut etiam ab incertis. Dicitur præterea *habitus agendi*, seu *præctivus*; ut distinguatur tum à theoreticis, cujusmodi sunt Sapientia, Intelligentia, Scientia; cum à factivis, quales sunt artes. Additur, *cum ratione*, (supple, *recta*) h. e. ex judicio integro, sano, & affectuum impetu minimè perturbato. Intelligunt etiam nonnulli *cum ratione*, id est, cum rationali appetitu recto: In quo differt habitus prudentiæ ab habitu philosophiæ Moralisi; quòd nempe ille ex natura sua conjuncta sit cum rectitudine voluntatis, non verò iste. Deniq; subjungitur, *circa ea quæ sunt homini bona vel mala*: in quo distinguitur prudentia à philosophia Naturali; quæ licet dici possit *habitus verus agendi cum ratione* absolutè, non tamen est circa

Prudentiæ definitio explicatur.

ea quæ sunt homini bona vel mala. Adde, etiam per hanc particulam optimè distingui prudentiam à philosophia Morali, quòd philosophia Moralis versetur circa bonum & malum in genere, prudentia verò circa bona & mala in particulari.

Dub.

Resp.

Sed quæres hoc loco, Cùm prudentia versetur circa *agibilia* in particulari, quæ contingentia sunt, quomodo dici possit habitus verus, cùm rerum contingentium nulla sit certa veritas. Respondetur, Veritatem prudentiæ non esse positam in conformitate intellectûs cognoscentis cum re cognita, sed in adæquatione rationis ad appetitum rectum (ut scribit Aristoteles 6. Ethic. cap. 2.) quam appetitûs rectitudinem virtutes in eo residentes præstant. Itaq; licet habitus prudentiæ versetur circa objectum contingens, erit tamen verus si recto appetitui conformetur. Quare cùm prudentia ut sit perfecta cæteras virtutes sibi adjungi necessario postulet, hinc fit ut vir perfectè prudens ex integro & sano affectu de rebus agendis judicet, sicq; judicium viri prudentis sit semper practicè verum.

Quæstio II.

Quodnam sit subiectum circa quod versatur prudentia.

I. Difficultas.

Objectum prudentiæ particulare.

Constat ex prædictis, subiectum in quo residet prudentia esse intellectum. Quod verò spectat ad subiectum circa quod versatur; duæ sunt difficultates explicandæ: Quarum prior est, An illud sit universale vel particulare. Respondetur, Licet objectum prudentiæ generatim spectatum sit aliquid universale, viz. id omne quod rectâ ratione est agendum; nihilominus tamen prudentia in unoquoq; particulari homine spectata circa res singulas duntaxat versatur: sicq; objectum prudentiæ absolutè & simpliciter dici debet particulare. Ratio verò cur prudentia per se circa particularia versetur, est, quia ad prudentiam

prudentiam pertinet non solum consideratio rationis, sed etiam applicatio ad opus, qui finis est practicae rationis. Nemo autem apte potest unum ad aliud applicare nisi utrumque in particulari perspectum habuerit. Et quamvis ratio sit primo & principaliter rerum universalium, potest tamen per habitum prudentiae universales notitias ad particulares actiones applicare. Ubi adverte, subjectum istud prudentiae, licet sit particulare, i. e. non universale, posse tamen dici esse commune, vel quia ad plurimum utilitatem spectat, quale est subjectum prudentiae Politicae vel Oeconomicae; vel quia refertur ad finem communem, ut cum aliquis actus prudentiae ad totius vitae institutionem pertinet; vel quia prudentia versatur interdum simul circa plura particularia.

Posterior difficultas est, An subjectum prudentiae sit aliud a subjecto ceterarum virtutum. Respondetur, Licet subjectum prudentiae non sit realiter diversum a subjecto reliquarum virtutum, esse tamen formaliter distinctum. Itaque licet idem agibile possit esse objectum materiale prudentiae simul & alterius virtutis, non tamen sub eadem formali ratione: sed dicitur pertinere ad prudentiam quatenus est objectum rationis sub ratione veri practici; ad alias vero virtutes, quatenus est objectum appetitionis sub ratione boni appetibilis: y. gr. Temperate uti cibo & potu, ad prudentiam simul & temperantiam pertinet; ad prudentiam, inquam, quatenus judicat in quam quantitate pro cuiusque temperamento sumi debeat cibus & potus; ad temperantiam vero, quatenus inclinat voluntatem ad sumendum ejusmodi cibum & potum juxta mensuram a prudenti ratione definitam.

Quaestio III.

An habitus prudentiae in viro sapiente sit multiplex.

ET si ejusdem sit facultatis, nempe rationis practicae in actu, cuiusque virtutis modum ponere; non tamen ejusdem est habitus: Non enim per eundem

Multiplex numero habitus prudentiae in viro prudente.

dem habitum prudentiæ novit aliquis servare mediocritatem in sumendo cibo & potu, & in pecunia largienda: Quia nempe etsi aliquis facilè judicet de circumstantiis alicujus virtutis, deq; modo in ea servando, non tamen statim eandem facilitatem experitur in actibus aliarum virtutum. Quare opus est unicuiq; proprio habitu prudentiæ: sicq; non unus sed multiplex specie habitus est in viro sapiente: Qui tamen potest dici unus genere; quo modo Animal, quod specie multiplex est, potest dici unum genere. Adde etiam, dici unum per aggregationem & secundum ordinem ad eundem finem, quatenus omnes illi speciales habitus ad complendam rationis practicæ perfectionem conspirant; ex iis enim una veluti totalis seu universalis prudentia efflorescit, non tamen realiter distincta à prædictis specialibus prudentiæ habitibus. Ubi nota, plerosq; Morales philosophos qui res istas non adeò subtiliter examinant, cum de perfecta prudentia loquuntur, quasi de uno simplici habitu loqui; licet verè non simplex sit, sed compositus seu ex pluribus simplicibus habitibus constans.

Perfectam prudentiam non esse unam nisi per aggregationem multorum habituum specialium prudentiæ.

Dub.

Resp.

An verò præter illos multiplices habitus prudentiæ admittendus sit aliquis alius habitus cæteris omnibus eminentior, qui se applicet ad dirigendos quosvis quarumlibet virtutum actus, disputatur hoc loco. Probabilior autem videtur nobis eorum sententia qui totalem illum seu eminentem prudentiæ habitum explodunt tanquam inutilem & superfluum: sufficit enim ad constituendam mediocritatem in qualibet actione iudicium naturale practicum cum aliquo habitu speciali prudentiæ, præsertim cum omnis honesta actio versetur circa particulare aliquod objectum.

Quæstio I V.

Quinam sint actus seu officia prudentiæ.

Prudentiæ munus in genere est per se de mediis tantum sive de iis quæ sunt ad finem disponere, dirigendo

dirigendo nempe alias virtutes morales circa media ad earum fines obtinendos accommodatas; nè putes; prudentiam præstituerè finem virtutibus moralibus: id enim pertinet ad naturalem Rationem & Synderefin, quæ se habet ad Prudentiam ut intelligentia principiorum ad Demonstrationem. Ut autem prudentia aptè dirigat alias virtutes circa media, tria præstare debet 1. consultare, seu inquirere media; quod est inventionis: 2. deligere seu potius discernere quæ sunt aptiora ad finem; quod est iudicii: 3. præcipere ut quæ sunt inventa & delecta perficiantur; quod est imperii. Per hunc enim actum ratio intimat seu internâ quâdam locutione denunciat quid agendum sit: & quidem hic postremus est actus prudentiæ, ac finis rationis practicæ propinquior. Lege D. Thomam, 2. 2. qu. 47.

Triplex munus Prudentiæ in dirigendo.

Quæstio V.

Quenam sint partes integrantes prudentiæ.

TRIA in unaquaq; virtute morali partium genera solent assignari, ut scribit D. Thomas 2. 2. q. 48. Aliæ enim dicuntur partes Integrantes, aliæ Subjectæ, aliæ Potentiales. Integrantes appellantur, non quòd virtutem ipsam constituent seu componant, sed quòd ad perfectum ipsius virtutis actum necessariò desiderentur. Subjectæ verò sunt ex quæ sub illa virtute, tanquam species sub genere subjiuntur. Deniq; potentiales partes sunt, quæ virtute & potestate in eadem præcipua virtute continentur, & in quas ipsius præcipuæ ac totalis virtutis vis & potentia distribuitur.

Tripartita genera in virtutibus.
1. Integrantes,
2. Subjectæ,
3. Potentiales.

Quod spectat ad partes integrantes prudentiæ; tres generaies à quibusdam solent assignari; nempe, Sapientia seu Memoria præteritorum, Intelligentia præsentium, & Providentia futurorum: juxta illud Deut. 32. 28, 29. *Gens absque consilio est, & sine prudentia: Utinam sapient, & intelligerent, ac novissima providerent.* Sed omnium optimè D. Thomas qu.

Partes integrantes Prudentiæ.

cit.

Tria in habitu cognoscente spectanda.

cit. & seq. nempe 42. art. 1. & seq. octo enumerat partes integrantes prudentiæ; quæ sunt, Memoria, Intelligentia, Docilitas, Solertia, Ratio, Providentia, Circumspectio, Cautio: Quarum quinque priores spectant ad prudentiam quatenus est habitus cognoscitivus; tres verò posteriores ad eandem, quatenus præcipit & applicat cognitionem ad opus. Tria autem in habitu cognoscente spectari possunt: Primum ipsa cognitio; ad quam pertinet Memoria præteritorum, & intelligentia præsentium: Secundò, cognitionis acquisitio: quæ vel fit per disciplinam, & ad hanc pertinet Docilitas, quæ quis redditur promptus & facilis ad audiendas & capiendas aliorum sententias; vel per inventionem, ad quam pertinet Solertia, cujus est repentina mediolorum excogitatio: Tertiò, cognitionis usus, quo ex quibuscumque præcognitis mens ratiocinando ad alia progreditur; ad quem pertinet Ratio: Ut autem prudentia rectè præcipiat, tribus indiget: imprimis, Providentiâ, ut res futuras ad finem accommodatè disponat; deinde, Circumspectione; ut negotiorum circumstantias cautè diligentèrque attendat; denique, Cautione, ut impedimenta quæ acciderè possunt declinet ac removèat.

Quæstio. VI.

Quænam sint subjectæ partes prudentiæ.

Prudentia quadruplex: Regia:

Politica:

PARTES subjectæ sive species prudentiæ possunt ad duas præcipuas revocari: quatum altera uniuscujusque mores privatos moderatur, diciturque solitaria seu privata; altera verò spectat regimen alicujus multitudinis: quæ quadruplex ponitur à D. Thoma, 2. 2. q. 50. nempe, Regia, Politica, Oeconomica, & Militaris. Regia est, quæ is qui multitudinè præest, ipsam prudenter moderatur: Ad quam pertinet cuiusvis Magistratus prudentia; tum etiam ea, quam Aristoteles νομοθετικὴν appellat, Legistratorum propria. Politica est propria subditorum, quæ prudenter

segerunt Reipub. cives obtemperando principi communis boni gratiâ. Oeconomica spectat regimen familiaris; quæ alia est in iis qui præsunt, ut in parentibus ac dominis; alia in iis qui subsunt, ut in liberis & servis. Denique, Militaris spectat ad multitudinem militum quæ ad aliquod speciale negotium boni publici causâ ad tempus prudenter dirigi debet: quæ item alia est in duce, alia in militibus.

Oeconomica:

Militaria.

Questio VII.

Quenam sint partes potentiales prudentiæ.

PARTES potentiales prudentiæ, seu virtutes adjuvantes prudentiæ, sunt tres, nempe Eubulia, Synesis, & Gnome. Nam quemadmodum tres sunt actus seu officia prudentiæ, uti superius diximus: viz. Inquisitio mediorum, Judicium de mediis inventis, Præceptio sive imperium ut ea quæ judicata sunt efficiantur; in quorum ultimo prudentiæ vis maximè elucet; Ità ad hæc tria facillè exactèque præstanda tres sunt habitus: nempe, Eubulia, i. e. optima deliberandi ratio, quæ pertinet ad media facillè inveniendâ; Synesis, i. e. perspicientia in judicando, quæ pertinet ad bene judicandum de iis quæ lege aliquâ definita sunt: Gnome, i. e. sententia, quæ pertinet ad deferendum judicium de iis quæ non sunt lege aliquâ determinata, & tamen in praxin veniunt; in quibus major occurrit difficultas. Solet autem illud etiam discrimen afferri inter Synesin & Gnomen; quòd Synesis sit optima judicandi ratio secundum leges communes & ordinarias, Gnome verò non item, sed ejus sit judicare secundum altiora humanæ rationis principia. Ferunt etiam, Gnomen esse rectum judicium, quod non ex rigore legis, sed ex æquo & bono fertur de re propositâ.

Tres virtutes adjuvantes Prudentiæ.

Eubulia;

Synesis;

Gnome.

§. II. De

§. II. De Justitia.

Quæst. I.

Quid sit Justitia.

Justitia
virtutum
omnium
præstantis-
sima.

Justum Latini ab eo quod *Jus* dicitur appellarunt; à *justo* verò *Justitiæ* nomen deductum est. Est autem Justitia inter virtutes purè morales citra controversiam prima, non modò ratione objecti, sed etiam (ut plerique probabiliter arbitrantur) ratione subjecti: Cùm enim plerique Temperantiam ac Fortitudinem in infima animi parte collocassent, ut sensitivæ partis motus cohiberent; omnes uno consensu Justitiam in voluntate posuere, veluti cæteris virtutibus sedatiorẽ, & rationi viciniorem. Quòd autem ratione objecti sit cæteris præstantior, ex eo constat; quòd justitiæ propositum est, non tam propriis utilitatibus quàm alienis commodis consulere: quod eò præstantius censi debet quò est difficilius, eò divinius, quò pluribus est utilis.

Justitiæ
duplex, ac-
ceptio:
1,

Est autem acceptio *Justitiæ* duplex: Altera pro quovis genere virtutis, seu pro virtutum omnium cumulo. Ità legimus in sacris Scripturis passim viros probos appellari *justos*, & *justitiam* pro omni virtute indiscriminatim accipi; & e contrà, *injustos* appellari quosvis sceleratos, & *injustitiam* pro quolibet genere vitii usurpari. Unde illud Aristotelis ex Agathone, §. Ethic. 1.

Ἐν τῇ δικαιοσύνῃ περιέχεται πᾶς ἀρετὴ σι.

Justitia in sese virtutes continet omnes.

2,

Verùm hæc *justitiæ* acceptio impropria est, & universaliior quàm par sit; neque enim sic justitia ab aliis virtutibus distinguèretur. Altera igitur magis propria acceptio *justitiæ* est, pro eo duntaxat genere virtutis quo probè ad alios affecti sumus: unde omnis justitiæ propriè dictæ species ab Aristotele dicitur esse *πρὸς ἕτερον*, i. e. ad aliud, seu propter aliud.

Justitiæ
descriptio.

Itaque Justitiam propriè sumptam describit Aristoteles loco citato, *Quæ apti sunt homines ad res justas geren-*

perendas, quâq; justè agunt, & ea optant quæ justa sunt:

Sed hæc rudis est justitiæ delineatio. Paulò accuratior est ejusdem à Jurisperitis tradita definitio, ut dicatur, *Constans & perpetua voluntas jus suum cuique tribuendi*. In qua definitione, per *voluntatem* (ut explicat S. Thomas 2. 2. qu. 58. art. 1.) non est intelligenda ipsa animæ facultas, sed potiùs ipsiusmet. facultatis actus, per quem describitur habitus: Sic enim consuetum est optimis autoribus, habitum per actum definire; ut cùm dicit S. Augustinus. *Fides est credere quod non vides*. Additur, *constans & perpetua*; intelligas actum illum ab habitu, cujus propria est constantia & perpetuitas, proficisci. Denique, ultimo loco additur, *jus suum cuique tribuendi*; ut distinguatur actus justitiæ ab actibus cæterarum virtutum per proprium ipsius objectum, quod est Jus, sive Quod justum est. Cæterùm quia justitia non est actus propriè sed habitus, posset adhuc aptiùs in hunc modum definiri; nempe, *Habitus quo quis perpetuâ & constanti voluntate jus suum cuiq; tribuit*.

Accuratio-
definitio.

Alia adhuc
aptior defi-
nitio.

Quæstio II.

Quænam sint partes integrantes justitiæ.

Duo sunt quæ justitiæ munus explent; declinare à malo; & facere bonum: juxta illud Psalmistæ, *Declina à malo, & fac bonum*. Quo loco (ut explicat S. Thomas) *bonum & malum* non eodem sensu accipiuntur quo in cæteris virtutibus usurpantur (nam virtutes universæ id commune habent, ut quod bonum rectumq; est consecutentur, & malum devitent) sed eo pacto accipienda sunt ut *bonum* idem sit ac *alteri debitum*, *malum* verò, idem quod *alteri noxium*. Itaq; *facere bonum*, ut est pars justitiæ, est æquitatem tueri in iis quæ pertinent ad alterum: *declinare autem à malo*, est nemini injuriam inferre: Quò spectant illa juris præcepta: *Alterum non ledere, & Suum cuique tribuere*. Ubi cùm audis partem alteram justitiæ esse à malo declinare, seu neminem ledere;

Justitiæ
munus du-
plex.
Psal. 36. 27

Facere
bonum.
Declinare
à malo.

cave

cave putes partem istam justitiæ in otio veluti inertem jacere; sed potius in quodam affectu voluntatis malum omne alteri perniciosum repudiantis. Cæterum dicuntur ista duo partes justitiæ, sive generalis sive specialis, integrantes, quia utrumq; eorum requiritur ad perfectum actum justitiæ: ita tamen ut illud prius, nempe *declinare à malo*, sit actus imperfectior, & pars justitiæ veluti materialis ac dispositiva; hoc verò posterius, nempe *facere bonum*, sit actus nobilior, & pars justitiæ veluti formalis & completiva.

Quæstio III.

Quenam sint partes subjæctæ seu species justitiæ.

Justitia in genere duplex est, autore Aristotele, 5. Ethic. 1. Altera Generalis seu Legalis dicitur; altera Specialis & Privata. Illa dicitur quâ quis probè affectus est erga alios publici boni gratiâ; hæc verò, quâ quis probè affectus est erga alios propter bonum ipsorum proprium: Itaq; generalis spectat bonum politicæ; specialis, bonum cujusque: Illa est universalis quædam obedientia erga omnes leges societatis politicæ; hæc verò, æqualitatis observantia in rebus distribuendis aut contrahendis: Illa legum præcipuè auctoritate ducitur; hæc, magis æqualitate personarum. Cui duplici generi Justitiæ Jus quoq; duplex respondet apud Aristotelem, 5. Ethic. 2. unum Legale, alterum Æquale. Eòdem spectat Juris distributio à Jurisperitis tradita, in jus Publicum & jus Privatum. Publicum definiunt, quod ad statum Reip. spectat; privatum verò, quod ad singulorum utilitatem pertinet. Illud est objectum justitiæ legalis; hoc verò, objectum specialis. Verùm de utroq; genere justitiæ sigillatim aliquid dicendum est.

Justitia duplex: Generalis, Specialis.

Jus item duplex:

Publicum, Privatum.

Quæstio IV.

De justitia Generali seu Legalis.

Justitia generalis seu legalis est sic appellata.

Species hæc justitiæ tum Generalis cum Legalis appellatur: Generalis quidem, non quod sit ipsa justitia

justitia in genere (sic enim non esset justitiæ species, opposita Speciali) sed quod bonum pluribus commune primò & per se spectet; Legalis verò, quia ad ipsam pertinet æquas leges condere, & conditas observare. Et licet interdum Aristoteles videatur innuere, justitiam generalem esse eandem cum universa virtute, seu cum omnium virtutum cumulo: hoc tamen non debet sic intelligi, quod justitia legalis sit omnis virtus, sed quod illam omnis virtus comitetur; vix enim quis legalem justitiam perfectè potest exercere nisi aliarum virtutum subsidio roboretur. Adde, quod objectum per se & proprium justitiæ legalis, quod est Bonum commune, sit simul finis ad quem cæteræ virtutes ultimò referuntur, licet non sit proprium illarum objectum. Ubi nota, objectum justitiæ legalis non esse bonum quodvis pluribus commune, sed bonum commune totius Reip. idq; prout haberi potest religiosâ quâdam observantiâ eorum omnium quæ jure publico sancita sunt: Potest enim alia ratione bonum commune procreari; ut cùm affectu quodam pietatis parentibus & patriæ succurrimus. Est autem justitia legalis duplex: altera nobilior, in magistratibus, principe, ac præsertim legislatoribus; quæ specialiter *Nomothetica* dicitur, i. e. legum conditrix: altera minùs præcipua, in subditis; ut in civibus, populo, plebe.

Objectum
justitiæ le-
galis.

Justitia le-
galis di-
plex.

Quæstio V.

De justitia Speciali.

Habitum justitiæ specialis distinguit ab habitu justitiæ generalis, vel ex ipsius objecto intelligitur, quod est *jus Æquale*, cùm objectum justitiæ generalis sit *jus Legale*. Ubi per *jus æquale* intelligitur id omne quod justum est ex æqualitate, quale in commutationibus (venditionibus scilicet. emptionibus, &c.) reperitur: per *jus verò legale* intelligitur id omne quod lege, præsertim civili, cautum est pro totius Reip.

Jus æquale est objectum justitiæ Specialis.

Reip. bono; cujusmodi sunt ea quæ per leges sumptuarias, & similes statuuntur. Et quidem de ista speciali justitia maximè accipienda est justitiæ definitio in genere tradita & superius explicata, nempe, *Constantis & perpetuæ voluntas jus suum cuique tribuendi*; ubi videntur Jurisconsulti loqui de jure alterius cujusq; proprio seu privato.

Ejus duæ species: Distributiva; Commutativa.

Cur distributiva servet proportionem Geometricam; Commutativa Arithmetica.

Jus duplex.

Justitia Distributiva duplex.

Quod spectat ad species seu partes subjectas hujus specialis justitiæ, duæ ab Aristotele, 5. Ethic. 2. non immeritò assignantur; Distributiva nempe, & Commutativa: Quarum illa posita est in distribuendo honore, pecuniis, præmiis & pœnis inter eos qui in civili societate versantur; hæc verò tota in commutationibus, pactis, rebusq; contrahendis consistit: Illa personarum maximè rationem habet; hæc, rerum: Illa imprimis pertinet ad regem & magistratus; hæc verò, ad omnes: Illa pluribus simul jus tribuit; hæc verò, uni duntaxat vel alteri: Denique, illa proportionem seu analogiam geometricam; hæc verò, arithmetica servat. Cujus ratio est, quòd in distribuendis rebus habenda sit ratio dignitatis & meriti cujusque, ità ut id quod tribuitur sit majus vel minus pro personæ dignitate: at verò in rebus commutandis habenda sit ratio æqualitatis accepti & debiti seu redditu, ità ut id quod redditur sit æquale secundum proportionem Arithmetica ei quod est acceptum; in quo locum non habet personæ meritum vel dignitas. Itaq; in distributiva justitia comparandæ sunt res cum personis; ex qua comparatione nascitur Geometrica proportio: in commutativa verò res inter se computantur, nempe res accepta cum debita seu reddendâ aut redditâ; unde nascitur Arithmetica proportio. Et quidem huic duplici justitiæ respondet jus duplex ab Aristotele traditum 5. Ethic. 4. alterum quod vocat *διανεμτικὸν*, in rebus distribuendis; alterum quod vocat *δοροδωτικὸν*, in contrahendis negotiis positum. Est autem distributiva justitia duplex: altera Remunerativa, quæ honores

res & magistratus, & alia id genus beneficia pro cuiusque dignitate & meritis distribuit; altera Punitiva, quæ similiter nocentes ut par est suppliciis afficit.

Quoniam autem iustitia commutativa tota est in *Justitiæ commutativa species* commutationibus posita; idcirco tam varia esse potest quam variæ esse possunt commutationum voluntariarum species. Dico *voluntariarum*; quia sunt commutationes quædam involuntariæ, quæ minùs propriè dici possunt commutationes. Voluntariæ commutationes fiunt, cum res aliqua ex consensu utriusque partis transfertur in alienam personam cum ratione debiti. Dico *cum ratione debiti*: si enim omnino transfertur absque ulla spe compensationis, erit actio Liberalitatis non Justitiæ. Potest autem aliquid prædicto modo transferri tribus modis generatim; ex quibus existunt variæ species commutationum. Primo modo potest res omnino non modò quoad usum sed etiam quoad dominium transferri acceptâ æquali remuneratione; unde existunt Venditio & Emptio. Secundo modo potest res transferri tantum quoad usum: Et quidem si usus gratis concedatur in rebus quæ fructum afferant, erit Ususfructus; si verò usus concedatur in rebus quæ non fructificant, dicetur Mutuum sive Commodatum. Quòd si usus non gratis concedatur, in rebus mobilibus dicetur Locatio; in immobilibus verò, Conductio. Denique, tertio modo potest aliquid transferri ita ut nec dominium nec usus alteri concedatur, sed tantum vel ut res apud ipsum conservetur, ut in Deposito; vel ut satisfiat obligationi, ut in Pignore & Fidejussione contingit. His adde simplicem Pollicitationem, quam non antecessit petitio promissionis; Stipulationem, quæ est promissio præcedente ipsius promissionis petitione; Transactionem, quæ stipulatio quædam est circa rem litigiosam, seu in qua lis præcessit. Denique pacta omnia, conventiones & contractus innominati pertinent ad justitiam commutativam. Porro, commutationes involuntariæ dicuntur quæ fiunt nobis involuntariæ.

Earum varia species.

1.

2.

3.

Commutiones involuntariæ.

tis; ut cùm quis invito domino utitur re, operâ, vel personâ alterius; quod contingit aut occultè, aut apertè per vim: inde Furta, Rapinæ, Veneficia, Clades, Contumeliæ, Adulteria, Raptus.

Quæstio VI.

Quenam sint partes potentiales justitiæ.

*Partes po-
tenciales
Justitiæ:*

PARTES potentiales seu virtutes annexæ Justitiæ sunt hæ præcipuæ; Religio, Pietas, Observantia, Obedientiæ, Veritas, Gratitude, Liberalitas, Affabilitas, Amicitia: De quibus sigillatim aliquid dicendum est.

1. Religio;

Religio est Virtus quâ quis rectè afficitur ad Deum colendum & venerandum: Cujus virtutis objectum non tam est Deus quàm ipsius Dei cultus, licet Deus quatenus colendus possit aliquo modo dici ejusdem virtutis objectum. Ubi nota, Sanctitatem & Religionem non nisi ratione distingui; quòd *religio* dicatur quatenus homo debitum exhibet famulatum in iis quæ peculiariter pertinent ad cultum Divinum; ut in votis, sacrificiis, oblationibus, &c. *Sanctitas* autem, quatenus homo non solum hæc sed etiam aliarum omnium virtutum opera refert in Deum: Etenim ea quæ ad Deum colendum referuntur, habentur *sancta*. Nota etiam, *pietatem* non raro tum pro Religione cùm pro Sanctitate indiscriminatim accipi. Cæterum religionis actiones nonnullæ propriæ dicuntur, per quas homo immediatè ordinatur ad Deum; ut Oratio, Sacrificium, &c. Nonnullæ minùs propriæ, quæ mediantibus aliis virtutibus exercentur; quo modo *visitatio pupillorum & viduarum* à D. Jacobo dicitur *vel gio munda & immaculata apud Deum*. Porro, actiones religionis propriæ sunt adhuc duplicis generis: quædam interiores, ut duæ istæ, Devotio & Oratio; quædam verò exteriores, nempe Adoratio, Sacrificium, Votum, Juramentum, Adjuratio, Laus. Devotio est Actus voluntatis pa-

*Quæ differe-
rat à San-
ctitate.*

Pietas.

*Quæ sunt
præcipui
actus Reli-
gionis.*

Jac. 1. 27.

*Actus in-
terni:
Externi.*

ratæ ad præstanda ea quæ ad Dei cultum & gloriam spectant. Oratio est Petitio decentium à Deo. Adoratio est, quâ non solum mente, sed etiam externâ corporis significatione Deo reverentiam exhibemus. Sacrificium latè sumptum (quod varias species continet) est Oblatio rei alicujus externæ Deo religiosè facta, quâ nos ipsius imperio subditos esse profiteamur. Votum est Deliberata promissio de aliquo bono Deo facta. Juramentum est Assumptio Divini nominis ad alicujus rei confirmationem religiosè facta. Adjuratio est Invocatio Divini nominis, quâ quempiam deprecando aut compellendo ad aliquid faciendum aut non faciendum inducimus. Laus est Assumptio Divini nominis in vocali cantu. Et hi sunt præcipui actus Religionis quæ est prima virtus annexa Justitiæ. Sequitur Pietas, per quam sanguine junctis patriæque officium & cultum exhibemus : Quam alii Charitatem malunt appellare, cum Pietatem soli Deo tribuendam esse censeant. Observantia est, per quam iis qui dignitate aliquâ præcellunt honorem cultumque deferimus: quo modo observantiam exhibemus viris doctis, probis, & personam publicam gerentibus. Obedientia, est, quâ voluntas prompta & facilis redditur ad superioris præcepta implenda. Veritas est, quâ quis verbis & factis talem se demonstrat qualis in se est. Gratitude est Virtus quâ iis qui de nobis bene meriti sunt gratias non solum habemus & agimus, sed etiam cum possumus referimus. Liberalitas dicitur, quâ quis dispensat pecunias, & ea quæ pecuniis æstimantur in bonos usus sibi, suisque, & aliis. Affabilitas est, quâ quis in communi hominum consuetudine mediocriter & uti decet se habet, studetque quantum potest omnibus benignè obsequi. Amicitia virtus est, quâ aliqui mutuam apertamque benevolentiam habent, & se invicem bonis affici volunt. Ex quo intelligere est, discrimen inter affabilitatem & amicitiam; quòd hæc inter notos duntaxat, illa verò inter quosvis,

etiam ignotos, cernatur : deinde, quòd hæc in affectu maximè, illa verò in sermone & vitæ consuetudine maximè posita esse videatur. Sed hæc de partibus Justitiæ satis.

Quæstio VII.

De Lege.

Cum justitia circa jus versetur, & justitiæ actus sit jus ipsum reddere, locus hic postulat ut de Jure nonnihil disseramus. Verùm quia summa est Legis & Juris consensus, ut unum absque altero non possit intelligi ; præsertim cum lex sit juris regula, imò sit ipsa juris constitutio: idcirco prius de Lege dicendum est : De qua tria explicanda sunt; nempe, Quid sit, Quotuplex sit, & Quomodo obliget.

1. Difficultas; Quid sit Lex.

Quod igitur spectat ad primum ; Lex in genere optimè definitur, Rationis ordinatio homini quid agendum quidve non agendum sit ostendens, in commune bonum instituta. Cujus definitionis tres sunt partes explicandæ. Primò igitur dicitur Lex, *rationis ordinatio*; ut intelligas, legem esse opus rationis seu intelligentiæ : Cum enim proprium sit rationis imperare, sit autem lex recta ratio præcipiendi atque prohibendi; quod ad imperium pertinet, à ratione ducatur necesse est. Secundò additur, *homini quid agendum sit quidve non agendum ostendens* : Quibus verbis exprimitur ipsius legis munus, quod est jubere bona, vetare mala: simulque tria quæ ad istud munus necessaria sunt, subindicantur ; nempe, legis ipsius æquitas, autoritas, & promulgatio. Æquitas quidem in tantum ad rationem legis pertinet, ut nisi æqua sit non sit lex. Autoritas etiam necessaria est ut aliqua rationis ordinatio vim legis habeat: quare non est cujuscunque, leges condere, sed ejus qui potestatem habeat; nempe vel multitudinis, vel personæ publicæ quæ multitudinis curam gerit. Denique, necessaria est promulgatio seu sufficiens declaratio ejusdem ordina-

Tria ad legem necessaria:

1. Æquitas.

2. Autoritas.

3. Promulgatio.

dinationis; alioqui non obligat; nec proinde rationem legis propriè sibi vendicat. Tertiò dicitur, ad commune bonum instituta; ut scias finem institutæ legis esse bonum societatis humanæ.

Quod spectat ad secundum; Lex universim & latè sumpta, juxta D. Thomam 1. 2. qu. 91. bipartitò dividi potest; in legem Æternam, & legem Participatam. Lex verò participata juxta eundem tripartitò dividitur, in Naturalem, Humanam, & Divinam. Ratio prioris divisionis, in æternam & participatam, ex eo petitur, quòd cum lex sit regula & mensura, dupliciter potest esse in aliquo: uno modo, sicut in regulante & mensurante; alio modo, sicut in regulato & mensurata. Est igitur in Divina mente tanquam in regulante lex quæ Deus ipse totum hoc universum, ac præsertim rationales creaturas, gubernat ac dirigit. Et quia Divina ratio nihil concipit ex tempore, lex illa sempiterna esse debuit, & quasi ab omni æternitate Divino verbo edicta, & in libro vitæ æternæ sempiternis characteribus descripta. Cùmque omnia quæ Divinæ providentiæ subduntur, à lege illa æterna regulentur ac mensurentur; hinc fit, ut omnia aliquâ ratione legem æternam participant: Sed inter cætera creatura rationalis modo quodam excellentiori Divinæ providentiæ subjacet: unde omnis illa lex quæ homines ad finem sive naturalem sive supernaturalem diriguntur, participatio quædam est legis æternæ. Est autem lex participata triplex; Lex partinempe, Naturalis, Humana, & Divina: Quarum duæ priores dirigunt hominem in ordine ad finem naturalem; postrema verò, in ordine ad finem supernaturalem.

Ut autem intelligas quòd differant inter se lex naturalis & humana, sciendum est, quòd quemadmodum eorum principiorum quæ pertinent ad veritatis contemplationem, quæque theoretica dici possunt, alia sunt generalissima & lumine naturali notissima, alia verò minùs generalia & minùs nota, quæ ex generalissi-

II. Quotuplex sit Lex. Æterna, Participata.

Lex participata triplex.

Quòd differant lex Naturalis & Humana.

Note.

*Lex hu-
mana tri-
plex.*

1. *Secula-
ris:*

2. *Ecclesi-
astica.*

*Divina lex
duplex,*

*Vetus &
Nova.*

*In lege Di-
vina qua-
dam sunt
de jure na-
turali:*

*Quaedam
de jure
positivo.*

lissimis ut theoreticæ rationis deducuntur: ita eorum principiorum quæ pertinent ad mores & vitæ agendæ rationem, quæque practica dici possunt, alia sunt notissima & generalissima, in quibus lex naturalis est posita; alia verò minùs nota & minùs generalia, quæ ex illis generalissimis vi rationis practicæ deducuntur: in quibus humana lex est posita. Ex quo intelligere est, leges humanas non posse adversari naturæ decretis, licet plerunque ipsæ inter se dissentiant, & publicæ utilitatis causâ interdum immutari possint & inflecti; cum lex naturalis eadem apud omnes semper existat.

Cæterùm lex humana est duplex: alia secularis, ad quam spectat jus Gentium & Civile: alia Ecclesiastica, ad quam spectat jus Canonicum. Lex secularis (quæ vulgò civilis appellatur) ea est quæ à potestate seculari est instituta: nimirum, ab Imperatore, Rege, vel alio Principe, vel etiam à Republica, Magistratu, aut aliqua communitate: Ecclesiastica verò, quæ ab ecclesiastica potestate instituta est; nimirum, à Concilio, Papa, Episcopo, vel alio Prælato. Dicitur alio nomine Canonica, i. e. regulativa: *Canon* enim idem est quod *regula*.

Quod spectat ad legem Divinam quatenus à merè naturali & humana distinguitur, definiri potest, ea quæ à Deo hominibus est revelata, ut per eam ad finem supernaturalem homines dirigerentur: Estque ea duplex; altera vetus, altera nova. Illa à Deo per Moysen Israelitico populo, hæc verò per Christum omnibus hominibus est ad salutem promulgata. Porro, utraque continet quædam præcepta quæ dicuntur de jure naturali, quia licet à Deo sint revelata, possunt tamen ab hominibus naturali lumine percipi: ut in Veteri Lege, præcepta Moralia Decalogi: & in Nova permulta sunt quæ ad mores pertinent: quædam etiam quæ dicuntur de jure positivo, quæ non potuissent hominibus nisi per revelationem innotescere: hujusmodi fuerunt in V. T. præcepta Cæremoni-

monialia, & pleraque Judicialia: in Evangelio verò, præcepta Fidei & Sacramentorum. Sed hæc satis de divisione legum.

III Difficultas erat de obligatione legum. Tenendum igitur est, Legem æternam non obligare nisi quatenus per legem participatam innotescit: deinde, Legem naturalem, & Divinam quæ dicitur de jure naturali, obligare omnes, nec aliâ egere promulgatione præter eam quæ fit per lumen naturale, quod est omnibus à natura congenitum. Quod verò spectat ad legem humanam, sive Politicam sive Ecclesiasticam, non obligat nisi sit promulgata, deinde usu recepta, non derogata per contrariam consuetudinem, nec invincibiliter ignorata. Lex verò Divina, præsertim Evangelica quæ est de jure positivo, ubi primum innotescit, obligat, & sola invincibilis ignorantia excusat ab ipsius observatione. Cæterum licet naturalis & Divina frequenter obligent ad mortale, non tamen semper: humana verò tunc obligat ad mortale, cum talis est intentio legislatoris & innotescit: deinde, cum res quæ jubetur vel vetatur, est magni momenti; deniq; cum graves pœnæ violentibus indicantur.

III. Quo-
modo lex
obliget:
Æterna:
Naturalis:

Humana:

Divina.

Quæstio VIII.

De Jure.

DE Jure tria sunt breviter explicanda: primò, Quotuplex sit acceptio *juris*; secundò, Quid sit jus propriè dictum; tertio, Quotuplex sit jus propriè dictum.

Quod igitur spectat ad primum, nomen *Juris* est valde ambiguum: Primum enim valdè impropriè accipitur pro loco ubi jus dici solet; ut cum dicitur aliquis *in jus trahi*. Secundò, pro potestate seu autoritate aliqua; ut cum dominus dicitur *habere jus in servos*. Tertio, pro legum omnium coacervatione: quo modo *juris* nomen accipitur in hoc vocabulo *Jurisprudentiæ*; quæ idcirco definitur, Legum omnium peni-

I. Difficul-
tas. Quæ
sint juris
acceptioes:
1.
2.
3.

4. peritia. Quartò, pro lege qualibet iusta: quo modo accipi potest *Jus*, cum dividitur in Naturale, Gentium, & Civile; item, cum dividitur in jus Divinum & Humanum; item, in jus Civile & Canonicum. Quintò, *jus* maximè propriè accipitur Materialiter quidem pro rebus seu actionibus æquis & iustis: quo modo dicimus *jus* esse alteri *debitum reddere*, & ipsum etiam debitum quod redditur, *jus* appellamus: Formaliter verò, pro æquitate ipsa quæ reperitur in rebus & actionibus iustis, præsertimq; in rerum commutatione & distributione, quæq; etiam in rebus dandis, accipiendis vel distribuendis ab æquo judice ponitur, aut quopiam homine iusto servatur: quo modo in istis loquendi formulis usurpatur, cum dicitur quis *jus statuere*, *jus postulare*, *jus dicere*, *jus servare*, *jus reddere*.

II. Quid sit *jus*.

Jus est id reipsa cum debito.

Quomodo ex lege & facto *jus* nascatur.

III. Quomodo sit *Jus*.

Quod spectat ad secundam difficultatem; *Jus* in hac postrema acceptione formaliter spectatum, est Relatio quædam æqualitatis & proportionis inter meritum & debitum, sive meritum illud sit rei traditæ, vel pacti, ut contingit in rerum commutatione; sive sit facti, ut contingit in actionibus quibus præmium vel supplicium ex lege debetur. Ubi per *meritum* intelligimus id omne pro quo aliquid jure exigitur; per *debitum* verò, id omne quod pro merito tribui debet. Ex quo intelligis, *jus* idem esse realiter cum debito, quatenus debitum est æquale merito.

Ut autem intelligas quomodo verum sit quod dicitur, *jus ex lege & facto nasci*; sciendum est nobilissimum illum actum justitiæ qui à persona publica, nempe judice, exercetur, comparari posse demonstrativo syllogismo: in quo lex tenet locum majoris propositionis; Factum verò minoris, deniq; *Jus* conclusionis: ut patet in hoc syllogismo,

Omnis homicida puniri debet: en lex!

Atqui Milo est homicida: en factum!

Ergo puniatur Milo: en *jus*!

Quod spectat ad tertiam difficultatem; Cum uni-

cuiq;

cuiq; legi *jus* suum correfpondeat (est enim lex juris constitutiva) hinc fit *jus* eodem terme modo dividi soleat quo Lex ipsa. Est autem tradita à Jurisperitis hæc juris divisio, in Publicum & Privatum. Illud dicitur quod ad statum totius reipub. pertinet, spectatq; ad justitiam legalem: hoc verò ad singulorum utilitatem pertinet, spectatq; ad justitiam specialem. Rursus *jus* privatum triplex assignatur; nempe, *jus* Naturale, Gentium, & Civile: Primum definiunt, quod natura omnia animalia docuit; alterum verò, quod naturalis ratio inter omnes homines constituit; tertium denique, quod quisq; populus sibi constituit. Jus autem civile aut scriptum est aut non-scriptum: Scriptum dici potest quod aut Lege statuitur, aut plebiscito, aut Senatusconsulto, aut Principum placitis, aut Magistratum edictis, aut responsis Prudentium; non scriptum verò, quod ab antecessoribus traditum solà consuetudine firmatum est.

Est etiam aptissima juris divisio in Naturale & Positivum: Illud dicitur quod est à natura, omnibusq; naturali lumine innotescit: Positivum verò, quod lege aliquâ expressâ positum est, nec nisi voce aut scripto promulgatum hominibus innotescit: Estq; istud duplex; nempe Divinum, & Humanum: illud à Deo immediatè, hoc ab hominibus constitutum. Rursus, Divinum est vel vetus vel novum, quod veteri vel novo testamento continetur: Humanum verò, aut Civile est, quod à potestate seculari; aut Canonicum, quod à potestate ecclesiastica positum est.

§. III. De Fortitudine.

Quæstio I.

Quid sit Fortitudo.

Fortitudo & dignitatis & naturæ ordine temperantiam præcedit. Quanto enim præstantius est, honesta aggredi, quàm turpia refugere; & quanto majoris

*Fortitudo
Temperan-
tiam ante-
cellit.*

majoris est animi, fortiter dolorem sustinere, quàm à voluptate abstinere, tantò fortitudo temperantiæ præstat: Et sicut bonum malo naturà prius est: sic prius est, bonum velle aggredi, quod est fortitudinis; quàm à malo recedere, quod est temperantiæ. Neq; enim à malo deflectimus nisi alicujus boni gratiâ: & quamvis fuga mali prosecutionem boni ordine executionis antecedit, non tamen ordine intentionis.

Fortitudo
dupliciter
accipitur.

1.
2.

Fortitudi-
nis defini-
tio.

Triplici mo-
do dicitur.
virtus circa
aliquid
versari.

Ut autem intelligas in quo posita sit vis & ratio fortitudinis, notandum est, *fortitudinem* dupliciter accipi: Primò quidem, pro omni animi firmitate quæ in cujullibet virtutis actione reperitur: quo modo non est virtus à cæteris distincta, sed potiùs conditio ad omnem virtutem requisita. Altero modo accipitur *fortitudo* prout significat specialem quandam animi firmitatem in suscipiendis periculis laboribûsq; perferendis: quo modo est specialis virtus, definiturq; ab Arist. 2. Ethic. 7. & 3. Ethic. 6. *Mediocritas circa metum & audaciam.* Ad cujus definitionis intelligentiam notandum est, *metum & audaciam* dupliciter accipi. primò quidem pro vitiis extremis, inter quæ media consistit fortitudo; altero modo, pro passionibus appetitûs irascibilis, quo modo accipiuntur in supradicta definitione. Notandum est præterea, virtutem circa aliquid versari tribus modis: 1. tanquam circa aliquid fugiendum; quo modo dici potest fortitudo saltem improprie versari circa Metum & Audaciam in priori acceptione: 2. tanquam circa aliquid dirigendum ac temperandum; quo modo fortitudo dicitur magis proprie versari circa Metum & Audaciam in posteriori acceptione: 3. tanquam circa aliquid amplectendum; quo modo fortitudo dicitur etiam proprie versari circa Labores, Dolores, & Pericula.

Duo actus
fortitudi-
nis: Sustine-
re &
Aggredi.

Quæstio II.

Quinam sint fortitudinis actus.

FORTITUDINIS actus duo sunt præcipui; nempe, Sustinere, & Aggredi. Cum enim fortitudo cir-
ca

ea audaciam & timorem versetur; timorem reprimat, difficultatem sustinendo; audaciam verò, periculum *Tractat* caute aggrediendo, moderatur. Ex his autem duobus *sustinet e* præstantior est sustinentia quàm aggressio; ut docet *quàm ag-* Aristoteles 3. Ethic. 9. & D. Thomas 2. 2. qu. 123. *gressi.* art. 6. Etenim magis arduum est, timorem reprimere, quod fit sustinendo; quàm audaciam refrænare, quod aggrediendo fit: Nam ipsum periculum, quod est objectum audaciæ & timoris, cum ex se conferat aliquid ad reprimendam audaciam, nihil juvat ad cohibendum, sed potiùs confert ad augendum timorem.

Porro, inter speciales actus fortitudinis, principem locum obtinet apud Christianos Martyrium. *De Ma-* Nam fortitudinis est, firmare animum in bono con- *tyrio.* tra timorem; Martyr autem firmatur in bono fidei & religionis contra timorem rei omnium acerbissimæ maximèq; formidolosæ, videlicet mortis. Quòd si objicias, Martyrium videri potiùs actum Charitatis *Objec.* quàm Fortitudinis, juxta illud Joan. 15. 13. *Ma-* *orem hanc dilectionem nemo habet, quàm ut animam suam ponat quis pro amicis suis;* respondet D. Thomas, 2. 2. q. 124. art. 2. ad 2. *Martyrium esse actum* utriusq; *Rel.* virtutis: *charitatis* quidem, ut imperantis; *fortitudinis* verò, ut elicientis: *Charitas* enim inclinatur ad actum *martyrii* sicut primum & principale motivum per modum virtutis imperantis; *fortitudo* autem, sicut motivum proprium per modum virtutis elicientis. Censetur autem actus aliquis esse ejus virtutis proprius à qua elicitur. Cum tamen ab utraq; virtute procedat Martyrium, hinc fit ut utriusq; sit manifestativum; & quidem maximè charitatis, juxta illud Joann. 15. *Majorum,* &c. eò quòd tantò magis ostenditur quisquam personam aliquam amare, quantò pro ea rem magis amatam contemnit, & magis odiosam diligit: at martyr Divini amoris causâ vitam propriam contemnit, & mortem cum acerbissimis doloribus conjunctam libentissimè amplectitur.

Quæstio III.

Quenam sint partes fortitudinis.

*Species
Fortitudi-
nis nullæ.
Quatuor
virtutes illi
annexæ :*

1. *Fiducia
seu Ma-
gnanimi-
tas;*

2. *Magni-
ficentia;*

3. *Patien-
tia.*

PARTES fortitudinis subjectæ seu species nullæ assignantur, quia virtus hæc versatur circa materiam valde specialem, quæ plures virtutum species constituere nequit. Partes verò integrantes (quæ sub alia consideratione *potentiales* appellantur) quatuor sunt: nempe, Fiducia seu Magnanimitas; Magnificentia; Patientia, ad quam spectat Longanimitas; & Perseverantia, ad quam pertinet Constantia: Quæ ex duplici actu fortitudinis, nempe *aggredi* & *sustinere*, colliguntur; nam dux ex illis priores ad aggrediendum, dux verò posteriores ad sustinendum desiderantur. Ad aggrediendum duo sunt necessaria: Quorum unum pertinet ad animi præparationem; ob quam ponitur Fiducia seu Magnanimitas, quâ quis parato promptq; animo est ad res arduas & difficiles aggrediendas: Alterum pertinet ad operis effectiorem, nimirum ut animus in re quam semel aggressus est non succumbat, sed semper generosè & magnificè (ut ita loquar) se gerat in operando; ideòq; ad magnanimitatem addi debet Magnificentia. Et si quidem hæc dux virtutes ad materiam peculiarem fortitudinis, nempe ad mortis pericula, referantur, erunt partes integrantes fortitudinis; quia sic ipsam fortitudinem quasi integrant & componunt: quòd si ad alias referantur materias in quibus difficultas minor est, ut ad Sumptus & Honores, tunc erunt partes fortitudinis *potentiales*; sic enim non includunt totam fortitudinis vim, & tamen ad perfectum illius habitum exiuntur. Ad sustinendum verò duo similiter desiderantur: Alterum, nè animus nimio impendentis mali timore consterneretur; quò spectat Patientia (cui adjungitur Longanimitas, quâ quis res magnas quæ procul absunt exspectat:) cum enim diuturna rei magnæ exspectatio tristitiam afferat, juxta illud Sapientis, Prov. 13. 12. *Spes quæ differtur affligit ani-*

nam, ad eam æquanimitè ferendam patientia desideratur. Alterum quod ad sustinendum requiritur, est, nè ex diuturna rerum molestiarum perpeffione animus ægritudine elidatur; quò spectat Perseverantia: cui adjungitur Constantia, quâ munimur ut difficultates ex aliquibus externis impedimentis subortas exsorbeamus. Quod autem diximus de duabus virtutibus requisitis ad aggrediendum, idem sentiendum de duabus istis virtutibus necessariis ad sustinendum, Patientiâ inquam & Perseverantiâ; Illas scilicet, quatenus spectant ad materiam peculiarem fortitudinis, esse partes ipsius integrantes; quatenus autem circa alias materias minùs arduas versantur, esse partes ejusdem potentiales, ab ipsa quidem distinctas, eidem tamen conjunctas. Lege D. Thomam, 2. 2. qu. 128.

4. Perseverantia. Istæ virtutes dici possunt non tantum partes integrantes, sed etiam potentiales.

§. IV. De Temperantia.

Quæstio I.

Quid sit Temperantia; & quodnam ejus objectum.

Temperantia dici potest quælibet virtus quatenus in quovis animi motu modum servat: Verùm specialiter & magis propriè accipitur pro ea tantum virtute quæ in moderandis voluptatibus est posita. Quare non malè ab Aristotele 3. Ethic. 10. definitur, *Mediocritas circa sensuum, ac præsertim tactus gustusque, voluptates.* Quæ descriptio ut facilius intelligatur, notandum est, sicut fortitudinis ita quoque temperantiæ triplex objectum assignari: nempe, Fugiendum; quod maximè est intemperantia, aut si mavis, nimius cibus, potus, &c. Dirigendum; quod est voluptas, imprimis sensuum, & naturalis eorum rerum cupiditas & appetitio: denique, Expetendum; nempe, moderatus cibus, potus, & cætera ejusmodi, quæ pertinent tum ad individui cum ad speciei conservationem. Cæterum ex supradicta descriptione intelligis, temperantiam non versari propriè circa voluptates quaslibet, sed circa voluptates corporis duntaxat, præsertimque eas quæ ad gustum & ta-

Temperantiæ descriptio.

Objectum triplex.

etum pertinent; quales sunt quæ ex potu, cibo & rebus venericis capiuntur (sunt enim istiusmodi voluptates eò cæteris majores quò sunt naturæ conjunctiores, utpote quæ vel ad individui vel ad speciei conservationem pertineant); licet non sit negandum, alias etiam aliorum sensuum voluptates ad hanc specialem virtutem per se etiam pertinere, sed non tam propriè.

Quæstio II.

Quenam sint partes temperantiæ.

*Temperantiæ partes
subjectivæ
quatuor;*

*Integrantes
duæ;*

*Potentiales
quatuor.*

Cum tria partium genera in qualibet virtute ut plurimum reperiantur, subjectivæ, integrantes, & potentiales; quod spectat ad partes subjectivas hujus virtutis, quatuor numerantur: nempe, Abstinencia, Sobrietas, Castitas, & Pudicitia: Quarum duæ priores circa ea quæ ad victum, duæ verò posteriores circa ea quæ ad generationem pertinent, occupantur: & quidem Abstinencia circa cibum; Sobrietas circa potum, Castitas (quæ est triplex, nempe Virginalis, Vidualis, & Matrimonialis) circa usum rei venericæ, pudicitia circa venericorum signa (qualia sunt aspectus, oscula, &c.) versatur. Partes integrantes duæ sunt; Verecundia, & Honestas: Quarum illa à turpibus & inhonestis cupiditatibus retrahit; hæc verò ad ea quæ decent allicit. Denique, partes potentiales quatuor præcipuæ numerantur à S. Thoma 2. 2. qu. 143. art. 1. nempe, Continentia, Clementia, Humilitas, & Modestia: Quarum prima est, quâ resistimus pravis & effrænatissimis libidinibus; secunda, quâ superiores erga subditos facillimè placantur; tertia, quâ æquales inter se facillimè conciliantur; quarta, quâ nihil plus æquo dicitur, desideratur, agitur. Cæterum ad hanc revocari possunt, Moderatio, quæ corporis gestum temperat; Eutrapelia, quæ in jocis & ludis modum servat; Ornatus, qui corporis vestitum moderatur; deniq; Simplicitas, quæ nimiam in hisce rebus inquirendis & concinnandis sollicitudini modum ponit. Sed hæc de quatuor virtutibus Cardinalibus breviter pro nostro instituto dicta sint.

Tertia

Tertia Disputatio hujus Tractatus.

De Vitiis & Peccatis.

Quæstio I.

Quid sint Vitium & Peccatum.

Quoniam contrariorum eadem est disciplina, idcirco ratio doctrinæ postulat, ut quia de Virtutibus hætenus diximus, deinceps quoque de Vitiis & Peccatis disseramus: De quibus primum illud occurrit explicandum; Quid sint. Sciendum igitur est, *vitium*, *peccatum*, & *malitiam* distingui: quod *vitium* sit habitus; *peccatum* verò, actus; & *malitia*, aliquid consequens ad utrumque; nempe utriusque deformitas: licet hæc vocabula nonnunquam indiscriminatim usurpentur. Secundò notandum est, cum malum sit triplex, Naturale, Artificiale, & Morale; Vitium & Peccatum hic dici mala in genere morum: licet defectus qui in rebus naturalibus & artificiosis reperiuntur, nonnunquam *vitia* nominentur. Tertiò notandum est, malum in genere morum posse dici tripliciter: nempe, vel Denominativè tantum; quo modo lingua maledici *dolosa* seu *perversa* dicitur: vel Efficienter; quo modo voluntas peccatoris *iniqua* dicitur: vel denique Formaliter: Et hoc postremo & maximè proprio modo tum vitia cum peccata dicuntur moraliter mala; quia nempe in habitibus & actibus inordinatis duntaxat reperitur formaliter deformitas seu malitia moralis; at verò in voluntate seu libero arbitrio non nisi causaliter inest ejusmodi deformitas; quia nempe ipsa causa est cur peccemus; aut certè per aliud, nempe ratione habituum & actuum vitiosorum qui in ipsa formaliter insunt. His positis, potest definiri vitium quatenus opponitur virtuti, *Habitus electivus à mediocritate defle-*ctens. Sicut autem virtutum sic etiam vitiorum pro-

Nota 1.

2. Malum triplex.

3. Malum morale tripliciter dicitur.

Vitii definitio.

**Peccati
descriptio.**

**Definitio
peccati Cō-
missionis.**

**Carentia
rectitudi-
nis debitæ.**

pria sedes est sola voluntas, si modò vitia Prudentiæ opposita excipias : Cùm enim vitia virtutibus sint contraria, ea autem sit contrariorum natura ut in eodem subjecto inesse & ab eodem sese vicissim expellere apta sint; hinc fit, ut idem sit virtutum & vitiorum oppositorum subjectum in quo sunt. Et sicut bonis habitibus in voluntate residentibus alii in appetitu sentiente respondent, sic existimandum est de malis seu vitiosis. Peccatum verò aut est actus indebitus, cujusmodi est omne peccatum actuale Commissionis; aut ommissio actûs debiti, quod dicitur peccatum Omissionis; aut saltem carentia justitiæ debitæ, quod est peccatum Originale : Potest autem in genere definiri, Voluntarium quid recedens à Divina regula. Verùm prætermisso peccato originali, cujus consideratio pertinet ad Theologum; & etiam peccato omissionis, quod minùs notum est; quod spectat ad peccatum commissionis (quod est notius) potest sic definiri, Actus voluntarius recedens à Divina regula. Dicitur *actus*, ut distinguatur primùm à Vitio, quod est habitus; deinde, à Malitia, quæ est sola carentia rectitudinis in actu vel habitus; denique, à peccato Originali, & ab Actuali quod dicitur Omissionis, quæ omnia non consistunt in actu. Additur, *voluntarius*, i.e. à voluntate deliberata elicitus vel imperatus: Quare quod nec in nostra voluntate nec à nostra voluntate est, peccatum non est: imò quod à voluntate est absque deliberatione, peccatum non est; neq; enim tunc est in nostra potestate. Subjungitur, *recedens à Divina regula*; ut intelligas, ad rationem peccati pertinere defectum quendam qui dicitur carentia rectitudinis debitæ, sive recessus à Divina regula. Ubi per *Divinam regulam* intelligimus quodvis præceptum obligans, sive à Deo immediatè sive ab eodem mediatè, h. e. mediante naturali lumine vel prudenti hominum consilio, derivetur : Ejusmodi enim præcepta sunt regulæ humanarum actionum, à quibus cùm desciscunt, tunc debitâ rectitudine carent, dicunturq; vitiosæ.

Quæ.

Quæstio II.

Quenam sit vitiorum ac peccatorum origo.

Sensus propositæ quæstionis est, Quenam sit vera *Quæst ex-*
& propria causa cur in actibus aut etiam habitibus *plicatur.*
humanis malitia sive deformitas moralis reperiatur :
Ex quo intelligis, non hic tam quæri causam vitio-
rum aut peccatorum efficientem, quàm deficientem,
ut ità loquar. Respondetur, Veram & solam ejusmo- *Eidem ra-*
di causam esse liberum hominis arbitrium: quod quia *spondetur.*
finitum & creatum est, ac proinde ex nihilo oriun-
dum, idcirco nihili particeps, proindeque defectibile
& labile esse potest ; omnis enim defectus participa-
tio quædam nihili est: Quò fit ut omnis creatura na-
turâ suâ sit peccabilis, tum quia ex nihilo est, tum
quia suarum actionum regula esse non potest, utpote
æternæ legi subdita. Inter creaturas autem sola ratio-
nalis est moraliter peccabilis. Et quamvis DEUS di- *DEUS ne-*
ci possit causa ipsius habitus aut actus qui dicitur vi- *quit dici*
tiosus, quoad substantiam (ut loquuntur) non tamen *causa pec-*
dici potest ipsius causa quoad deformitatem; ideòque *cati.*
dici non potest causa vitii aut peccati, quia vitium &
peccatum ut sic includunt deformitatem. Et quam-
vis Deus justis de causis permittat mala, non tamen
autor mali dici potest, ut fusè probatur à Theologis.

Quæstio III.

An vitium sit contra naturam.

NOtandum est, licet natura hominis revera una *Natura*
sit, ratione tamen duplicem constitui; alteram *hominis,*
animalem seu sensitivam, alteram rationalem seu in- *ratione*
tellectivam : hominémque secundùm naturam sensi- *duplicem.*
tivam propendere ad bonum sensibile, quod aliquan-
do distat ab honesto aliquando verò non ; secundùm
verò naturam intellectivam inclinari ad bonum ra-
tionale & honestum. Quo posito, ad quæstionem
propositam respondeo sequentibus conclusionibus.

K 3

I. Con-

1. Conclusio;

I. Conclusio; Certum est, vitium esse contra naturam hominis rationalem: vitium enim per se inclinatur ad actum vitiosum; atqui omnis actus vitiosus ut sic à recta ratione deflectit.

2. Conclusio;

II. Conclusio; Dici potest, aliquâ ratione vitium esse secundum naturam hominis sensitivam; non quod homo per naturam sensitivam inclinetur ad peccatum formaliter, sed quia per ipsam fertur per se in bonum sensibile, quod ut plurimum repugnat honestati; licet non feratur in ipsum quatenus repugnans est honestati.

3. Conclusio;
probat. 1.

III. Conclusio. Absolutè & simpliciter vitium est contra naturam hominis, quia repugnat naturali inclinationi hominis ut homo est. Probat. 1. Quia naturalis inclinatio hominis ut homo est, ea est quæ fit secundum rectam rationem; nihil enim magis competit homini ut homo est quam recta ratio: at verò inclinatio quæ est secundum rectam rationem fit semper in bonum honestum, vitium verò inclinatur per se in bonum delectabile, quod repugnat tali bono: quare vitium absolutè & simpliciter est contra naturam hominis. Adde, quod appetitus rationalis habet naturalem inclinationem ad virtutem; ideoque omnes qui sunt sanæ mentis virtutem laudant: at verò quædam est in appetitu sentiente inclinatio ad obediendum appetitui rationali tanquam superiori; ideoque talis appetitus in homine dicitur ab Aristotele aliqua modo rationis participare: ergo totus homo, absolutè & simpliciter loquendo, inclinatur ad virtutem; ideoque vitium virtuti per se oppositum erit absolutè contra naturam hominis. Nota tamen, quod quamvis appetitus sentiens naturaliter inclinetur ad obediendum rationi, quia tamen propensius inclinatur in bonum sensibile, quod rectæ rationi ut plurimum adversatur hinc fit ut posterior hæc inclinatio priori præponderet. Quod autem tanta sit vis appetitus sentientis ut sensibilem bonorum blandimentis allectus superiorem appetitum secum trahat sapissimè, oritur

2.

1. Eth. 13.

Nota,

ex misera conditione naturæ lapsæ post peccatum primorum parentum.

Quæstio. IV.

Quenam sit propria peccati differentia.

Cum duo in peccato considerari possint: alterum Duo in peccato consideranda: Aversio à Deo; Conversio ad creaturam. quod est positivum, viz. actus voluntarius circa objectum delectabile; alterum quod est privativum, viz. carentia rectitudinis debitæ: illud dicitur à Theologis, Conversio ad creaturam; hoc verò, Aversio à Deo. Hoc posito, quæstio est, A quonam petatur propria peccati differentia, an ab eo quod in ipso positivum est, an verò ab eo quod privativum est. Rejectis igitur de re proposita pugnantibus sententiis, tota controversia videtur in hunc modum posse dirimi.

I. Conclusio; Peccatum in genere ut peccatum, videtur maximè constitui per id quod in ipso privativum est; ita ut quod in eo positivum est sit veluti materiale, id verò quod privativum est sit formale: Unumquodque autem maximè per id constituitur quod in ipso formale est. Hinc verè dicitur peccatum esse *nihil*; ipsa enim actus voluntarii malitia privatio est, proindeque nihil est. 1. Conclusio;

II. Conclusio; Species peccatorum constituuntur ac distinguuntur inter se per proprias ac speciales differentias: quæ differentiæ partim positivæ, partim privativæ sunt. Namque specialia peccata habent quòd sint speciales quidam actus, idque penes speciales ordines ad objecta; & præterea habent suos speciales defectus, idque penes speciales regulas à quibus deficiunt peccata. Quo fit ut unumquodque speciale peccatum constituatur tale, proindeque ab alio distinguatur, per quid positivum, nempe per specialem ordinem ad suum objectum; & etiam per aliquid privativum, nempe per specialem recessum à Divina regula: v. gr. Crapula & Ebrietas, quæ sunt species *Gu-*

la, positivè inter se distinguuntur per diversa objecta; nempe, quòd crapula sit circa cibum, ebrietas verò circa potum: & præterea differunt privativè, quòd in utraque sit recessus à distinctis & specialibus præceptis Temperantiæ.

Quæstio V.

*utrum habitus vitiosus possit fieri bonus;
& è contra.*

Pars affirmans Scoti.

PArtem affirmantem amplectitur Scotus, asserens unum eundemq; habitum modò virtutem modò vitium esse posse: Quod videtur hoc exemplo confirmari; Si aliquis qui obtinuit habitum abstinendi à cibo ob Mahometicam superstitionem ad Christianam fidem convertatur, & ob veri Dei cultum à cibo abstineat, ex illo eodem habitu sentiet promptitudinem facilitatémq; ad actus temperantiæ; ac proinde idem habitus qui erat antea vitiosus ob pravam finem, nunc ex fine honesto atq; ex conformitate ad legem Dei & rectam rationem fiet studiosus: & è contrà, si quis à fide ad Mahometicam superstitionem se conferat. Verùm tenendum est, Vitium non posse mutari in virtutem; nec è contrà: eò quòd vitium est habitus per se inclinans ad actum malum, virtus verò ad actum bonum. Itaq; habitus ille abstinendi in Mahometano non tantum inclinatur ad abstinentiam à cibo, sed ad abstinentiam cum circumstantiis quæ per se actum illum dehonestant: è contrà, habitus temperantiæ in Christiano inclinatur ad abstinentiam cum circumstantiis quæ actum illum perfectè cohonestant.

Pars negans probabilior.

Ad rationem partie affirmantis responsio.

Ad exemplum allatum responderetur, In Mahometano, præter habitum illum superstitiosum naturà sua malum, quo voluntas inclinatur ad superstitiosè abstinendum, esse alium subordinatum habitum in appetitu sentiente, quo reprimatur effrænata cibi appetitio, qui ex se neq; bonus neq; malus est. Et sic respondemus, Facilitatem abstinendi in eo qui conversus

versus esset ad fidem, oriri ex isto habitu subordinato qui potest virtuti subservire non secus ac vitio; non autem ex illo vitioso qui in superiori animi parte, nempe voluntate, residebat.

Quæstio V I.

An actus vitiosus sit peior habitu.

Duplici conclusione quæstio proposita explicatur.

1. Conclusio; Actus vitiosus absolute & simpliciter est peior habitu. Cum enim in rebus moralibus bonitas & malitia ex fine præsertim peti soleant; actus autem sit finis propter quem est habitus: hinc fit ut malitia habitus dependeat ex malitia actus; & certè idcirco habitus dicitur vitiosus quia inclinat ad actum vitiosum. Jam verò propter quod unumquodq; tale, & illud magis tale: quare cum habitus sit vitiosus propter actum vitiosum ad quem refertur, certè ipse actus erit per se & absolute deterior habitu. Adde etiam, quòd habitus non sunt tam voluntarii quàm actus; ideòq; non habitus sed actus propriè merentur vel demerentur, & ex consequenti præmiantur etiam vel puniuntur.

1. Conclusio; probatur, 1.

2.

II. Conclusio; Habitus vitiosus secundum quid est peior actu: Tum quia ejusmodi habitus potestate plures actus malos continet ad quos inclinat: Tum quia difficilius deponitur habitus vitiosus quàm actus; Tum quia plures actus per quos comparatus fuerit præsupponit. Si objicias, *Peccatorem* sic appellari ab habitu; *peccantem* verò ab actu: & tamen in Sacris literis *peccatores* tanquam omnium terribilissimos haberi. Respondeo, *Peccatorem* non tantum propter habitum sed etiam propter actus frequenter repetitos sic appellari.

2. Conclusio; probatur, 1, 2, 3.

Object.

Resp.

Quæstio

Quæstio VII.

*An vitium simul cum virtute esse possit.*1. *Conclu-
sio;*

Prima Conclusio; Habitus & actus vitiosi directè oppositi actibus propriis virtutum infusarum, non possunt simul esse cum ejusmodi virtutibus: v. gr. Infidelitas, vel actus Infidelitatis, non potest simul esse in eodem homine cum habitu Fidei: idemq; dicendum de habitibus & actibus directè oppositis tum Spei cùm Charitatis: Est enim nimia illorum inter se contrarietas, ità ut se mutuò in instanti perimant; ut fusè docent Theologi. Quo fit, ut peccatum mortale nunquam cum gratia esse possit.

2. *Conclu-
sio;**probatnr.*

I I. Conclusio; Actus moralis vitiosus potest esse simul cum habitu virtutis opposito: & è contrà, actus virtutis simul cum opposito habitu vitioso. Utrumq; experientià satis patet: Prius quidem, in probis hominibus; qui in peccata nonnunquam incidunt: Posterius, in improbis; qui quosdam virtutum actus interdum exercent: & etiam in iis qui ex improba vitæ consuetudine ad meliorem statum convertuntur: in his enim manent adhuc vitiosi habitus, qui non nisi repetitis frequenter contrariis actibus superantur: Cæterùm, quamdiu sunt involuntarii ejusmodi habitus, non imputantur ad culpam, sed potius si quando culpa ex infirmitate contingat, ipsam minuunt.

*Nota.*3. *Conclu-
sio; Ejus
prior pars
probatnr.*

I I I. Conclusio; Potest esse habitus moralis vitiosus cum habitu virtutis opposito in gradu remisso, non tamen in gradu intenso. Prior pars conclusionis probatur experientià. Nam is qui vitiis assuetus ad meliorem vitæ frugem convertitur, cùm incipit actus virtutum exercere, per ejusmodi actus contrahit aliquos habitus; nec tamen prorsus abolentur oppositi vitiorum habitus, licèt multùm debilitentur: Sicq; in ejusmodi hominibus oppositi habitus simul reperiuntur in gradu remisso. Posterior verò pars probatur: Quia quò magis habitus aliquis bonus aut vitiosus

*Ejus poste-
rior pars
probatnr.*

vitiosus in aliquo homine obfirmatur, eò magis oppositus debilitatur: ex quo sequitur, ut cùm habitus est omnino confirmatus seu in gradu intenso, tunc oppositus sit valde remissus aut omnino extinctus.

IV. Conclusio; Non potest actus vitiosus simul cum actu virtutis elici à voluntate: Quia non potest eadem facultas simul actu ferri in opposita: Licet tamen actus exteriores virtutis & vitii possint simul fieri; ut si quis unâ manu pecuniam alterius surripiat, & alterâ manu suam ipse pecuniam erogat: & tunc voluntas tacito quodam consensu fertur ad utrumque, licet non elicitò & expresse; quod satis est ut utraque actio censeatur voluntaria.

4. Conclusio; probatur.

Quæstio VIII.

Quenam sint vitiorum ac peccatorum species.

Quoniam habitus per actus distinguuntur, hinc Vitiorum species ex Peccatorum variis speciebus facillè colligi poterunt: Quare peccatorum divisiones aliquot magis præcipuas hoc loco persequemur.

I. Divisio Peccati est in Originale & Actuale.

Illud dicitur, quod propter lapsum primi hominis unicuique nostrum ab instanti conceptionis adnascitur; consistitque in carentia iustitiæ originalis debiti: Hoc verò dicitur illud omne quod actu in huius vitæ decursu ab homine committitur; potestque in genere definiri, Dictum, factum, concupitum, vel omisium contra vel præter legem Dei.

I. Divisio Peccati, in Originale, & Actuale.

II. Divisio, quæ propria est peccati actualis, est in peccatum Mortali & Veniale. Illud dicitur, quod mortem animæ generat, dum privat gratiâ & æternæ morti adjudicat, hoc verò, quod, quia gratiâ non privat, nec æternæ morti adjudicat, facillè veniam consequitur. Illud *contra*, hoc verò *præter* Divinam regulam est: Quare qui peccat mortaliter, facit contra præceptum, quia oppositum præcepti facit: qui verò peccat venialiter, facit præter præceptum; quia aliquid facit quod non licet; quod licet non sit con-

II. Peccati Actualis, in Mortale, & veniale.

*Effectus
peccati
mortalis
duplex.*

*Et duplex
pena.*

tra præceptum, non tamen tendit in finem præcepti. Porro, ex peccato mortali perpetrato duplex effectus in anima relinquitur, quorum neutrum sequitur ex peccato veniali: nempe, reatus Culpæ, qui consistit in totali carentia gratiæ & amicitiae Divinæ; & reatus Pœnæ æternæ, ratione cujus anima obligatur ad pœnam æternam subeundam. Cùmque in peccato mortali duo spectentur; nempe, aversio à Deo, & conversio ad creaturam; hinc pœna duplex incurritur: altera dicitur pœna Damni; quæ est sempiterna carentia Divinæ visionis; respondetque Aversioni à Deo: altera verò, pœna Sensûs, qui est sempiternus cruciatus infernalis flammæ; respondetque Conversioni ad creaturam. Cùm igitur mortale peccatum remittitur, semper tota culpa tollitur, non tamen semper omnis reatus pœnæ tollitur, sed pœna æterna quæ debebatur, in temporalem commutatur, quæ vel in hac vita per debitam satisfactionem solvenda est, aut in purgatorio post obitum, nisi indulgentiarum beneficio ab istiusmodi satisfactionis obligatione liberemur. Verùm de his copiosius Theologi, & præsertim Summistæ.

*III. In peccata
Com-
missionis,
& Omissionis.*

III. Divisio est in peccatum Commissionis, & peccatum Omissionis. Cùm enim duo sint præceptorum genera; alia affirmativa, quæ ad aliquid faciendum obligant, quale est, *Unum Deum adorabis*, &c. alia verò negativa, quæ aliquid facere prohibent, quale est istud, *Non occides*, &c. Quandocunque peccatum est contra negativum præceptum, semper est peccatum commissionis: At verò quando est contra præceptum affirmativum, aliquando est peccatum omissionis, cùm tantùm omittitur id quod præcipitur; ut si quis omittat debitum Deo cultum reddere: aliquando peccatum commissionis, cùm perpetratur contrarium ejus quod præcipitur; ut si quis Deum contemnat, aut irrideat, aut blasphemet. Ut plurimum tamen peccata quæ sunt contra præcepta affirma-

affirmativa, sunt omissiones non commissiones.

I V. Divisio peccati est in Dictum, Factum, & Concupitum; seu in peccatum Cordis, Oris, & Operis: Non quòd illa peccata sint semper distincta, sed quòd quædam sint peccata cordis tantum, quæ solo malo affectu committuntur; ut Blasphemia mentalis, Malevolentia, &c. alia verò, cordis simul & oris tantum; ut Detractiones, Injuriae, Comminationes: alia verò, quæ non tantum animo concipiuntur aut ore proferuntur, sed etiam opere complentur; ut Furta, Mutilationes, Homicidia, Fornicationes, &c.

IV. In pecc. Cordis, Oris & Operis.

V. Dividuntur peccata in Carnalia & Spiritualia, juxta illud Apostoli 2. Cor. 7. 1. *Mundemus nos ab omni inquinamento carnis & spiritus.*

V. In Carnale & Spirituale.

VI. Ratione personarum in quas peccamus peccatum triplex constituitur: Aliud enim dicitur esse contra Nosipsum; quod opponitur maximè Fortitudini & Temperantiæ: aliud, contra Proximos; quod opponitur Justitiæ & Misericordiæ: aliud denique, contra Deum; quod opponitur Charitati & Pietati. Denique, illa tria genera peccatorum opponuntur tribus virtutum generibus, quibus rectè ordinamur erga nos, proximum, & Deum.

VI. In pecc. contra Nos ipsos, Proximum, Deum.

VII. Ratione causarum internarum ex quibus nascuntur peccata, tria peccatorum genera assignantur: quorum alia dicuntur ex Ignorantiâ; quæ ex ignorantia aliqua culpabili procedunt: alia, ex infirmitate; quæ ex vehementi aliqua animi perturbatione oriuntur: alia denique, ex Malitiâ; quæ ex deliberata animi voluntate absque ulla vehementi passione scienter & prudenter perpetrantur.

VII. In pecc. ex Ignorantia, Infirmitate, Malitia.

VIII. Denique, vulgò dividuntur peccata in septem illa quæ communiter dicuntur *mortalia*; licet non satis aptè, cum pleraque ex illis non sint in genere suo mortalia sed tantum venialia: Quare melius ab aliis dicuntur *capitalia*, quasi omnium peccatorum tam venialium quam mortalium fontes & capita. Hæc autem septem peccata isto artificiali vocabulo,

VIII. In septem peccata vulgò dicta Mortalia.

SALIGIA

SALIGIA, significantur; nempe, Superbia, Avaritia, Luxuria, Invidia, Gula, Ira, Acedia. Ex his autem tria priora sunt præcipua; nempe, Superbia, Avaritia, & Luxuria: de quibus illud, 1. Joh. 2. 16. *Omne quod est in mundo aut est concupiscentia carnis, aut concupiscentia oculorum, aut superbia vitæ.* Porro de his specialius agere non est hujus instituti; sed ad Theologos, & præsertim Summistas, qui de casibus conscientiae disserunt, pertinet. Et hæc sunt quæ de Virtutibus & Vitiis; atque adeò de rebus Moralibus, dicenda habuimus ad maiorem Dei Opt Max. gloriam.

L A U S D E O.



Index eorum quæ in hoc Tractatu de rebus Moralibus continentur.

Acedia quid pag. 96
Actio omnis humana est
 propier finem 18
Actiones corporeæ quâ ratione
 considerentur à Philosopho 2
Actiōis humane bonitas & ma-
 licia quid sint 63. quanam
 earum origo ibid.
Actus amoris Dei clarè cogniti
 non est liber, licet sit volunta-
 rius 38
Actus spontanei, naturales, &
 violenti quomodo inter se dif-
 ferant 56
Actus aliqui humani in actu si-
 gnato sunt indifferentes, non
 autem in actu exercito 64
Adjuratio quid 127
Adoratio quid ibid.
Affabilitas quid ibid.
Agere propter finem duobus
 modis dicitur 16. est omni-
 bus rebus commune ibid.
Amicitia quid 127. quod duplex
 87
Amor Amicitiae, & Concupi-
 scentiae quid, & cur sic appel-
 latur ibid.
Amor quomodo ab Amicitia, Dile-
 ctione & Charitate differat 85
Azor Abundantiae seu Benevo-
 lentiae, & amor Indigentiae
 quid 88
Amoris definitio, & divisio 86.
 ejus causæ, proprietates & ef-

fectus 87, 88
Angeli & homines quomodo vo-
 luntatem possint movere 52
Angeli boni suadent aliquid ho-
 minibus illuminando intelle-
 ctum ibid. boni & mali pos-
 sunt aliquid hominibus suade-
 re immutando phantasiam aut
 sensum exteriorem 53
Animæ in homine portio duplex,
 superior & inferior 77
Animæ portio inferior duplex, a-
 nimalis & naturalis ibid.
Animæ facultatum multiplex di-
 visio ibid.
Animæ sensitivæ tres facultates
 præcipuæ, cognoscitiva, appeti-
 tiva, & loco-motiva 32
Anxietas quid 96
Appetitus omnis hominis volun-
 taria est propter finem 17
Appetitus sensitivus quid sit in
 homine 77. quod duplex 78
Appetitus concupiscibilis & ira-
 scibilis differentia, ibid. sedes
 utriusque 79
Appetitus sensitivi actus ab acti-
 bus rationalis appetitus quomo-
 do differant 81. ejus obje-
 ctum præcipuum est bonum
 expetendum ibid.
Appetitus duplex, Innatus & E-
 licitus 10. Innatus triplex,
 Naturalis, Animalis, & Rati-
 onalis ibid. Rationalis cur pos-
 sit

Index.

fit ferri in obiectum appetitus
sensitivus, non e contra 11
Appetitus sensitivus in homine
cur vocetur concupiscentia,
peccatum, & fomes peccati
ibid. quomodo moveat volun-
tatem 34
Audacia definitio 100. ejus
causæ & effectus 101

B

Beatitude est finis ultimus
in confuso omnium homi-
num 19. est duplex; Formalis
& Objectiva 20. Objectiva
quid ibid. differt à Fine ul-
timo 21. in quo sit ponenda
21, & 22.
Beatitudo formalis naturalis ho-
minis quid sit & in quo ponat-
ur 23. ad hanc requiruntur
bona externa 24
Beatitudo supernaturalis huius
& futura vite in quibus po-
natur 26
Bellue sunt actiones in finem non
possunt dirigere, sed à Deo di-
riguntur 17
Bonæ descriptio, quâ dicitur Id
quod omnia appetunt, expo-
nitur 9. ejus multiplex divi-
sio 13, & 14. 21.
Bonum & malum pertinent ad
eandem facultatem, licet non
ad eundem actum 13
Bonum & finis non sunt idem
formaliter 15. secundum ac-
tum non sunt idem realiter

ib. secundum potentiam sunt
idem reipsâ 16
Bonum, ut actus appetitur, habet
rationem finis ibid.
Bonum cognitum quomodo sese
habeat ad actus voluntatis 29

C

Charitas quomodo ab Amo-
re, Amicitia, & Dile-
ctione differat 85. quid sit
ibid.
Circumstantia humanarum acti-
onum cur sic dicte 66. quot
sint 65
Commutiones voluntarie quot
modis fiant 125. Involunta-
rie quæ 126
Concupiscentia cur malum &
peccatum ab Apostolo dicat-
ur 11. quomodo à Desiderio
differat 91
Consensus quid 71
Consilium quid 72. quo modo
Deo tribuatur ibid. quomodo
sequatur & precedat actum
voluntatis 73. est tantum me-
dium, non finis. ibid. pro-
greditur ordine analytico circa
ea quæ sunt ad finem 74
Cupiditas non semper causat in-
voluntarium 62

D

Dilectionis definitio, di-
visio, causæ, & effe-
ctus 92, &c.
Deliberatio, vide Consilium.

Desi-

Index.

Desiderii definitio, ab Amore & delectatione distinctio, divisio, cause & effectus, item à Concupiscentia differentia 91, 92
 Desperationis definitio 98
 Devotio quid 126, 127
 Deus est finis ultimus & verus actionum humanarum 18. principium externum efficiens humanarum actionum, ut causa universalis 49. & ut excitans voluntatem ad agendum 51. concurrit cum voluntate ad actus humanos ut causa prima 48. quomodo secundum D. Thomam antecedenter moveat voluntatem 49. solus efficaciter potest movere voluntatem 51. Dei generalis seu concomitans concursus non tollit voluntatis libertatem 48. Deus nec causa nec auctor mali aut peccati dici potest 141
 Dilectio quid, & quomodo ab Amore & Amicitia & Charitate differat 85
 Dolor latius patet quam Tristitia 95

E

Efficienter movere voluntatem duobus modis dicitur 51
 Electio quid 71
 Elicita actio voluntatis quid & quotuplex. 67
 Elicitæ & imperate voluntatis actiones quomodo inter se con-

veniant & differant 68
 Eliciti actus voluntatis possunt esse imperati 75
 Ethica cur dicatur Moralis Philosophia 1. naturæ ordine precedit Oeconomicam & Politicam 6
 Executio procedit ordine synthetico circa ea quæ sunt ad finem 74

F

Facultatem moveri quid sit, & quot modis accidat 29
 Felicitas, vide Beatitudo.
 Finis, vide Bonum. Ejus duplex acceptio, & multiplex distinctio 18
 Finis ultimus & verus humanarum actionum est Deus, ultimus opinatus, varius 18, & 19
 Finis ultimus & Beatitudo quomodo differant 21
 Finis cognitio duplex, perfecta & imperfecta 56
 Fortitudinis duplex acceptio, & definitio 134. ejus duo actus precipui, sustinere, & aggredi, 134. quatuor partes integrantes & potentiales 136. Temperantiæ antecellit 133
 Fruitio beatorum idem est ac beatitudo formalis 26
 Fruitionis duplex acceptio 69
 Fugæ definitio, & ab Odio & Tristitia distinctio 92

L

Ha

Index.

H

- H**abitus definitio, ejusque explicatio 41
Habitus voluntatis concedendos esse in ordine ad actus morales, probatur ibid. per quos actus acquiruntur, & augeantur 43.
concurrunt efflicite cum facultate ad eliciendum actum 44.
non possunt de per se soli actum cessare 45
Habitus ratioſus non poteſt fieri bonus; nec e contra 144
Hominem eſſe liberi arbitrii, probatur 37
Humana actio eſt vel elicitæ vel imperatæ 67
Humana actiones quæ dicantur; eorumque duplex definitio 55.
Eorum principia, partes, & proprietates assignantur. 4, 5.
Eorum principia, alia interna, alia externa 27

I

- I**dem reſpectu ejuſdem modo poſſit eſſe movens & motum 31
Ignorantia quid, & quotuplex, & quænam cauſæ involuntarium 59, &c.
Imaginatio quomodo ab Angelis poſſit immutari 53
Imp rare quid 74
Imperatæ actio voluntatis quid & quotuplex 68
Imperatæ & elicitæ actiones vo-

- luntatis quomodo inter ſe conveniant & differant* ibid.
Imperatæ actus undenam denominantur 74
Imperio rationis quænam actus in homine ſubdantur 75
Imperium duplex: politicum, & deſpoticum 32. ab uſu quomodo diſtinguatur 75. idem quod actus imperatus 75
Intellectualis creaturæ quomodo proprium agere propter finem 16
Intellectus quomodo dicatur principium humanarum actionum 28. quomodo moveat voluntatem, & à voluntate moveatur 29, 30. à bono angelo duobus modis poteſt illuminari 52
Intentio quid 69
Invidia quid 96
Involuntarium duplex: per violentiam, & ignorantiam 58
Ire definitio, ſpecies, cauſæ, effectus, & remedia 101, &c.
Juramentum quid 127
Juris multiplex acceptio 131, 132
Jus propriè dictum quid 132. quotuplex 122, 132. quomodo ex factis & lege naſcitur 132
Juſtitia inter virtutes morales prima, tum ratione ſubjecti, cum ratione objecti 120
Juſtitie partes integrantes due 121. partes potentiales 126.
Ejus duplex acceptio 120.
quid ſit 121. quotuplex 122
Juſtitia

Index.

Iustitia Legalis seu Generalis
quid, & qualenam ejus ob-
jectum 123. quomodo à Speci-
ali seu Privata differat 122.
Iustitia Specialis quoduplex
124

*Iustitia distributiva & commu-
tativa* quomodo inter se differe-
rant ibid. earum species 125

L

L *Aus*, ut religionis actio,
quid 127

Legis definitio, & multiplex di-
visio 128, 129. quenam lex
obliget 131

Liberalitas quid 127

Libertas à necessitate constituit
liberum arbitrium 36. duplex
est; Contradictionis & Contra-
vrietatis ibid.

Libertas contrarietatis duplex:
quoad actum & quoad obje-
ctum 40

Libertatis & liberi multiplex
acceptio 36

Liberum arbitrium quid ibid.
quomodo ab intellectu & vo-
luntate differat 36. quomodo
à ratione dependeat 37. dari
in homine, probatur ibid. ma-
net in ipso actu. 40

M

M *Ali* multiplex divisio 139
Martyrium est actus

fortitudinis & charitatis 135

Medium virtutis duplex 106

Membra externa possunt moveri
à solo appetitu sensitivo 34

*Metus aliquantulum causat ino-
luntarium* 62

vide *Timor*.

Misericordia quid 96

Moralis disciplina non est ac-
cipiè dicta 2. neque prudentia,
sed scientia propriè dicta 2, 3. ejus obiectum quod-
nam sit 4. ejus finis 5. ejus
tripartita divisio in Ethica-
cam, Oeconomicam, & Poli-
ticam unde sumatur 5

Mores quid sint. 1

O

O *Beditentia* quid 117

Observantia quid ibid.

Odium quid 90

Oeconomia cur triplici societate
constet, scilicet Despotica, Co-
mmunica & Patrica 6

Oratio quid 127

P

P *Assiones* quid sint 80. ca-
runt origo 77. sunt ex
se neque bonæ, neque malæ 82
Passiones appetitus irascibilis &
concupiscibilis quomodo inter
se opponantur 98

Peccatum à vitio & Malitia
quomodo distinguuntur 139, 140

Index.

In Peccato duo consideranda;
unum positivum, alterum pri-
vativum 143
Peccatum in genere ut peccatum
per aliquid privativum consti-
tuitur ibid.
Peccati mortalis duplex esse-
ctus 148
Peccatorum species quomodo in-
ter se constituuntur & distin-
guantur 147 &c.
Phantasia quomodo ab Angelis
possit immutari 53
Philosophiæ finis, felicitas hu-
mana 1
Pietas quid 126, 127
Politica Oeconomica & Ethica
præstantior 6
Præstigatorum miræ operatio-
nes ab ipsis non fiunt sed à
dæmonibus 53
Prudentia reperitur sine Morali
disciplina 3. ejus quedam
muneria 2. cur inter virtu-
tes morales annumeretur 111
quid sit 113. *ejus subjectum*
est particulare 114. *quomodo*
differat à subjecto cæterarum
virtutum 115
Prudentiæ habitus est multi-
plex ibid. nec datur unus cæ-
teris eminentior 116. *triplex*
ejus actus 117. *octo partes*
integrantes 118. *dus sub-*
jectæ, ibid. tres potentia-
les 119
Pulchritudo cur solum à visu
& auditu percipiat 88

R

R *Ecce ratio quid* 63
Religio quid 126. *qui-*
nam ejus actus ibid.
Reipublicæ forma triplex, Mo-
narchica, Oligarchica, & De-
mocratica 6

S

S *Acrificium quid* 127
Sanctitas quomodo à Reli-
gione differat 126
Sensitivus appetitus, vide Appe-
titus sensitivus
Sensus exterior ab Angelo du-
obus modis potest immutari 53
Spei definitio 97. *causæ ibid.*
effectus ibid.
Sustinentia præstantior est ag-
gressionem 135

T

T *Emperantiæ duplex ac-*
ceptio 137. *descriptio,*
triplex objectum, item partes
subjectæ, integrantes, & po-
tentiales. 138
Timoris definitio, species, cau-
sæ, & effectus 98, 99, &c.
Tristitiæ definitio, species, cau-
sæ, effectus, & remedia 95,
96, &c.

V

V *Vegetivæ facultates non*
subiungunt imperio volun-
tatis 31

Veri-

Index.

Veritas quid 127

Violentum causat involuntarium
59

Virtutis duplex definitio 104.
multiplex divisio 109, &c.
quomodo consistat in mediocri-
tate 105, 106, &c. *circa a-*
liquid tribus modis versatur
134

Virtutes purè morales resident in
voluntate 108

Virtutum habitus sunt admit-
tendi in appetitu sensitivo
109

Virtutes morales in triplici gra-
du possunt obtineri 111. *in*
quo gradu sint inter se con-
nexæ *ibid.* & *sequent. in*
Virtutibus Moralibus tria par-
tium genera 117

Virtutum actiones non sunt ipsa
felicitas, sed tantum rationes
ad eam acquirendam 25

Virtutes cardinales cur sic dictæ
109. *earum quaternarius nu-*
merus colligitur *ibid.* *earum*
inter se ordo naturæ & digni-
tatis 110

Vitium quid 139. *à Peccato &*
Malitia quomodo distinguatur
ibid.

Vitia quæ ratione mala dicantur
ib. resident in voluntate 140
quomodo sint contra & secun-
dum naturam 142. *quæ eo-*
rum causa 141. *quomodo si-*
mul cum virtute esse possint
146

Vitiosus actus quomodo peior
habitu 145

Voluntarium tum latè cum stri-
cte sumptum quid 55

Voluntarium omne in homine est
ordinariè liberum 57

Voluntarium circa finem non est
deliberatum *ibid.*

FINIS.